

ASun Wankláán Ání
Luka
 Lówanlín

¹ Onumnyampv Tiofilo:

Ahá tsòtsòtsò babó mbódí wanlín tóá ulɛba anito tswi. ² Bəwanlín tóá ahá ámúbú bubu unv tsú mú nfiasí, bugyi mú asúmpú amv bowun, dá mú ɔkan amv bebláa aní pépéépé. ³ Onumnyampv Tiofilo, mí é nabó mbódí kwí mútót wankláán tsú mú nfiasí. Mú sv ndekléá nówanlín mú pépéépé há fú, ⁴ méní fébíá ató ámúbú basúná fú ámv igyi ɔnɔkwali.

Asú Ɖbɔpú Yohane Kwí Asún

⁵ Bréá Herode dé iwíe gyí Yudea ɔmátó á, Bulu igyi ɔhapú ɔku létsiá, butetí mv Sakaria. Otsú Bulu igyi ahapú ɔpasua kvá butetí mú Abiató. Mv ka gyí Elisabet, otsú Bulu igyi ɔhapú Aaron abí-anátó. ⁶ Mva mv ka asún da ɔkpa Bulu ansító. Butegyí aní Wíe Bulu mbla pú mv nhíhé féésú pépéépé. ⁷ Buma obí, tsúfé Elisabet mégyí ɔtsi kwíípú. Mva mv kulu féé bahíé dan.

⁸ Ɛke ɔku iloɔv Sakaria aná ɔpasua ání amó ɔbéha Bulu igyi. Sakaria lóyɔ ɔbv Bulu ansító ɔde mv agyómá yɔ. ⁹ Abi butòtswi pulé ɔhá aní obébitíwíe Ɖwankíkpa unv yówa ɔhíén ogyá, igyi ahapú ámv amándíé ɔnó. Bòtswi a, ileyi Sakariasu. ¹⁰ Bréá ɔde ɔhíén ámv ogyá wa á, ɔdom aní bəyɔ ɔtswékpá unv féé bulí kpankpá bude mpái bə.

¹¹ Bulu-ɔbɔpv ɔku lébelú afɔdiɛ-asubwi ámv gyɔpɩsv, lé wɛ ɔwan súná Sakaria. ¹² Bréá olowun Bulu-ɔbɔpv amv a, ɔlowan, ifú lowie mv ayetó. ¹³ Inu Bulu-ɔbɔpv amv lébláa mv ɔbéɛ, “Sakaria, mánya ifú! Bulu lanú fú isú. Fú ká obénya ɔmé kwíí obi yinhé há fú. Dinka mv dá ‘Yohane.’” ¹⁴ Obí ánfí kwí bówa mlí ɔdwe, wá mlí ansigyí. Ibówa

ahá tsòtsòòtsò é ansigyí. ¹⁵ Tsúfé kebi ámu òbòbwe òha kponkpontu Bulu ansító. Nta buhé kuku máda mu ònó ekekeeke. Òje Wankíhé òbòbulá mutò tsú bréá òbu mu yin iwíto. ¹⁶ Òbéha Israelfò tsòtsòòtsò bédamlí kluntò ba amú Wíe Bulu wá. ¹⁷ Bulu ònòsù òtòipúElia túmi pò mu òje bétsiá mutò. Obégya aní Wíe nkpá bá. Òbéha abí así bódwe amú abí, òbédamlí ahá ání butòkúsú líí Bulusu agywuun, ibwe fé yilé abwepú klé, méní òbéla ahá yái wankláán há aní Wíe.”

¹⁸ Sakaria léfité Bulu-òbòpu amu òbéé, “Ntò nòpubí ání asón ánfí ibéba mútò? Tsúfé mía mí ká anìlapòn.”

¹⁹ Inu Bulu-òbòpu amu lébláa mu òbéé, “Mí dá gyí Gabriel. Bulu ansító òlípó ngyi. Múláwá mí òbéé, mbébláa fu asun wankláán ánfí. ²⁰ Tsú nde púya ekeá asón ánfí ibéba mútò á, fòtò omúmu, tsúfé fòmòhò mí asun blíhé aní ibéba mú brétò anífu gyí.”

²¹ Ilobwe alí á, imòwánkí ahá ámú bulí bugyo Sakaria amu tóá svá alawá òpá òtswékpa obutótò unu alí. ²² Bréá òledali ba a, alatò omúmu. Mú sv bowun ání alawun tòku obutótò unu. Ínía òmetálí tóí sv á, òòpu mu ibí múa mu nwun bláa amú asón.

²³ Sakaria létsiá òtswékpa unu yófun ekeá òleha Bulu igyí tá, oleyinkí yó wóyí. ²⁴ Nke ámu òma a, Elisabet lénya òmé, tsíá òjáín iwí alu tsra anu kéké. ²⁵ Elisabet léblí òbéé, “Ínì mí Wíe Bulu labwé há mí ní. Alawun mí nwe, dínkí nsúpa lé mísó ahátò.”

Yesu Kwí Iwí Asón

²⁶ Bréá Elisabet òmé lòhò tsra asie á, Bulu lówa mu òbòpu Gabriel wílu kvá ibu Galilea òmátò, butetí mú Nasaret. ²⁷ Bulu lówa mu obitebí òkvá òmòkúdí oyin wá kí, butetí mu Maria wá. Alí bré ámutò budepú obitebí ámu há oyin òkvá butetí mu Yosef, ogyí owíe Dawid mu na bæe otsía.

28 Bulu-ɔ̀bɔ̀pɔ̀v amu léba Maria wóyító beha mu itsiá, bláa mu ɔ̀bée, “Bulu lagiy fu buale, alahíé yúlá fú!”

29 Asón ánfí leha Maria légyigyáa, ɔ̀lefíté mu iwí ɔ̀bée, “Ngya ntɔ itsiá odu ɔ̀há ánfí lahá mí alí?” 30 Bulu-ɔ̀bɔ̀pɔ̀v amu lébláa mu ɔ̀bée, “Maria, mánya ifú. Bulu lahíé yúlá fú! 31 Kí, fénya ɔ̀mé kwíí obi yinhé. Dínka mu dá ‘Yesu.’ 32 ɔ̀bɔ̀bwe ɔ̀ha yilé. Bétí mu ɔ̀súsúsú Bulu mu Bì. Aní Wíe Bulu ɔ̀beyaí mu mu nain Owíe Dawid obíású. 33 Obégyi iwíe Yakob* wóyísú bré f́éétó. Mu iwíegyí ḿɔ̀mɔ̀ ɔ̀nó ekekekeke.”

34 Maria léfíté Bulu-ɔ̀bɔ̀pɔ̀v amu ɔ̀bée, “Nkálí íbɔ̀bwe asa íní íbéba ḿtótó, tsúfé mmeyín oyin.”

35 Bulu-ɔ̀bɔ̀pɔ̀v amu léle ḿ ɔ̀nó ɔ̀bée, “ɔ̀ɣe Wankíhé ɔ̀béba fusu. ɔ̀súsúsú Bulu ámu túmí bóbun fusu. Íní su ahá bétí Obi wankíhé amúbú f́kwií ámu be, ‘Bulu mu Bì.’ 36 Kí, f́ obusuanýin Elisabet kóráá ɔ̀bá b́kwíí obi yinhé mu tsídehen anfitɔ̀. Ahá be, megyí ɔ̀tsi kwíípú ogyi, táme mu ɔ̀mé laho tsra asie dodo. 37 Tsúfé tɔ̀tɔ̀ ḿdún Bulu bwel!”

38 Inu Maria lébláa Bulu-ɔ̀bɔ̀pɔ̀v amu ɔ̀bée, “Bulu osúmbi ngyi. Ibá ḿtótó ha ḿ fé alá fablí.” Inu á, Bulu-ɔ̀bɔ̀pɔ̀v amu lénatí sí mu.

Maria Léyesináa Elisabet

39 Nke ámutɔ̀ á, Maria lókulá ató, wa ɔ̀sa yó Yudea abusu wúlu kutɔ̀. 40 Múbú olowie Sakaria wóyító há Elisabet itsiá. 41 Elisabet lénya nú itsiá ámu alí kebi ámu lékan iwí mu iwíto, ɔ̀ɣe Wankíhé lobulá mutɔ̀. 42 Inu ɔ̀lɔ̀kplón blí ɔ̀bée, “Bulu layúlá fú atsi f́éétó. Alayúlá fú iwíto obí ámu é. 43 Iyél Mí Wíe mu yin onutó lába mí wá á? Ntogyi só Bulu lawá mí numnyam anfi odu? 44 Kí, nenyánú fú itsiá ámu alí obí amúbú ɔ̀bu mí iwíto ámu lékan iwí ansigyísú. 45 Bulu layúlá fú, tsúfé fahogyi aní t́á alahíé há fú íbéba ḿtótó.”

* 1:33 Israelfɔ̀ gyí Yakob abí-aná.

Maria Bulu Kanfó Ilo

⁴⁶ Iṅu Maria lówa ulu ɔ́bée,
 “Mí ɔ́kláa dé mí Wíe Bulu kanfó.

⁴⁷ Mí Nkpa Ọ́họ́pọ́ Bulu lahá ansí de mí gyí.

⁴⁸ Tsúfẹ́ alakáín mí mu osúmbi ání ọ́ma tọ́tọ́ bwetósú,
 wun mi nwe.

Tsú séi pọ́ya a, abí-aná fẹ́é béblí beẹ, Bulu layúlá mí.

⁴⁹ Bulu Otúmípu amu labwé ató kponkponti há mí.

Ọ́lọ́wankí.

⁵⁰ Otowun ulín kugyíkuto

ahá ání butenyá mu ifú nwe.

⁵¹ Alapú mu túmi bwé ató akponkponti,
 pódá iwí atsupó nwuntọ́ asún sáín.

⁵² Alakplí awíe mbíasú,
 tsú ahá ání buma tọ́tọ́ bwetó fọ́a.

⁵³ Alahá ahíánfọ́ bamlí iwí anyapú,
 há iwí anyapú banátí ibikpan.

⁵⁴⁻⁵⁵ Alakpá mu asúmpọ́ Israelfọ́.
 Ọ́metan ání ọ́leblí ɔ́bée, mówun aní anáin Abraham
 mua mu abí-aná nwe bré fẹ́é,
 fẹ́ alá ọ́lebláa amú.”

Alí Maria lómọ́ mu ulu ámu ọ́nọ́ ní. ⁵⁶ Oletsiá Elisabet wá
 fẹ́ tsra asa asa oleyinkí yó wóyí.

Asú Ọ́bọ́pọ́ Yohane Kwí

⁵⁷ Bréá Elisabet lóbọ́kwí á, ọ́lọ́kwí obi yinhé. ⁵⁸ Mu
 abusuanfọ́ pọ́ mu aba bonu ání aní Wíe Bulu lahíé wun mu
 nwe. Mú su ansí légyi amú fẹ́é.

⁵⁹ Obí ámu lénya ndawótswí á, mu iwisu ahá beba mu
 obuto ọ́lekpá, abutun mu keté, dinka mu dá. Teki beẹ abupu
 mu si dá Sakaria dinka mu, ⁶⁰ táme mu yin lébláa amú ɔ́bée,
 “Ó-o! Mlídinka mu Yohane.”

⁶¹ Ahá ámu bebláa mu beẹ, “Animókúnú abuti fọ́
 obusuanyin ọ́kọ́ku alí ki.” ⁶² Iṅu bọ́bwe mu si ibi, fíté mu
 alá butí kebi ámu.

⁶³ Sakaria lóbwe ibi òbée butsúu tǎku ha mu amowanlun mú dinka mósú, òlwanlín òbée, “Mu dá gyí ‘Yohane.’ ” Ilofwie amú féesító. ⁶⁴ Inonu mu òdandu lesankí, òlòtòí kánfó Bulu. ⁶⁵ Ifú lekítá apíó aba ámu fée. Alí asún ánfí leklei wá Yudea abusu awúlu amu féesító. ⁶⁶ Ohagyíoha ání olonu asún ánfí léfité mu iwí òbée, “Ntò obí kebi ánfí òbóbwe ekekú?” Tsúfée ilòwankí amó ání Bulu ibi dín musu.

Sakaria Bulu Kanfó Ilu

⁶⁷ Inu á, Òye Wankíhé loblá Sakariatò, òlwa asún ání Bulu lapóhá mu blí bi.

⁶⁸ Òbée,
“Mliha akanfó aní Wíe Israel Bulu.
Tsúfée alabele mu ahá, há anilagyí iwí.

⁶⁹ Alalé Òhópu Òwonlínprú òku
tsú mu osúmpú Owíe Dawid abusuantò há aní.

⁷⁰ (Fé alíá òleblí tsun mu ònósú atóipú wankíhé amusu tswí dodoodo.)

⁷¹ Òbée, méle aní tsú aní alupú
pú ahá ání butamafia aní ibitò.

⁷²⁻⁷³ Òbée, mówun aní anáin nwé.
Òméetan mu ntam wankíhé amóú òleka há aní náin Abraham amusu.

⁷⁴ Òbée, méle aní tsú aní alupú ibitò,
méni abétalí súm mu, anuméenya adón ifú.

⁷⁵ Òbéha abóbwe mu ahá,
bwé yilé mu ansísú aní nkpatò fée.

⁷⁶ Mí bí, fú mú á, ahá bétí fú beé, ‘Òsúsúsú Bulu ámu ònósú òtáipú.’

Tsúfée fégya aní Wíe nkpa,
lá òkpa há mu.

⁷⁷ Fébláa mu ahá fée, Bulu òbétalí hò amó nkpa
tsun lakpansikíésú.

⁷⁸ Aní Wíe Bulu nwewúun su
Kristo amu òbédalí fé owí tsú òsúsú ba aní wá.

⁷⁹ Ɖbówankí wólí ahá ámuú butsie oklúnto pú lowu
 ɔkpasu ámu féesú.

Ɖbékpa aní tson iwilwii ɔkpasu.”

Íni Sakaria lópuómó mu asón ɔnó ní. ⁸⁰ Kebi ámu lédan,
 nya Ɖhétó ɔwunlín. Oletsíá dimbísú alu yófun ekeá ɔlele
 iwí ɔwan súná Israelfó.

2

Yesu Kristo Kwí
(Mateo 1:18-25)

¹ Alí bré ámutó á, Roma owíe dehen Augusto lówa mbla
 ɔbéé, bukláa ahá aní bubu Romafó así féeé, abɔwanlun amú
 adá. ² Múgyí ahákla gyankpapu ni. Alí bré ámutó á,
 oyin ɔkúá butetí mu Kirenio dé Siria ɔmású gyí. ³ Íni su
 ɔhagyíoha lóyo dá ɔwanlínkpá mu onutó wúluto.

⁴ Yosef é lókusú tsú Nasaret wúlu aní ibu Galilea ɔmátó
 dú yó Yudea ɔmátó, Owíe Dawid wúluto Betlehem. Tsúfé
 Owíe Dawid mu na ógyi. ⁵ Mva Maria amú bapúhá mu
 beé otsíá, ɔna odwinsu ámu nyo lóyo dá ámu ɔwanlínkpá.
⁶ Bréá bubu Betlehem inu á, ikwí lekan Maria, ⁷ ɔlɔkwí mu
 bití, ogyi oyin. Ɖlekíklí mu wá tatidato, pú mu tswi mbwi
 atogyihe dákato, tsúfé bumenya otsiákpá afó ɔswúkpá.

Akúfa Akpapú Pú Bulu-abɔpu

⁸ Alí bré ámutó á, akúfa akpapú aku bubu inu fún
 dimbító, bude amú akúfa iwí gyo onyé. ⁹ Bulu-ɔbɔpu léle
 iwí ɔwan súná amú, Bulu numnyam lówankí wólí amúsú.
 Mú su ifú lehie kítá amú. ¹⁰ Inu á, Bulu-ɔbɔpu amu lébláa
 amú ɔbéé, “Mlámánya ifú! Mluki, napó ason wankláán aní
 ibówa mlia ɔyító ahá féeé ansigyí ba mlí. ¹¹ Nde bakwí
 nkpa Ɖhópu, aní Wíe Kristo, (ɔhá ámuú Bulu ladá mu ofúli
 amu) há mlí Owíe Dawid wúluto! ¹² Tóá mlópubí mu gyí,
 mlówun kebi bɔbwe ɔkúá bapú tatida kíklí mu iwí, ɔda
 mbwi atogyihe dákato.”

¹³ Ɖtsáwule pé á, Bulu-abɔpu tsɔtsɔɔtsɔ beba betsiá Bulu-ɔbɔpu amuto, buɔe Bulu kanfó beɛ,

¹⁴ “Mliha apu numnyam ha Buluá ɔbu ɔsúsúúsú!

Iwi ilwii ahá ání Bulu ansí tegyi amú iwi ɔsulúsu.”

¹⁵ Bréá Bulu-abɔpu amu beyinkí yó ɔsúsú á, akúfa akpapú ámu bebláa aba beɛ, “Mliha ayɔ Betlehem, ayeki itó ánfi ilaba, Bulu lalé súná aní ánfi.”

¹⁶ Inu su bɔwa ɔsa yó. Lélé á, bowun Maria muɔ Yosef pú kebi bɔbwe amu, ɔda mbwi atogyihe dákatɔ. ¹⁷ Bréá bowun kebi ámu a, beɛ mu iwi asún ámú bonu ámu blí. ¹⁸ Akúfa akpapú asún ánfi lówa ahá ání bonu mú fée wánwan. ¹⁹ Táme Maria mú lékitá asún ámu fée wá nwuntɔ, tsíá gywúin mú iwi. ²⁰ Bréá akúfa akpapú ámu beyinkí bɔyó á, buɔna buɔe Bulu adábi da, kánfú mu, asún ámú bonu pú itó ámú bayówun fé alí ámú Bulu-ɔbɔpu amu lébláa amú ámu su.

Yesu Idá Dínká

²¹ Kebi ámu obuto ɔleké á, betin mu keté, dínká mu dá Yesu. Idá ánfi Bulu-ɔbɔpu amu léha mu asa mu yin lénya mu ɔmé ní.

Yesu Puya Bulu Ɖtswékpa

²² Bréá mu akwípu bógyuráa iwi Mose Mbla ɔnó lɔfun a, bɔpu mu dó yó Yerusalem, pú mu yópu wá Bulu ibitɔ.

²³ (Tsúfé bɔwanlín wá Mose Mbla ámutɔ beɛ, “Ilehián ání Israelfɔ bópu amú bití okugyíɔku há Bulu.”) ²⁴ Mú su bɔyóɔ afɔɔɔie ámu Mbla ámu ɔnó. Abróduma anyɔ ntée aklobi anyɔ bɔpubó alí afɔɔɔie ánfi há Bulu.

²⁵ Alí bré ámutɔ á, oyin dehen ɔku bu Yerusalem, butetí mu Simeon. Yilé ɔbweɔpú ógyi, otenyá Bulu ifú. Ɖɔe Wankíhé bu musu, otsie ogyo bréá Bulu ɔbɔpu Ɖlepú ba mu ahá Israelfɔ. ²⁶ Ɖɔe Wankíhé amu léle súná mu ání omóowu, yófun bréá alawun Kristo, (ɔhá ámú Bulu ladá mu ofúli amu) asa. ²⁷ Ɖɔe Wankíhé amu léha Simeon lóyɔ

Bulu ɔtswékpa wunsinésú. Alí bré ámutɔ á, Yesu akwíúpú baba mu amándíé ánfí ɔbwekpá fé alíá Mose Mbla ámu lɛblí. ²⁸ Inu Simeon lóhɔ kebi bɔbwe amu, ɔlɛkanfú Bulu ɔbɛɛ,

²⁹ “Mí Wíé! Asón ámúú fɛblí tswí amu ilaba mútɔ.

Séi mú á, mí fú osúmbi anfi nétalí wú iwílwíitɔ nya.

³⁰ Tsúfɛ mí onutó napú mí ansíbi wun ɔlɛpú ámu.

³¹ Fú onutó falá mu bwé ahá féé ansítɔ.

³² Wanki ogyi, ɔbéle fú súná ahá ání bumegyí Israelfɔ, pú numnyam ba fú ahá Israelfɔ.”

³³ Asón ánfí Simeon lɛblí tsú kebi bɔbwe anfi iwí lɛha ɔnó lobwie mu akwíúpú. ³⁴ Simeon lóyulá amú, ɔlɛbláa obí mu yin Maria ɔbɛɛ, “Ina kebi ánfí su Israelfɔ ɔfan bédida, ɔfan é béliú. Osúna ogyi tsú Bulusu, ahá bókúsú líí musu.

³⁵ Íni su Bulu ɔbéha ahá tsɔtsɔtsɔ klonsu asón bɛlun ɔwan. Fú é á, awírehɔ béhie kítá fú klun. Ibóhɔ fú ɔsin fé ɔdayí iya anyɔ bakpié yi fu.”

³⁶ ɔtsi dehen ɔkuá ogyi Bulu ɔnósú ɔtáírú é bu inu. Mu dá gyí Hana. Mu si gyí Fanuel, ɔtsú Asa abusuantɔ. ɔtsi dehen anfi mua mu kulu betsiá aba nfinsienó, mu kulu lówu. ³⁷ Olosu isura alu bɔfɔn bréá ɔlɔhɔ nfí adukwe-na (84). ɔlɔpɔ Bulu ɔtswékpa wunsinésú inu mlí mu ɔdikpa, ɔde Bulu súm, klí ɔnó, bó mpái ɔpa múa onyé. ³⁸ Mu é ɔledali ba bekanfú Bulu, blí kebi bɔbwe amu iwí asón súná ahá ámúú buɔde Yerusalemfɔ iwígyí ɔkpa kí amu.

Yesu Yinkía Ya Nasaret Wúlutɔ

³⁹ Bréá Yesu akwíúpú bɔbwe amándíé ámu tá Bulu mbla ámu ɔnó á, beyinkí kplí yó amú wúlutɔ Nasaret, Galilea ɔsulúsv. ⁴⁰ Kebi ámu lédan, nyá ɔwunlín, nyá nyánsa, Bulu é lóyulá mu.

Yesu Bu Bulu ɔtswékpa

⁴¹ Yesu akwíúpú butetsiá yó Yerusalem yégyi Israelfɔsu Katsun Nke offígyíofi. ⁴² Bréá Yesu lóhɔ nfí dúanyɔ á, mua amúnyɔ bɔyɔ nke ámu ogyíkpa fé alíá butɔyó yái.

⁴³ Bréá begyi nke ámu tá beyinkí á, Yesu akwíró bumebi ání alasin unu. ⁴⁴ Buki bæe mua mu abanyo ná. Mú su benatí ekewóle owító asa bowa mu dunká apíó abato bi. ⁴⁵ Bréá bodunká mu kásíán á, beyinkí yó Yerusalem, yódunká mu. ⁴⁶ Eke sáásí a, boyówotií mvsu Bulu ɔtswékpa wunsinésú unu. Otsie Mose mbla asunápú wá, ɔde asu yáa amú asúntó, ɔde amú asún fité. ⁴⁷ Ɔnó lobwie ahá ání bubu unu fée, tsú alá ɔde asún ámu asi nu pú alá ɔde mú ɔnó le. ⁴⁸ Ɔnó lobwie mu akwíró bréá bowun mu. Mu yin léfité mu ɔbé, “Mí bí, ntogyi su fabwé aní alí? Mía fó sínyo ansí lapé anidé fó dunká.”

⁴⁹ Inu Yesu léfité amú ɔbé, “Ntogyi su mlidé mí dunká? Ilehíán ání mlébi ání mí Sí wóyító nétsiá.” ⁵⁰ Táme mu akwíró bumonu asún ání ɔde amú bláa asi.

⁵¹ Mua amónyo beyinkí yó Nasaret, ɔleba iwiasí há amú. Maria lékitá asún ámu fée wá kpawunuto, tsíá gywín mú iwí. ⁵² Yesu lédan, wa ɔwunlín, nyá nyansa, Bulu múa anyánpúsa fée ansí legyi mu iwí.

3

Asú Ɖbópú Yohane Bulu Asún Ɖkanda

(Mateo 3:1-12; Marko 1:1-8; Yohane 1:19-28)

¹⁻² Roma owíe dehen Tiberio iwíegyí ofí dúanusító á, Bulu lébláa mu igyí ɔhapú Sakaria mu bi Yohane dimbísú ɔbé, ɔdáa mu asún ɔkan. (Alí bré ámutó á, Pontio Pilato dé Yudea ɔmású gyí. Herode dé Galilea ɔmású gyí. Herode mu dehen Filipino é dé Iturea pú Trakoniti ɔmású gyí, Lisania é dé Abilene ɔmású gyí. Bulu igyí ahapú dehen ání bubu unu alí bré ámutó é gyí Hana mua Kaiafa.) ³ Mú su Yohane léki Yordan bunkpá ɔnó, ɔde ɔkan da blí ɔbé, “Mlídamlí klúntó, amlisi lakpan bwɛ. Bulu osikie mli, ambo mli asú.”

⁴ Bulu ɔnósú ɔtáíró Yesaia lówanlín Yohane iwí asún wá mu ɔwulótó ɔbé,

“Ɖku dékplɔn dimbísú ɔbéε,

‘Mlɩla anɩ Wíε ɔkpa.

Mlɩtswii ikpa ha mu!

⁵ Mlɩtin bunkpa kugyíku,

amlɩbwiebwie abv móa nkúku fée.

Mlɩtswíi ikpa,

amlɩla mósú wankláán.

⁶ Ahá fée bówun Bulu nkpahóo.’ ”

⁷ Ɖɔɔm beba Yohane wá beε, ɔbó amú asú. Ɖlefíté amv ɔbéε, “Abε abí-aná, ntɔ gyá mli, mlɩsrí Bulu ɩsubítí amúú íbá amú? ⁸ Mómú mlɩswie abí oduá íbósuná aní lélé mlɩladámli klɔntɔ. Mlumáki mlɩaa, mli náin gyí Abraham. Nde mli bláa mbéeε, Bulu ɔbétalí há abwi ánfɩ íbédamli Abraham abí-aná. ⁹ Séi á, Bulu lapú efé yi nyí-atsitsitɔ. Oyígyíoyí aní imoswie abi wankláán á, bókun mú dá, wá mú fée ogyá.”

¹⁰ Ɖɔɔm amv befíté Yohane beε, “Ntɔ mεε abwéeε?”

¹¹ Yohane lébláa amú ɔbéε, “Fúá fubv atadiε anyɔ á, pv kule ha ɔhá aní ɔma kuku. Fúá fubv atogyihe é bwe mú alɩ.”

¹² Lampóo ahópv aku é beba asú ɔbɔkpa. Befíté Yohane beε, “Osunápú, ntɔ ilehián aní abóbweε?”

¹³ Yohane lébláa amú ɔbéε, “Mlumátswi dunká ahá. Mliho tóá beε mlihoóo.”

¹⁴ ɩsá akɔpv aku é befíté Yohane beε, “Anɩ é mé, ntɔ abwéeε?”

Yohane lébláa amú ɔbéε, “Mlumápv ɔwonlín swíi ɔhaa kóba, ntée wá afunu dínká ɔhaasu. Mli akatua igyí mli ansí.”

¹⁵ ɩniá amú ansí dɩn Kristo amusu, buɔε mu ɔkpa kí sv á, umɔwánkí amú ní Yohane gyí Kristo amv. ¹⁶ Mú sv Yohane lébláa amú ɔbéε, “Ɖkúá ɔɔvɩn mɩ bv ɔma ɔbá. Mmɔfvɩn aní nésankí mu ntukvta ɔfé kúráá. Mí mú á, ntsu ndεpvbó mli asú. Mu ɔbópv Ɖɩε Wankíhé pv ogyá bó mli asú ní. ¹⁷ Ɖɔε mu ulín, ɔbópvfúní ntéte lé ayó amvɔ. Ɖbékpa ayó amv wá mu odudutɔ. Táme ɔbéféí ofuníkpa unv wankláán, kpa

ntéte amv wá ogyá ání itamaduntə.” ¹⁸ Yohane léda asvn wankláán ámv okan, bláa ahá ámv asún tsətsəətsə əbée, budámli kluntə.

¹⁹ Isv ogyípú Herode laswú mv dēhen Filipino mv ka Herodia tsía, trá bwe lalahə tsətsəətsə tsía mútó. Mú sv Yohane lékiná há mv. ²⁰ Múá idun kúráá gyí, Herode léha bekitá Yohane wá obu.

Yesu Asúbə

(Mateo 3:13-17; Marko 1:9-11)

²¹ Bréá Yohane dé ahá ámv asú bə á, Yesu é léba, Yohane lóbə mv asú. Bréá Yesu dé mpái bə á, nwulótáa lefinkí, ²² Əje Wankíhé lédamlí fé abróduma, kplí bogyonká musv. Əme kv lotsu əsúsú əbée, “Fúgyí mí bíá ntədwé, mi ansí tēhíé gyi fú iwí ní.”

Yesu Anáin líntə

(Mateo 1:1-17)

²³ Bréá Yesu lóhə fé nfi advasa á, olefi Bulu asún əkanda así. Ahá mú buyin ání Yosef mv bi ní. Yosef mv sí gyí Eli. ²⁴ Eli mv sí gyí Martat. Martat mv sí gyí Lewi. Lewi mv sí gyí Melki. Melki mv sí gyí Yanai. Yanai mv sí gyí Yosef. ²⁵ Yosef mv sí gyí Martatia. Martatia mv sí gyí Amos. Amos mv sí gyí Nahum. Nahum mv sí gyí Hesli. Hesli mv sí gyí Nagai. ²⁶ Nagai mv sí gyí Mahat. Mahat mv sí gyí Martatia. Martatia mv sí gyí Semein. Semein mv sí gyí Yosek. Yosek mv sí gyí Yoda. ²⁷ Yoda mv sí gyí Yohanan. Yohanan mv sí gyí Resa. Resa mv sí gyí Serubabel. Serubabel mv sí gyí Sealtiel. Sealtiel mv sí gyí Neri. ²⁸ Neri mv sí gyí Melki. Melki mv sí gyí Adi. Adi mv sí gyí Kosam. Kosam mv sí gyí Elmadam. Elmadam mv sí gyí Er. ²⁹ Er mv sí gyí Yosua. Yosua mv sí gyí Elieser. Elieser mv sí gyí Yorim. Yorim mv sí gyí Martat. Martat mv sí gyí Lewi. ³⁰ Lewi mv sí gyí Simeon. Simeon mv sí gyí Yuda. Yuda mv sí gyí Yosef. Yosef mv sí gyí Yonam. Yonam mv

sí gyí Eliakim. ³¹ Eliakim mu sí gyí Melea. Melea mu sí gyí Mena. Mena mu sí gyí Martata. Martata mu sí gyí Natan. Natan mu sí gyí Owíe Dawid. ³² Owíe Dawid mu sí gyí Yisai. Yisai mu sí gyí Obed. Obed mu sí gyí Boas. Boas mu sí gyí Salmon. Salmon mu sí gyí Nahson. ³³ Nahson mu sí gyí Aminadab. Aminadab mu sí gyí Admin. Admin mu sí gyí Arni. Arni mu sí gyí Hesron. Hesron mu sí gyí Peres. Peres mu sí gyí Yuda. ³⁴ Yuda mu sí gyí Yakob. Yakob mu sí gyí Isak. Isak mu sí gyí Abraham. Abraham mu sí gyí Tera. Tera mu sí gyí Nahor. ³⁵ Nahor mu sí gyí Serug. Serug mu sí gyí Reu. Reu mu sí gyí Peleg. Peleg mu sí gyí Eber. Eber mu sí gyí Sala. ³⁶ Sala mu sí gyí Kainan. Kainan mu sí gyí Arfaksad. Arfaksad mu sí gyí Sem. Sem mu sí gyí Noa, Noa é mu sí gyí Lamek. ³⁷ Lamek mu sí gyí Metusela. Metusela mu sí gyí Enok. Enok mu sí gyí Yared. Yared mu sí gyí Mehalaleel. Mehalaleel mu sí gyí Kenan. ³⁸ Kenan mu sí gyí Enos. Enos mu sí gyí Set. Set mu sí gyí Adam. Adam é mu sí gyí Bulu.

4

Yesu Isóki

(Mateo 4:1-11; Marko 1:12-13)

¹ Bréá Yesu léyinkí tsú Yordan ntsu onó á, Ɔɲe Wankíhé lɔbulá mutɔ, ulɛkpa mu ya dimbísú. ² Bréá ɔbu unv á, Ɔbunsám létsiá bɔsɔ mu kí nke advana kéké. Yesu mégyíi tɔtɔ nke ámutɔ féé. Mú su bréá nke ámu ulɔmɔ onó á, akún híé de mu.

³ Inu Ɔbunsám lébláa mu ɔbéé, “Ní Bulu mu Bi fɔgyi á, múmú ha ibwi ánfí ɪdamli bodobodo.”

⁴ Yesu léle mú onó ɔbéé, “Bɔwanlín wá Bulu asún ámutɔ bɛɛ, ‘Megyí atogyihe wule nyankpusa ogyíi tsia nkpa.’ ”

⁵ Ɔbunsám lópv mu ya ɪbu fúáhé kusv. Olosuná mu ɔyító iwíe ogyíkpá féé ɔtsáwule pé. ⁶ Múb ɔlebláa mu ɔbéé, “Nópv ɔmá ánfí féé túmi pú amó numnyam há fú, tsúfé mí

ibitɔ bapúwá. Ɔhá ání ndeklé a, mu nópuhá. ⁷ Mó su ní fosúm mí á, nópu mú fée há fú.”

⁸ Yesu lébláa mu ɔbé, “Bɔwanlín wá Bulu asón ámutɔ be, ‘Da akpawunu ha fú Wíe Bulu. Mu nkule fu súm.’ ”

⁹ Ɔbunsám lékpa mu ya Yerusalem, ɔɔpu mu yélí Bulu ɔtswékpa obu ámu ɔántra. Inu ɔlebláa Yesu ɔbé, “Ní Bulu mu Bi fúgyi lélé á, tu kpayi. ¹⁰ Tsúfé bɔwanlín wá Bulu asón ámutɔ be, ‘Bulu ɔbéha mu abɔpu béki fusu. ¹¹ Békpatá fú ibitɔ, méni fú yabi méeda ibwi kukusu.’ ”

¹² Yesu léle mú ɔnɔ ɔbé, “Betrá wanlín be, ‘Mákapú fú Wíe Bulu ki.’ ”

¹³ Bréá Ɔbunsám lómɔ isókí anfi fée ɔnɔ á, ɔɔku náti sí mu asa.

Yesu Gyumagyihe Asitsúa Galilea Ɔmátɔ

(Mateo 4:12-17; Marko 1:14-15)

¹⁴ Ɔhe Wankíhé túmi lekpa Yesu, oleyinkí yó Galilea ɔmátɔ. Mu iwí asón lekléi wa ɔmá ámu féeťó. ¹⁵ Oletsiá súná ató Yudafo ofiakpa, ahá ámu fée bekanfú mu.

Bumɔho Yesu Mu Wúluto

(Mateo 13:53-58; Marko 6:1-6)

¹⁶ Inu Yesu léyinkí bá Nasaret, ɔtínéá oletsiá dan. Fé alía ɔtetsiá bwé á, ɔɔyo Yudafo ofiakpa ɔkpónú ɔdaké. Bréá ɔɔkusú yélí amú ansító ɔbékla Bulu asón á, ¹⁷ botsu Bulu ɔnɔsú ɔɔípú Yesaia ɔwulú há mu. Ɔlesankí mú á, olowun ɔtunekvá bɔwanlín wá be,

¹⁸ “Aní Wíe Bulu ladá mí ofúli.

Iní su mu Ɔhé bu misu.

Alalé mí ɔbé, ndáa asun wankláán ámu ɔkan suna ahá ání buma tɔtɔ.

Ɔbé, mbébláa nkpábi mbée, masí amú iwí há amú.

Mí ambla ansibi abwiepú mbée, mabwíí amú ansíbi.

Ɔbé mbébláa ahá ání bude amú ipiantɔ wa é mbée, malé amú ipiantɔ.

¹⁹ Fówun mí ambli mbée,

anɩ Wíe ahá nwewúunbi lafon.”

²⁰ Inu olokuntá ɔwulú ámu, yínkíá ha mósú ɔkírɩ, ɔlɔwá tía asi. Ahá ámuúbu bubu offiakpa unu ámu fée besi bude mu kí dín. ²¹ Inu Yesu lébláa amú ɔbé, “Nde, Bulu asun wanlínhé anfi laba mútó. Mú mlilanú á.”

²² Ahá ámu fée bonu asun wankláán ámuúbu uledali mu ɔnó ámu. ɔnó lobwie amú, befité bee, “Megyí Yosef mu bi ámu ni?”

²³ Yesu lébláa amú ɔbé, “Nyin ání mléha mí yébi anfi mlíaa, ‘lɔ ɔsapú, tsa fú iwí!’ Mlélabláa mi mlíaa, ‘Bwe ató ámuúbu anilanú ání fúdebwe Kapernaum amu fú wúluto nfi é.’ ” ²⁴ Inu oleyinkí bláa amú ɔbé, “ɔnɔkwali nde mli bláa. Butamahɔ Bulu ɔnósú ɔtáírú ɔkuku asún mu wúluto.”

²⁵ “Mlunu, Bulu ɔnósú ɔtáírú Elia bísú á, nyankpu mótswie nfinza múa ifun kéké. Akún lehie ba Israel ɔmátó fée. Ibu mútó ání asurapu tsɔtsɔtsɔ betsiá Israel ɔmátó ali bré ámuɔ, ²⁶ táme Bulu méha Elia ɔyɔ amútó ɔkuku wá. ɔsurapu ɔkúá ɔbu Sarefat wúluto, Sidon ɔmátó nkule wá ɔleha mu ɔlɔyɔ. ²⁷ lɔ pɛpɛ alɔpú tsɔtsɔtsɔ é betsiá Israel ɔmátó Bulu ɔnósú ɔtáírú Elisa bísú. Táme ɔmeha ɔkuku iwí meplí, dun Naaman ání otsú Siria nkule.”

²⁸ ɔbls lehie kítá ahá ámuúbu bubu offiakpa unu ámu, bréá bonu Yesu asun blíhé anfi. ²⁹ Bokusú gya mu dáli amú wúluto. Wúlu amu idun busu. Begya mu alu yówie wúlu amu ɔnó, bee abuwuta mu wa tsonkolito. ³⁰ Yesu lénatí tsun amútó yó ɔtínéá ɔyó.

Yesu ɔye Laláhe Gyáa

(Marko 1:21-28)

³¹ Inu Yesu lékplí yó Kapernaum, Galilea wúlu kutɔ. Olosuná amú ató amú offiakpa ɔkpúnú ɔdaké. ³² Mu atosunáhé lobwie amú ɔnó, tsífé olosuná amú ató tímísu. ³³ Oyin ɔku bu offiakpa unu, ɔye laláhe bu musu. ɔlɔkplín blí ɔbé, ³⁴ “Kí mi! Yesu Nasaretyin, amansu bu ania funyɔ

nsuné? Ntéε anɪ ɔhɪkpá febá lóó? Nyin ɔhá oduá fúgyi. Fúgyí Bulu Ɖha Wankíhé amu ni!”

³⁵ Yesu lókplɔn wa ɔɣé ámu ɔbéε, “Kpa ɔnó bun, afɔdali mutɔ.” Inu ɔɣe laláhe amu léfin oyin ámu dá ahá ámutɔ unu, dáli mutɔ. Tɔtɔ mɔbwe mu.

³⁶ Ɖnó lobwie amú féeé, befité aba beε, “Amansu ni? Oyin ánfu bu túmi, ɔdekplɔn wa ɔɣe laláhe, ide mu bu, dáli ahátɔ?” ³⁷ Mu iwɪ asún leklei wá ɔmá ámu féeéto.

Alɔpu Tsɔtsɔɔtsɔ Tsa

(Mateo 8:14-17; Marko 1:29-34)

³⁸ Yesu lédali Yudafo ofiakpa unu yó Simon wóyító. Ɖlɔɔ á, owísó lakítá Simon mu sia tsíhé, ɔda kínkíínkín. Bebláa Yesu beε, ogyíi mu buale. ³⁹ Yesu lókpukpé tú ɔtsi ámu, ɔlɔkplɔn wa owísó ámu ɔbéε, ikúsu musu. Inunu ulokusú musu, ɔtsi ámu lókusú bwé amú afɔóto.

⁴⁰ Bréá owí deta á, ahá bɔsvrá amú ahá ání buɔe ulɔ ɔtsan-ɔtsan lɔ ba, Yesu lópu ibi dínká amúsú tsá amútó okugyíokɔ ulɔ. ⁴¹ Ɖɣe laláhe bu amútó akɔto. Yesu lókplɔn wa ɔɣe laláhe amu. Beɔdali, buɔe okitikíti beε, “Fúgyí Bulu mu Bi ámu ni.”

Táme Yesu lówa mbla wá ɔɣe laláhe amu ání bumátóí, tsúfé buyin ání mɔgyí Kristo, (ɔhá amúú Bulu ladá mu ofúli amu) ni.

Bulu Asún Ɖkanda Yudafo Ofiakpa

(Marko 1:35-39)

⁴² Mú ɔyi kehe bake a, Yesu lédali wúlu amutɔ yó itsétó ɔtɔneku. Ahá bodunká mu alu yótu mu, bokokóli mu beε ɔmánatí sí amú. ⁴³ Táme ɔlebláa amú ɔbéε, “Ilehián ání néda Bulu iwíegyi iwɪ asun wankláán ámu ɔkan awúlu atráhe amu ésú. Tsúfé mú ɔbwekpá Bulu lówa mí ní.”

⁴⁴ Íni su oleki Yudea ɔmátó féeé, dá Bulu asun wankláán amu ɔkan amú ofiakpa.

5

Yesu Akasípú Gyankpapu Ti
(Mateo 4:18-22; Marko 1:16-20)

¹ Eke oku Yesu líi Genesaret paati* onó, ahá tsotsòtsò beba boputá mu ání bónu Bulu asón. ² Olowun nklun anyo paati ámu onó. Aye alepú ámu bakplí yó bude amú asawuto da. ³ Yesu lódu wíe kuleá igyi Simon klétò. Múú òlebláa Simon òbée, osún mú kpalobí dinka ntsusu. Inu oletsíá mútò súná ahá ámu ató.

⁴ Bréá òlòtòí tá á, òlebláa Simon òbée, “Mlupla òklun amu ya okluklúkpá, amliyòtswi asawu le aye.”

⁵ Múú Simon lébláa mu òbée, “Owíe, anulóbwe kásíán ígye onyé fée, anuménya tòtò. Táme íniá fée ayó, su nòyòtswi asawu amu.” ⁶ Bréá bòyòtswi asawu amu a, bele aye tsotsòtsò. Mú su asawu amu lówa tití bi. ⁷ Inu bòbwe ibi tí amú agyómá ayòbá ámuú bubu òklun nyòòsító ámu bee bubétsa amú. Beba betsa amú, bele aye amu bólá nklun anyo ámu dédéédé, ideklé ime. ⁸ Bréá Simon Petro lówun mú ali á, òleda akpawunu Yesu ayabito, bláa mu òbée, “Mí Wíe, mákpukpé mantáa mi! Lakpan òwepú ngyi.”

⁹ Tsúfé aye amú balé ámu lówa mua mu aba ámu wánwan. ¹⁰ Ali kén ulówa Sebedeo abí Yakobo mua Yohane, bugyi Simon agyómá ayòbá ámu é wánwan ní.

Múú Yesu lébláa Simon òbée, “Mánya ifú! Tsú nde púya a, anyánkpúsa fée.” ¹¹ Simon mua mu aba ámu benya plá nklun amu besi otsubúnò ali, besi tógyítò tswi, kplá buo Yesu.

Ilò Pèpè Òlòpú Òku Tsa
(Mateo 8:1-4; Marko 1:40-45)

* 5:1 Genesaret paati: Mú kén gyí Galilea òpu nu.

¹² Εκε οκου Yesu bu wúlu kusu, ilo pepe olopu oku lowun mu. Inu olededa akpawunu, pu osukpi yi osuloto, kókóli mu obee, “Owíé, ní fótusulá á, fétalí há mí iwí bépli.”

¹³ Yesu létinkí ibi da mu, bláa mu obee, “Natsúlá, fú iwí uplí.” Inunu ilo ámu léja le mu iwí. ¹⁴ Inu Yesu léda mu oía obee, “Mábla ohaa. Nati laa afupu fú iwí yosuná Bulu igyi oharú, afuha mu iwigyurátó amú Mose mbla losuná tsú ilo pepetsa iwí ámu. Igyi adánsie suna ahá ání fú iwí laplí.”

¹⁵ Táme Yesu iwí asún létrá kleí yó ntíné dínká músú. Odóm beba mu atosunáhé onukpá, otsa amútó alopu é ilo.

¹⁶ Táme oletsiá dáli amútó bré ku yó dimbísú otneku mu nkule yóbo mpá.

Tsukule Osínpu Tsa

(Mateo 9:1-8; Marko 2:1-12)

¹⁷ Εκε οκου Yesu dé ató suná. Farisifo, Mose mbla asunápu akvá botsú Galilea pu Yudea omátó pu Yerusalem beba betsiá asi unu. Bulu túmi bu Yesuto há ilotsa. ¹⁸ Inu á, ayin aku bosura tsukule osínpu akpasu ba. Bekleá bópu mu wíé wóyító, pu mu tswi Yesu ansító. ¹⁹ Odóm amu su bumenya okpa. Íni su boyódu obu ámu awunso, dá mú otneku tíí, bekplía akpa amu tswi ahá ámutó Yesu ansító unu. ²⁰ Bréá Yesu lowun ání bahó mu gyi a, olebláa tsukule osínpu amu obee, “Opíó, nasí fú lakpan kíé fú.”

²¹ Mose mbla asunápu pu Farisifo ámu beblí wá nwunto be, “Ma gyi oyin áñfi ode abususu blí áñfi? Ma oβétalí sí lakpan kíé ahá dvn Bulu nkule?”

²² Yesu lébi amú agywun. Mú su oleafité amú obee, “Ntogyi sú mlidé íni odu gywín? ²³ Mómú lópən ha blí? ‘Nasí fú lakpan kíé fú.’ lóó, ntée ‘Kusu tsu fú akpa afonati?’

²⁴ Táme ndekléá mlíbú ání mí, Nyankpusa-Mu-Bi áñfi mbu túmi oyi áñfitó sí ahá lakpan kíé amú.” Inu olebláa tsukule

osínpu amu obée, “Nde fú bláa mbée, kusv. Tsu fú akpa afunati yə wóyí!”

²⁵ Inonvuvu tsukule osínpu amu lókusú líí amú fée ansító, tsú mu akpa, oləpu əkpa əyó wóyí əde Bulu kanfú.

²⁶ Onó lobwie ahá ámu fée. Ifú lowie amú féeétó, bekanfú Bulu beə, “Nde anilawun ofúla!”

Lewi Ti

(Mateo 9:9-13; Marko 2:13-17)

²⁷ Mú əma bréá Yesu lédali unv á, olowun lampóo əhəpu əkva butetí mu Lewi, tsie mu lampóo əhəkpa. Yesu lébláa mu obée, “Bobuo mi.” ²⁸ Inu Lewi lókusú, sí mu tógyító əmagyáa, yóbuo mu.

²⁹ Mú əma a, Lewi lótswi əpónú mu wóyító há Yesu. Lampóo əhəpu tsətsətsə pú aha bambá é beba ató ámu ogyíkpa. ³⁰ Farisifə pú Mose mbala asunápú ání bubu Farisifə ámutə befité Yesu akasípú amu beə, “Ntogyi sú mlia lampóo əhəpu pú lakpan abwepú mlidé ibi wa gyi ató, mlidé ntá nú?”

³¹ Yesu léle mú onó obée, “Aləpu léhián ilo ətsapú, megyí ahá ání iwí bu amú onlun. ³² Mmēba aha wankláán ətikpá. Mboun lakpan abwepú ətikpá neba, méni bédamlí kluntə.”

Onóklí Iwi Asvn Fitéhé

(Mateo 9:14-17; Marko 2:18-22)

³³ Aha akv bebláa Yesu beə, “Asú Əbəpú Yohane akasípú butetsía klí onó bó mpái. Farisifə akasípú é butəbwé ali, táme fú akasípú mú budegyí, budenúu.”

³⁴ Yesu léfité amú obée, “Ətsi əkpaínpu anyawíe béklí onó bréá əbu amú wá? Ekekekeke! ³⁵ Táme eke əku béba ání bəkpa mu náti sí amú. Ali nke ámutə béklí onó ní.”

³⁶ Inu əleha amú yébi obée, “Əhaa tamapú tati pəpwe tan tati dada. Ní əbwé mú ali á, alayintá pəpwe amu, pəpwe amu pú dada amu ansí é uméekanáa aba. ³⁷ Ali kén butamapú nta pəpwe wá əwulú-kpákpá kente wuhétó ní.

Nta p̄p̄wε amu ibófu fá kente amu tsítsá, yíntá kente amu é. ³⁸ Íni su ɔwulú-kpákpá kente p̄p̄wεto bútoṗú nta p̄p̄wε wá. ³⁹ Ɖhaa tamafíté nta p̄p̄wesu bréá alanu dánhe. Tsúfě ɔteblí ɔbéε, ‘Ídánhe amu bu alé dun.’ ”

6

Ɖkpónú Ɖdaké Mu Wie

(Mateo 12:1-8; Marko 2:23-28)

¹ Yesu mua mu akasípú b̄tsun ayó ndo kuto ɔkpónú ɔdaké. Mu akasípú amu b̄p̄r̄vun ató-abí ámu kv, b̄p̄vsáa mú wí. ² Farisifo ámu aku befité amú beε, “Ntogyi sú m̄ludé tóá aní mbla meha ɔkpa ání bubwée ɔkpónú ɔdaké bwε?”

³ Yesu léfité amú ɔbéε, “M̄ludókúkla nu tóá Owíε Dawid lóbwe bréá akón de mua mu abúoṗu kí? ⁴ Olebitíwíε Bulu osúm̄kpa yótsu bodobodoá bapúhá Bulu igyí ba, mua mu abúoṗu amu begyi. Bulu igyí ahapú nkule beε ɔkpa bútegyi alí bodobodo amu.”

⁵ Múy Yesu ɔl̄m̄ɔ mu asún ɔnó ɔbéε, “Mí, Nyankp̄usa-Mu-Bi ánfí gyí ɔkpónú ɔdaké mu wie.”

Il̄tsa Ɖkpónú Ɖdaké

(Mateo 12:9-14; Marko 3:1-6)

⁶ Yesu lóyo ató osunákpá Yudafo offiakpaɔkpónú ɔdaké bámbá. Oyin ɔkvá mu gyɔṗi ibi lawú bu unu. ⁷ Mose mbla asunápú pú Farisifo aku bete Yesu kí beε, ɔbétsa il̄ ɔkpónú ɔdaké, méní bénya mu iwí asún, p̄yénatí musu súná ahande. ⁸ Yesu yin amú nwuntɔ asún. Mú su ɔlebláa oyin ámús mu ibi kule lawú ámu ɔbéε, “Kusu belí amú ansító nfi.” Inu oyin ámu lókusó belí amú ansító. ⁹ Múy Yesu lébláa amú ɔbéε, “Nde m̄l̄i fité, ntɔ mbla ámu léha ɔkpa ání abwée ɔkpónú ɔdaké? Yilé lóó, ntée lalahe? Ahóo ɔha nkpa lóó, ntée amóo mu?” ¹⁰ Inu ɔledamlí kí amú fée fíá. Múy ɔlebláa oyin ámu ɔbéε, “T̄nki fú ibi amu.” Olenya t̄nki ibi amu alí pé, ɔhé lowie mótó.

¹¹ Ǫbló lekítá amó, befité aba beε, “Ntə kóún abéhiε bwé Yesu anfi?”

Akasípú Amu Adá

(Mateo 10:1-4; Marko 3:13-19)

¹² Ɛke ǫku Yesu lódu yó ɪbusu yóbo mpái há Bulu tsú onyé yéha ɔyi kehe. ¹³ Mú ɔyi kehe a, ɔleti mu akasípú, ɔlele amótó dúanyɔ, ɔleti amó mu sumbí ayɔpú. ¹⁴ Amúgyí, Simon ání ɔledunká mu Petro mua mu pio Andrea; Yakobo mua Yohane; Filipino, Bartolomeo, ¹⁵ Mateo, Toma, Alfeo mu bi Yakobo, Simon ání ogyi iwisutsiá adunkápú ɔpasuato ɔha; ¹⁶ Yakobo ǫku mu bi Yuda pú Yuda Iskariot ání ɔlebele Yesu há.

Yesu Atósuná Múa llo Tsa

(Mateo 4:23-25)

¹⁷ Yesu mua sumbí ayɔpú ámu bekpíli tsú ɪbu ámusu ba ɔsulúv tantasu. Mu abúopu tsɔtsɔɔtsɔ pú ɔɔm kɔɔnkɔɔnkɔɔntiá botsú Yudea ɔmátó, Yerusalem pú ɔpu ɔnó awúlu Tiro múa Sidonsu beba ɪnu. ¹⁸ Beba beε beba bonu mu asun blíhé, ɔtsa amó ɪlɔ. Ahá ání ɔhe laláhe de amó háan é beba, olegya ɔhe laláhe lé amótó. ¹⁹ Amó fée bekleá bópu ɪbi da mu, tsúfé ɔhé dedali muɔ, ɔletsa amó fée ɪlɔ.

Oyúla Asún

(Mateo 5:1-12)

²⁰ Yesu lótsu ansí kɪ mu akasípú, ɔlebláa amó ɔbéε,
“Bulu layúlá mlíá mlumá tɔtɔ,
tsúfé mlíbú mu iwíegyí amu ni.

²¹ Bulu layúlá mlíá akún de mli séi,
tsúfé mléba begyi mwe.

Bulu layúlá mlíá mlidésú séi,
tsúfé mléba bɔmɔsí.

²² “Bulu layúlá mlíá bude mli lu, bude mli gyáa le amótó,
síá mli, tí mli ɪda laláhe mí, Nyankpusa-Mu-Bi áni sv.

²³ Ansí igyí mli eke ámu, amlifuli kpayi ansigyísú, tsúfé mli ikáká tso ósúsú. Alí amó anáin bəbwe Bulu ónósú atóipú amu ni.

²⁴ Táme mli ání mlilanyá iwí séi, mligyowi ní.

Tsúfé mli ansigyí féé mlilanyá á.

²⁵ Mli ání mlilamwé séi, mligyowi ní.

Tsúfé akón béba bekitá mli.

Mli ání mlidémási séi, mligyowi ní.

Tsúfé mléba begyi awireho, su.

²⁶ “Mli ání ahá féé bude mli kanfú, mligyowi, tsúfé alí mli anáin bekanfú Bulu ónósú atóipú afunupu amu é ní.

Alupódwe

(Mateo 5:38-48; 7:12a)

²⁷ “Táme nde mli ání mlónu bláa mbéε, Mlidwe mli alupú, amlibwe yilé ha amó. ²⁸ Mliyula ahá ání butəlwíi mli, amlibə mpái ha ahá ání butesiá mli. ²⁹ Ní əha ədá fú isuto a, damli nyəəsi é ha mu əda. Ní əku əswíi fú tati á, woi fú atadié é ha mu. ³⁰ Ní əku əkúli fú ató á, ha mu. Ní əku é otsú fú ató á, máyəho mó. ³¹ Bwe ha ahá alí fudeklé fεε bubwée ha fu.

³² “Ní fú adwepú nkule futədwé á, ipán məmu fénya? Lakpan abwepú kóráá butədwé amó adwepú. ³³ Ní əhá ání ətəbwé yilé há fú nkule futəbwé yilé há á, ntogyi sú Bulu ədáa fú ipán? Lakpan abwepú é butəbwé alí. ³⁴ Ní əhá ání fuyin ání obénya há fú nkule futəhá ipán a, ntogyi sú Bulu ədáa fú ipán? Lakpan abwepú óó butəpú ató pan amó aba, yínki ho mó alí. ³⁵ Mú sv mlidwe mli alupú, mlibwe yilé ha amó, mlipan amó ató, mlímátı amó akə, məmı Bulu əbéka mli ikə tsətsəətsə. Fówun mlilabwé Əsúsúsú Bulu ámu abí. Tsúfé əbu awitəle há ahá ání ató tamagyi amó ansí pú aha laláhe féé. ³⁶ Mlibwe nwe awúnpu fé alí mli Sí Bulu gyí nwe owúnpu.

Ilále

(Mateo 7:1-5)

³⁷ “Mlumáλε ahá ilá, ménι Bulu méeλε mli ilá. Mlumáha ohaa ipón, ménι Bulu é oméεha mli pón. Mlisi mli aba ilá kie amú, Bulu osi mli klé kie mli. ³⁸ Mliha ahá tóá de amú hián, Bulu obélahá mli. Obópu ató susúε wankláán wá mú, wósún mú, sílá mú, ibóbólá tsítsá há mli. Tsúfé tóá fəpósúsu ha fú bá á, mú kén Bulu obópusúsu ha fu ní.”

³⁹ Yesu létra ha amú yébi obée, “Nsibi obwiepú obétalí kpá nsibi obwiepú? Amú féé buméεkpa wíε obótó?

⁴⁰ Okasípú tamadun mu wie, táme okasípú okási bí á, otəbwé fé mu wie.

⁴¹ “Ntogyi sú fúde ipí túkúríibi wúun fú bá nsíbisu, táme fumedé ogyakpatín ánι idun fú klésu mú wúun? ⁴² Ntée ntogyi sú fúde fú bá bláa fεε, ‘Mí píó, ha mí andunkι ipí fú nsíbisu’, táme fumedé ogyakpatín ánι idun fú klésu mú wun? Apinabwebí obwepú, gyankpa dunki ogyakpatín ámu fú nsíbisu, ménι fówun ató wankláán, tálí dínkí ipí ámu fú bá klésu.

Oyí Pú Mú Abi Swiehé

(Mateo 7:6-20; 12:33-35)

⁴³ “Oyi wankláán méetalí swíε abi laláε. Alι kén oyi laláε é méetalí swíε abi wankláán ní. ⁴⁴ Tsúfé oyí-ibí butəpúbí mú. Butamakpótí kankaba okplóto oyísú, butamakpótí tsəkpun é tunkpa iflasu. ⁴⁵ Oha wankláán telé tsiátó wankláán əwan tsú mu klontə, oha laláε é telé tsiátó laláε əwan tsú mu klontə. Tsúfé tóá idun oha klun a, mótédálí tsu mu ənó.

Butású pú Osublúto Obuyí

(Mateo 7:24-27)

⁴⁶ “Ntogyi sú mlidé mí ti mliaa, ‘Mí Wíé! Mí Wíé!’ táme mlitamagyi mí asun blíhésu? ⁴⁷ Nósuná mli alíá ohá ánι əleba mí wá bonu mí asún, gyi dinká mósú gyí. ⁴⁸ Ogyi fé ohá ánι obá beyi obu á, olegyankpá kwí mú ntswiasi

ɔbó yótu butá, ɔlɔwa ntswiasɪ ámu dínká mósú. Bréá ntsu lóbulá kítá mó á, ɪmetalí kpínkí obu ámu, tsúfé oleyi mú wankláán. ⁴⁹ Táme ɔhagyíɔha ání olonu mí asun blíhé, omegyí mósú gyí fé ɔhá ání oleyi mu obu ɔsulúsu kekε, ɔmɔwa mú ntswiasɪ. Bréá ntsu lóbulá wa mó á, ilobwie dá gbloo unuɔ, yíntá fée!”

7

Romafɔ Isá Akɔpú ɔhandε Osúmpú ɔku llo Tsa
(*Mateo 8:5-13; Yohane 4:43-54*)

¹ Bréá Yesu lébláa ahá ámu asún ánfɪ fée tá á, ɔlɔɔ Kapernaum wúluto. ² Romafɔ isá akɔpú ɔhandε ɔku bu unu. ɔbu osúmpú ɔkúá ɔtehíé kle mu asún. Osúmpú amu délo, odeklé owu. ³ Bréá isá akɔpú ɔhandε amu lónu Yesu nka á, ɔlɔwa Yudafo ahandε aku sísí Yesu ɔbéε, buyókokóli mu ɔbetsa mu osúmpú amu llo ha mu. ⁴ Ahandε amu beɪie kókóli Yesu beε, “Abwíí ipa, ní ɔku léhián fú mbua á, mómú oyin ánfɪ ní! ⁵ Tsúfé ɔɔɔdwé anɪ pi. Muléyi anɪ ofiakpa kúráá há anɪ ní.”

⁶ Mó su Yesu mua amónyɔ bɔpu ɔkpa. Bréá beta wóyí ámutɔ wie tá á, isá akɔpú ɔhandε amu lówa mu anyawíε ɔbéε buyéfia Yesu, abubla mu beε, mbée, “Owíé! Máhan fú iwɪ, tsúfé mmɔfun ání féba mí wóyító. ⁷ Nawun ání mí é mmɔfun ání néba fú wá. Fú mú bli asvanku, iwɪ bówa mí osúmpú amu ɔnlɪn. ⁸ Tsúfé mí é mbu ahandε aku asi. Isá akɔpú aku é bubu mí asi. Nelé ɔnó mbée amútɔ ɔku ɔnátɪ á, ɔtenátɪ. Ní mbée ɔbá é á, ɔteba. Tógyítáá nebláa mí osúmpú mbée ɔbwée á, ɔɔbwé.”

⁹ Bréá Yesu lónu asún ánfɪ á, ɔnó lobwie mu, ɔledamlí bláa ɔɔam amú bubuo mu amu ɔbéε, “ɔnɔkwali asún, ndε mli bláa, mmákówun ɔhá ání ɔbu hógyi kpɔnkpɔntɪ ánfɪ odu Israelfɔtɔ kúráá kɪ!”

¹⁰ Bréá abɔpu amúú isá akɔpú ɔhande amu lówa ámu beyinkí yó wóyító a, bowun ání osúmpú amu iwí lawá mu ɔnlɛn.

Ɔsurapu Ɔku Mu Bi Tsinkí

¹¹ Imɔwa ɔpá kuku Yesu lóyo Nain wúluta. Ɔɔɔm bubuo muva mu akasípú. ¹² Bréá olowie wúlu ɔnó á, ɔlotu aku, busun fúli akpasu bebá. Obi yinhé ɔkule pé ogyi há ɔsurapu ɔku. Ɔɔɔm kpɔnkpɔnkpɔntiá botsú wúlu amuto é bubuo ɔtsi ámu. ¹³ Bréá aní Wíe lówun ɔtsi ámu a, mu asún lówa mu nwe, ɔlebláa mu ɔbéé, “Másu!” ¹⁴ Múú ɔɔyópu ibi da akpa amu, asurápú amu besi lí. Inu ɔlebláa fúli amu ɔbéé, “Ɔyasubi, nde fú bláa mbéé, kusu!” ¹⁵ Inu fúli amu lókusú tsíá, wá tɔí bi. Yesu lɔpu mu wá mu yin ibito.

¹⁶ Ifú lekitá ahá ámu féé, bekanfú Bulu beɛ, “Bulu labɔbúá mu ahá! Mu ɔnósú ɔtɔ́pú kpɔnkpɔnti ɔku lalin anito!”

¹⁷ Yesu iwí asún ánfɛ lekleí wá Yudea ɔmá pú awúlu ání ibo nsuné inu féétó.

Yesu Mva Asú Ɖɔpú Yohane

(Mateo 11:2-19)

¹⁸ Asú Ɖɔpú Yohane akasípú beyébláa mu asún ánfɛ féé. Mú su ɔlɔwa amúú abanyó sísí Yesu ɔbéé, ¹⁹ buyéfité mu beɛ, “Fúgyí ɔhá amúú ɔbéba amu ni, ntéé akú ɔha bambá ɔkpa?”

²⁰ Bréá ahá ámu beba bowie Yesu wá á, bebláa mu beɛ, “Asú Ɖɔpú Yohane ɔbéé abéfité fú aniaa, ‘Fúgyí ɔhá amúú ɔbéba amu ni, ntéé akú ɔha bambá ɔkpa?’ ”

²¹ Yesu létsa alɔpu pú ahá ání iwí dé amú ɔsin tsɔtsɔtsɔ alɛ bré ámu. Olegya ɔye láláhe lé aháto, bwíí ansibi abwiepú tsɔtsɔtsɔ é ansibi. ²² Inu ɔlele Yohane akasípú asún ámu ɔnó ɔbéé, “Mliyinki yebláa Yohane tóá mlɛlabowun pú múa mlɛlabonu. Mlɛlabowun ání ansibi abwiepú buɔe ató wúun, abɔ buna. Ilo pepe alɔpú iwí deplí, isu atínpu buɔe

asón nu. Afúli budetsinkí, ahiánfɔ é buɗe ason wankláán ámu nu. ²³ Bulu obóyulá ɔhá ání mí bwehé mɔksú líi musu.”

²⁴ Bréá abí ámúú Yohane lówa sumbí ámu beyinkí bəyó á, Yesu lówa tɔí tsú Yohane iwɪ súná ɔɔm amu bi. Ɖbéɛ, “Bréá mlilédali yɔ dimbísú inu á, ntɔ ɔkíkpa mlilóyɔ? Fitáa ání afú de mú tsúun lóó? Ekekeke! ²⁵ Ní megyí mú á, ntɔ kóún ɔkíkpa mlilóyɔ? Ɖhá ání ɔɔdí ntsrim. Ekekeke! Ahá ání butedídá tati ámu odu gyi ɔɔwe á, awíe wóyí butetsiá. ²⁶ Mlibla mi! Bulu ɔnósú ɔtɔ́pú mlilédali yéki? Ee, Yohane nu. Ɖɔun Bulu ɔnósú ɔtɔ́pú. ²⁷ Mu iwɪ asón Bulu léblí bəwanlín mú tswi beɛ, ‘Kɪ, nde obí wa gya fɔ nkpá. Mu ɔbɛla ɔkpa há fú ní.’ ” ²⁸ Yesu lóyɔ mu asúnsú ɔbéɛ, “Nde mli bláa mbéɛ, ɔhagyíɔha ání ɔha tsihé laken kwí mófɔn mu, táme mu é ɔmɔfɔn Bulu iwíegyi ámutɔ ɔkusu kóráá.”

²⁹ Aha ání bonu Yesu asón ánfɪ pú lampóo ahópu kóráá bowun ání Bulu asón da ɔkpa. Botsulá há Asú Ɖbɔpú Yohane lóbo amú asú. ³⁰ Táme Farisifɔ pú Mose mbla asunápú amu mú bumeha Yohane ɔbo amú asú. Bekiná tóá Bulu léhíhíe ha amú bwe.

³¹ Yesu lóyɔ mu asúnsú ɔbéɛ, “Séi ánfɪ á, amendi nópvkápú ndemba-abí ánfɪ? Ntɔ belian? ³² Bugyi fé nyebíá butsie dunsu buɗe aba kpolí, blí beɛ, ‘Anulapléi ansigyísú, mlumétsa. Mú su anulawá awirehɔ ilu, táme mlumósú.’ ³³ Mligyí fé nyebí ánfɪ, tsúfé Yohane léba á, oletsiá klí ɔnó, omonu ntá, táme mlíaa, ‘Ɖɔɛ laláhe bu mutɔ!’ ³⁴ Mí, Nyankpusa-Mu-Bi ánfɪ mú naba nde ató gyí, nde ntá núu. Mú é mlíaa, ‘Mlíki opotsuapu pú nta ɔbupú. Lakpan abwepú pú lampóo ahópu onyawíe.’ ³⁵ Táme ɔhá ání ɔbu Bulu nyánsa á, mu tsíátó telé mú ɔwan.”

Ɖtsɪ Lakpan Ɖbwepú Ɖku

³⁶ Farisiyin ɔku léti Yesu ató ogyíkpa mu wóyító. Bréá Yesu tsie ɔpúnú ámu asi á, ³⁷ ɔtsɪ ɔkuá ɔbu wúlu amutɔ,

ogyi lakpan ɔwepú lónu Yesu nka ání batswí ɔpúnó há mu Farisiyin amu wóyító. Inu olotsu mu ofobí fánfán ání ibu bíá prentwa wankláán ɔbɔ ba inu. ³⁸ Ɖlebeda akpawunu Yesu ayabiasí, ɔlekpa isú yi woo. Ɖlɔpu mu ntsú fwí Yesu ayabiasí, pú mu nwunsu-imi tsítsi mú. Ɖlɔkulá Yesu ayabi pútá, tséí ofobí fánfán ámu wólí mu ayabisu. ³⁹ Bréá Farisiyin amú ɔletí Yesu amu lówun íni á, ɔleblí wá nwuntɔ ɔbéé, “Ní Bulu ɔnósú ɔtáípu oyin ánfí gyí lélé á, tɛkí alawun ɔhá oduá ɔtsí ánfí gyí asa ɔɔpɔ ɔbɔ da mu, tsúfé lakpan ɔwepú ogyi.”

⁴⁰ Yesu lébláa oyin ámu ɔbéé, “Simon, mbu asvanku bláa fu.”

Simon léfité mu ɔbéé, “Osunápú, amansu igyi? Bla mí.”

⁴¹ Yesu lébláa mu ɔbéé, “Ahá abanyó aku bepan sika oyin ɔku wá. Ɖkule lépan blíba-anu (5,000,000), ɔkule é lépan mpím lafanu (500,000)*. ⁴² Bumenyá kóba amu ká. Mú su oyin ámu lésikíé amú abanyó féé. Bla mí, amútó ɔmɔmu ɔbódwe oyin ámu dun?”

⁴³ Simon lébláa mu ɔbéé, “Nahogyiá ɔmɔamú mu íkɔ tɔɔ dun amu.”

Yesu lébláa mu ɔbéé, “Ɖnɔkwali igyi.” ⁴⁴ Inu Yesu léyinkí kí ɔtsí ámu, ɔlebláa Simon ɔbéé, “Fawun ɔtsí ánfí? Nɛba fú wóyító a, fumeha mí ntsu anfwí ayabiasí. Táme ɔtsí ánfí mú lapú mu ntsú fwí mí ayabiasí, pú mu nwunsu-imi tsítsi mú. ⁴⁵ Fumelatá mí pútá, táme tsú bréá nɛba nfi ɔpá á, ɔtsí ánfí mókúsí mí ayabi kulá pútá. ⁴⁶ Fumetseí ofobí wólí mí nwuntɔ, táme mu mú alatséí ofobí fánfán wólí mí ayabisu. ⁴⁷ Mú su nde fú bláa mbéé, ɔdwe tsɔtsɔtsɔ ánfí alalé súná mí ánfí idesuná ání Bulu lasí mu lakpan tsɔtsɔtsɔ ámu féé kíé mu. Táme ɔhá ání Bulu osíi lakpan kpalobí kíé á, ɔdwe kpalobí ɔtelé súná.”

* ^{7:41} Sika ánfí igyi sika futútú lafanu (500) múa aduenu (50), igyi ɔha nke lafanu (500) múa aduenu (50) íkɔká.

⁴⁸ Iwu Yesu lébláa ɔtsi ámu ɔbéε, “Nasi fú lakpan fée kíe fú.”

⁴⁹ Ahá ámú amú Yesu butsie ɔpúnúasi ámu, beblí wá nwuntɔ beε, “Ma gyí oyin ánfɪ ɔbéε muna mude ahá lakpan sikíe amú.”

⁵⁰ Mú Yesu lébláa ɔtsi ámu ɔbéε, “Fú hógyi laho fu nkpa. Nati iwilwiito.”

8

Atsiá Bobuo Yesu

¹⁻² Imɔwa ɔpá kuku, Yesu léki awúlu móa nkuda asi, ɔde Bulu iwíegyí ámu iwi asun wankláán ɔkan da. Mu akasípú dúanyɔ ámu pú atsi akvá olegya ɔye laláhe lé amútó, tsá amú ilo bobuo mu. Atsi ámu gyí, Magdalayintse Maria áni Yesu légya ɔye laláhe asienó lé mutɔ. ³ Owíe Herode wóyísú ɔkírɔ Kusa mu ka Yohana. ɔtsi ɔkúá butetí mu Susana pú atsi tsɔtsɔtsɔá betsiá pú amú ató kɪ Yesu mua mu akasípúsv.

Ató-abí Owunyápu Iwi Yébi

(Mateo 13:1-9; Marko 4:1-9)

⁴ Bréá ɔdɔm kpɔnkpɔnkpɔntɪ botsu awúlu-awúlusv ba befia Yesu wá á, ɔleha amú yébi ɔbéε,

⁵ “ɔdɔtɔpu ɔku lóyɔ ató-abí owunyákpa. Bréá ɔde mú wunyáa a, iku lówulí ɔkpatɔ, ahá betsatsáa músú, mbubwi é bɔtswetswée mú fée. ⁶ Iku lówulí abutású, ɔtínéá ɪsɪ kpalobí dɪn. Iłwa ɔsa kwe, táme bréá owí lelun a, ilɔtɔ mú mó, tsúfé imenya ntsu. ⁷ Abí ámu ku lówulí awutɔ, awu ámu lɔbulá kítá mú, imedan. ⁸ Abí ámu ku lówulí ɔsulúsv wankláánsú, dan. Iłowie abí tsɔtsɔtsɔ fée mú amúbú olodu ámu odu tsé lafa.”

Yesu lómɔ mu asún ɔnó ɔbéε, “ɔhá áni ɔbu asv onúu.”

Tóá Svá Yesu Lótɔí Ayébisv

(Mateo 13:10-17; Marko 4:10-12)

⁹ Yesu akasípú befité mu yébi anfi asi. ¹⁰ Ọlebláa amú ọ́bée, “Bulu lahá mli ọ́kpa ọ́bée, mlibú mu iwíegýí ámu iwí asun ñáínhé. Táme nde aha bambá asún bláa ayébisu, méni bówun, táme buméebi. Bónu, táme bumóonu mú asi.

Ató-abí Owunyápu Yébi Amu Asi

(Mateo 13:18-23; Marko 4:13-20)

¹¹ “Yébi amu asi ní. Ató-abí ámu gyí Bulu asún. ¹² Abí amú ọ́wulí ọ́kpatọ́ ámu gyí ahá ání butonú asún ámu, táme Ọ́bunsám teba bele mú lé amú klontọ́, méni bumóhọ́ mósú gyi, fówun bénya nkpa ání itamatá. ¹³ Abí amú ọ́wulí abutású amu gyí ahá amú bonú asún ámu pé, bahọ́ mú ansigyísú, táme buma nlin. Mú su butamahogyi wa ọ́pá. Ní isókí kv inyá tú amú pé, badida. ¹⁴ Abí amú ọ́wulí awutọ́ ámu gyí ahá ání bonú asún ámu a, bahọ́ mú, táme ọ́yí ánfító atọ́ hiánhe iwí gywín, pú mótọ́ atonyahé iwí ansigyí tegyi asún ámu su. Inu su butamaswíe abí dan. ¹⁵ Abí amú ọ́wulí ọ́solúv wankláánsú ámu gyí ahá amú bonú asún ámu a, butọ́họ́ mu wá klon wankláán ání itonú asún, gyi mósútọ́. Inu su butotomi swíe abí tsọ́tsọ́tsọ́.

Ọ́kandíe Iwí Yébi

(Marko 4:21-25)

¹⁶ “Ọ́haa tamanywé ọ́kandíe pú atọ́ bun mósú, ntée púwá mpá ayasi. Ọ́fúákpá ọ́tọ́púbian, méni ibọ́wankí há ahá ání béba wóyí ámutọ́.

¹⁷ “Tsúfẹ́ tọ́tọ́ má unvá ibéñáin, uméelun ọ́wan. Asun ñáínhé kọ́kọ́ é ma unvá buméebi mú.

¹⁸ “Mliki wankláán mli asún-nutọ́. Tsúfẹ́ ọ́há ání odekléá obónu mí atosunáhé amu asi á, Bulu ọ́bọ́pu iku tsía mótọ́ há mu. Táme ọ́há ání omedékléá obónu mú asi á, Bulu ọ́bọ́swí mu kpalobí amú olosusúu ání alabí ámu kúráá.”

Yesu Abusuanfọ́ Onutọ́

(Mateo 12:46-50; Marko 3:31-35)

¹⁹ Yesu mu yin mva mu apió beba mu wá, táme odòm amu su bumetalí wíé ba mu wá. ²⁰ Ahá ámutò oku lébláa Yesu òbéé, “Fó yín mva fó apió bulí kpankpá, budekléá bówun fu.”

²¹ Yesu lébláa amú òbéé, “Mí yín mva mí apió gyí ahá ání butonú Bulu asún ámu, gyi mósú.”

Atsufú Asibá

(Mateo 8:23-27; Marko 4:35-41)

²² Εκε oku Yesu lébláa mu akasípú òbéé, “Mliha afa Galilea opu yo mú òbun.” Mú su bapu okpa bayó. ²³ Bréá bayó á, Yesu lédidi. Inu afú kponkponkponu ku lówa tsóun bi. Ntsu ámu ideda wíé oklun amuto, ideklé ime. llotu amú ansí pepe. ²⁴ Mú su betsinkí Yesu, bláa mu beé, “Ani Wíé! Anidé ntsu wie!”

Yesu lókusú lé onó wa afú mva ntsu ámu, inu féé lolvá. ²⁵ Inu òlefíté amú òbéé, “Mli hógyi me?”

Ifú lekítá amú, onó lobwie amú, befíté aba beé, “Nyankpusa omomu ni, alalé onó wa afú mva ntsu kúráá, banú mu òme ali?”

Ḑḡe Laláhe Gyáa Le Ogbedéputó

(Mateo 8:28-34; Marko 5:1-20)

²⁶ Yesu mva mu akasípú befa opu tsú Galilea yówie Gerasefó* osulósu. ²⁷ Bréá Yesu dédali oklun amuto á, oyin okvá otsú wúlu amuto, ḡḡe laláhe bu mutò lébefia mu. Oyin ánfí lékpa ató, tú dálí wóyító, yó otsie afúli opulákpá ulawá opa. ²⁸ Bréá olowun Yesu a, òlsvrá okitikíti, dá akpawunu Yesu ayabito, kplón blí òbéé, “Ḑsúsúsú Bulu mu Bi Yesu, amansu igyi? Kókoli, máputí mí ató.” ²⁹ Ali bré ámutò á, Yesu lakplón wa ḡḡe laláhe amu òbéé, idáli mutò dodo. Mú su oyin ámu léblí ali ní. Ḑḡé laláhe amu itowíé mutò brégyíbré. Mú su butowá mu ibi pú mu ayabi ikan, gyo mu

* 8:26 Gadarafo bu nwulú dada amu akuto.

iwɪ. Mú óó á, otebíá ikan amv, òɛ laláɛ amv itehá mv òtesrí wíé aputu.

³⁰ Inu Yesu léfité mv òbée, “Nkálí butetí fú?”

Oyin ámv lélé mú ònó òbée, “Mí dá gyí ‘Òdòm.’ ” Tsúfé òɛ laláɛ tsòtsòtsò bv mvto. ³¹ Òɛ laláɛ amv bokokóli Yesu òbée, òmágya amó yówa ulán klúklúúklúá uma òkato.†

³² Mprákuo tsòtsòtsò aku budegýí okúku kusv unv fún. Mú sv òɛ laláɛ amv bokokóli Yesu beɛ, òhá abuyowie mprákuo ámvto. Òleha amó òkpa òbée buyó. ³³ Inu bedali oyin ámvto yówie mprákuo ámvto, amó féé besrí kpákplí okúku amv wíé òputo, wúwu.

³⁴ Bréá mprákuo akpapú ámv bowun tóá ilaba a, besrí yéblí asún ánfí wúluto pú òmá ámvto. ³⁵ Inu ahá beba beki tóá ilaba. Bowun ání oyin ámvú teki òɛ laláɛ bubv mvto ámv ansító ladí, alawá atadiɛ otsie Yesu wá. Ilowa amó ifú. ³⁶ Ahá ámvú bowun itó ámvú ileba amv bebláa amó alíá oyín ámvú òɛ laláɛ bubv mvto ámv lénya mv ulòtsá. ³⁷ Òmá ámvto ahá féé bokokóli Yesu beɛ, òdálí amó òmátó, tsúfé ifú lehie kítá amó. Mú sv Yesu lówie òklun amvto òbée amunati. ³⁸ Oyin ámvú teki òɛ laláɛ tsie mvto ámv lókokóli mv òbée, “Ha mí ambuo fv yò.” Táme Yesu méha mv òkpa.

³⁹ Mboún òlebláa mv òbée, “Yinki yo wóyí, afuyebháa mlí pí toyiléa Bulu labwé há fú.”

Mú sv oyin ámv léki wúlu amv féé fíá, òde toyilé ámvú Yesu labwé há mv amv blí wúlu amvto féé.

*òhande Òku Mv Bi Mva Òtsi Òku Ilo Tsa
(Mateo 9:18-26; Marko 5:21-43)*

⁴⁰ Bréá Yesu léyínkí yówie òpu amv òbun a, òdòm bòhò mv atúu, tsúfé bude mv òkpa kí. ⁴¹ Inu oyin òkuá butetí mv Yairo, ogyi Yudafò ofiakpa òhande léba beda akpawunu

† 8:31 ulán klúklúúklúá uma òka gyí òɛ laláɛ isv òbitíkpá.

mu ayabito, kókóli mu ɔ́bée, ɔ́bá abuyɔ mu wóyító. ⁴² Mu bi tsíhé ɔ́kule péá ɔ́bu, alahɔ nfi dúanyɔ da odewu.

Bréá Yesu lópu ɔ́yó unv á, ɔ́ɔm amúú bubuo mu amv bekpa buo mu yeɛ. ⁴³ Ɔ́tsi ɔ́kúá obugya de mu wulí nfi dúanyɔ ní, ɔ́haa mókútálí tsá mu, alayíntá mú iwísv ató fée ilo atsapú ibito bu ahá ámuto. ⁴⁴ Ɔ́tsi ánfí lótsun yɔ Yesu ɔ́ma, pú ibi da mu tati osiebí. Inunv obugya amv leka itin. ⁴⁵ Múú Yesu léfité ɔ́bée “Ma lápú ibi da mi?”

Bréá ahá ámu fée beɛ bumákópú ibi da mu a, Petro léfité Yesu ɔ́bée, “Mí Wíé, ɔ́ɔm anfi bupu fú ánfí á, mú fúde asún ánfí fité?”

⁴⁶ Táme Yesu léblí ɔ́bée, “Ɔ́ku lapú ibi da mi. Nawun ání ɔ́hé kv ladáli mitɔ.” ⁴⁷ Bréá ɔ́tsi ámu lówun ání itó amúú mabwé ámu lalin ɔ́wan á, ɔ́ledali ba. Ɔ́dekpinkí kpakpakpakpa, ɔ́leyéda akpawunu Yesu ayabito, bláa mu ahá ámu fée ansító tóá svá mɔ́pu ibi da mu, pú alíá manyá ilɔ́tsá. ⁴⁸ Inu Yesu lébláa mu ɔ́bée, “Mí bí, fú hógyi latsá fú ilo. Natí iwilwiito.”

⁴⁹ Bréá Yesu bu mu tóí anfisv á, ɔ́ku lésrí tsú Yairo wóyító ba bebláa Yairo ɔ́bée, “Fú bí ámu ɔ́dikpa mɔ́wa alé. Mátepi trá wa osunápú tóí.”

⁵⁰ Bréá Yesu lónu asún ánfí á, ɔ́lebláa Yairo ɔ́bée, “Mánya ifú. Fú mú hogyi wule, obénýa nkpa.”

⁵¹ Bréá Yesu lówie wóyító unv á, ɔ́meha ɔ́haa obuɔ mu yɔ obuá kebi ámu da mútɔ, dun Petro, Yohane, Yakobo pú kebi ámu akwíú. ⁵² Alí bré ámuto á, ahá ámu fée budesú, bude okitikíti. Yesu lébláa amú ɔ́bée, “Mlisi okitikíti svrá. Ɔ́makówú, didí ɔ́de.”

⁵³ Ahá ámu fée buyin ání otsibi amv lawú. Mú sv bɔ́mósí Yesu. ⁵⁴ Inu Yesu lékitá otsibi amv ibi, kpólí mu ɔ́bée, “Obí, kusv!” ⁵⁵ Ɔ́hé lelawíé mu, ɔ́lɔ́kusú líí ɔ́tsáwule pé. Múú Yesu lébláa amú ɔ́bée, “Mludunka tɔ́ku ha mu ogyi.” ⁵⁶ Ɔ́nó

lobwie otsibi amu akwíró, táme Yesu léda amó olá obée, “Mlimábláa ohaa asón áñfi.”

9

Akasípú Dúanyo Ámu Sumbíwa

(Mateo 10:5-15; Marko 6:7-13)

¹ Yesu létí akasípú dúanyo ámu fia, oleha amó túmi, há amó okpa obée, bogyáa oje laláhe fée, abutsa ilo. ² Olowa amó obée, buyéda Bulu iwíegyi ámu okan, abutsa alorpu. ³ Olebláa amó obée, “Ní mlóyó á, mlimátsu tótó. Mlimátsu oyi yíahé, akpankogyo, atogyihe, kóba ntée atadie nyoosi. ⁴ Wóyígýiwóyítóá bóho mli á, mlitsia unv yófun ekeá mlédali wúlu amutó. ⁵ Ní buməho mli wúlu kusv, mlédédali mlóyó á, mlipakpa mli ayabitó-isi wuli wúlu amutó, isuna ání bumebi bwé.”

⁶ Benatí kí nsiné unv awúlu féesó, bude ason wankláán ámu okan da, tsá ilo.

Herode Légyigyáa

(Mateo 14:1-12; Marko 6:14-29)

⁷ Bréá Galilea omású ogyípú Herode lónu tóá ide músú yo á, olegyigyáa. Tsúfée aku budebli bee, “Asú Obəpú Yohane lakúsú tsú afúlito.” ⁸ Aku é bee, “Bulu onósú otóipú dada Elia lálé iwí owan.” Aku é bee, “Bulu onósú atóipú dada amutó oku lákúsú tsú afúlito.” ⁹ Herode lébli obée, “Nahá batun Yohane. Ngya oyin oməmu iwí asón ntráa ndenu ali?” Mú sv oləbo mbódí ání mówun Yesu.

Áhá Mpím-nu Atogyihe Ha

(Mateo 14:13-21; Marko 6:30-44; Yohane 6:1-14)

¹⁰ Yesu sumbí ayorú amu beyinkí bá bebláa mu tóá bayóbwe. Olekpa amó buo iwí, amó nkule boyo Betsaida wúluto. ¹¹ Bréá odəm amu bebi ání obu unv á, begya mu okpa yó unv. Yesu lóho amó atúu, olebláa amó Bulu iwíegyi amu iwí asón, oletsá amúá budelo.

¹² Bréá owí depóon a, sumbí ayəpú dúanyə ámu beba bebláa Yesu beε, “Ha amú abvnatí, méní bétalí yó awúlu ání ibu mantáa nfiεv yódunká atogyihe móa ədikpa, tsúfé aníméenyə tətə há amú dimbí ánfítə.”

¹³ Táme Yesu léle mú ənə əbéε, “Mlidunka atə ha amú abugyi.”

Akasípú amv bebláa mv beε, “Tóá aníbv féé gyí bodobodo apin anu pú ntsutso iye bwáhé anyə. Nkétu anlayóhə atogyihe ba ahá ánfi féé.” ¹⁴ (Ayin ání bubv unv bóbwe fé mpím-nu (5,000).)

Yesu lébláa akasípú amv əbéε, “Mliha amú abutsia okútə. Iku kvle ibwée fé ahá aduenu (50).”

¹⁵ Akasípú amv bəbwe dínká músú, əhagyíəha létsiá así. ¹⁶ Inu olotsu bodobodo anu pú ntsutso iye bwáhé anyə ámu. Inu olotsu ansí fúá kí əsúsə, əleda Bulu ipán. Múv olebiabía mútə púhá akasípú amv əbéε, buyée mú ha ahá ámu féé abugyi. ¹⁷ Amv féé begyi mwe sian. Bréá akasípú amv bətəsí isíanhe amv a, uləbulá alakpá dúanyə.

Əhá Ání Yesu Gyí

(Mateo 16:13-19; Marko 8:27-29)

¹⁸ Εκε əku Yesu nkule dé mpái bə, mv akasípú amv bubv unv. Múv əlefítə amú əbéε, “Ma ahá beε ngyi?”

¹⁹ Bele mú ənə beε, “Akv beε, fúgyí Asú Əbəpú Yohane. Akv beε, Bulu Ənəsú Ətəípú Elia. Akv é beε, Bulu ənəsú ətəípú dada əku ləkəsú tsú afúlitə.”

²⁰ Múv əlefítə amú əbéε, “Mli é mé? Mliha mígyí ma?” Petro léle mú ənə əbéε, “Fúgyí Kristo, (əhá amúv Bulu ladá mv ofúli amv) ni.”

Yesu Iwəsin Pú Mv Lowu Iwí Asón Blí

(Mateo 16:20-28; Marko 8:30-9:1)

²¹ Inu Yesu léda amú əlá kpákpáákpá əbéε, bumábláa əhaa mv iwí asón ánfi. ²² Əletrá bláa amú əbéε, “Ilehián ání mí, Nyankpusa-Mv-Bi ánfi néhie wun iwəsin tsətsətsə

Yudafɔ ahandɛ, Bulu igyí ahapú dɛhɛn pú Mose mbla asunápú ɪbɪtɔ; amú fɛ́é békiná mí, há bómɔ mí, táme Bulu ɔ̀bélakúsúa mi tsú afúlɪtɔ ɛkɛ sáásí.”

²³ ɪnu ɔ̀lɛbláa ahá ámu ɔ̀bɛɛ, “Ní ɔ̀ku dékléá obóbuo mi á, osí tóá otekle bwe, otsu mu oyikpalíhɛ ekekegyíɛke bobuo mi. ²⁴ Tsúfɛ ní ɔ̀ku léprɪ mu nkpa á, ɔ̀bóhɪlú mɔ́. Ní ɔ̀ku é lési mu nkpa há mí sv é á, Bulu ɔ̀bóhɔ mu nkpa. ²⁵ Ní ɔ̀ku onyá ɔ̀yítɔ ató fɛ́é, táme ɔ̀húlɪ mu ɔ̀kláa a, labi mɔ́mu ulɔwa há mu? ²⁶ Ní ɔ̀ku onyá mía mí atosunáhé péli a, mí, Nyankpɔsa-Mv-Bi ánfɪ é nénya mu péli bréá nna mía mí Sí pú mu abɔpu wánkíhɛ numnyamtɔ nebá. ²⁷ ɔ̀nɔkwali ndɛ mlɪ bláa. Aku bubu mlɪtɔ nfɪ bumóowu asa bówun Bulu iwíegýí amu.”

Yesu lwɪtsɛɛ

(Mateo 17:1-8; Marko 9:2-8)

²⁸ Yesu léblí asún ánfɪ ndawótswí ɔ́ma a, ɔ̀lɛkpa Petro mua Yohane pú Yakobo buo ɪwɪ, bɔ́du yó mpái ɔ̀bɔkpá ɪbu kusv. ²⁹ Bréá ɔ̀dɛ mpái ámu bɔ́ á, mu ansítɔ letɛ. Mu atadiɛ lofulí húnánáná, ɪdɛ ogyá kpa. ³⁰⁻³¹ ɪnu á, ahá abanyó ání batsiá kɪ, bugyi Mose mua Elia bɛɛ ɪwɪ ɔ̀wan ɔ̀súsú numnyamtɔ. Amúa Yesu bɔ́tɔ́i tsú mu lowuá Bulu léhɛ tswɪ mu ání ɪmóowa ɔ̀pá obówu Yerusalem ɪwɪ. ³² Petro mua mu aba ámu bedɪdɪ. Bréá bɔ́wan tsinkí á, bowun Yesu numnyam, ahá abanyó ámu é bulú mu wá. ³³ Bréá ahá abanyó ámu budɛnatí á, Petro lébláa Yesu ɔ̀bɛɛ, “Mí Wíé, ɪbu aléá abétsiá nfɪ. Ha ada abú asa. Fú klé kɔlɛ, Mose klé kɔlɛ, Elia é klé kɔlɛ.” (ɔ̀mɛbɪ tóá ɔ̀dɛblí).

³⁴ Bréá ɔ̀dɛ asún ánfɪ blí á, agyinde kv lobobun amú fɛ́ésú. ɪnu ifu lɛkitá amú abasá ámu. ³⁵ ɪnu á, ɔ̀mɛ kv lɛdalɪ tsu agyinde amutɔ ɔ̀bɛɛ, “ɔ̀nɪ gyí mí Bía nalé ní. Mliyaa asv amlɪnu mu ɔ̀mɛ.”

³⁶ ɔ̀mɛ amu lótsutsúa ɪbɛka tin á, ɪlasí Yesu nkɔlɛ ɪnu. Akasípú amu bekpa ɔ̀nɔ bun asún ánfɪsv nke ámutɔ. Bumɛbláa ɔ́haa ɪtɔ́a bayówun.

Ilo Dídahe Ɖɔpú Tsa

(Mateo 17:14-18; Marko 9:14-27)

³⁷ Mú ɔyi kehe a, Yesu mva akasípú abasá ámu beklí tsú ibu ámusu, ɔdɔm amu befia mu. ³⁸ Inu amótó ɔku lókpɔn ɔbé, “Osunápú, kókoli, damli ki mí bí ha mi. Obi yinhé ɔkule pé ogyi mí. ³⁹ Ɖhe laláhe ku towié mutɔ, ɔtɔkpɔn. Ɖtedida gbɔ, ɔdeko tsikitsiki, mu ɔnó tɔbwé afu. Ipiantɔ asa itesí mu, ide mu yintá. ⁴⁰ Nobobwií ipa há fú akasípú amu mbé, bɔgyáa mú le mutɔ, táme bometalí.”

⁴¹ Yesu léle mú ɔnó ɔbé, “Ndemba-abíá mɔmá hógyi, mli tsiátó ma ale. Alí nétsiá mli wá, nyá kɔn há mli ekekegyíeke ní?”

Inu ɔlebláa oyin ámu ɔbé, “Kpa fú bí ámu ba mi.”

⁴² Bréá ɔlekpa kebi ámu ɔbá á, ɔhe laláhe amu léfun mu dá, ɔdeko tsikitsiki. Táme Yesu lókpɔn wa ɔhe laláhe amu, tsá kebi ámu. Inu oleyinkía mu há mu si. ⁴³ Bulu túmi kpɔnkpɔnti ámu leha ɔnó lobwie ahá ámu féé.

Yesu Lowu Iwi Asón Blí Otse Nyɔsi

(Mateo 17:22-23; Marko 9:30-32)

Bréá mu bwéhé ide ɔhagyíɔha wánwan wa á, Yesu lébláa mu akasípú ɔbé, ⁴⁴ “Mlihe yaa asu amlinu. Béle mí, Nyankpusa-Mv-Bi ánfí há adón bómo mí.” ⁴⁵ Táme akasípú amu bomonu mú asi. Bulu lópu mú asinu nájín amú. Mú su imɔwankí amú asón ání ɔdeblí. Ifú é de amú ání b́efité mu.

Ma Ɖbɔbwe Ɖhande?

(Mateo 18:1-5; Marko 9:33-37)

⁴⁶ Nwéen ku léba akasípú amu nsiné, tsú amótó ɔhá ání ɔbɔbwe ɔhande iwi. ⁴⁷ Yesu lébi amú agywun. Mú su ɔlekpa kebi ɔku belí mu iwi wá. ⁴⁸ Mú ɔlebláa amú ɔbé, “Ɖhagyíɔha ání ɔlɔhɔ kebi ánfí mí dátó lahɔ mi. Ɖhagyíɔha ání ɔhɔ mi é lahɔ ɔhá amú ɔlɔwa mí ámu. Tsúfé ɔhá ání ogyi ɔtráhe mlɔ féé gyí ɔdéhen.”

Ani Obúopu

(Marko 9:38-40)

⁴⁹ Yohane lébláa Yesu ɔbéε, “Mí Wíé, anilówun oyin ɔku dépu fú dá gya ɔɲε laláɲε, aniléka mu tin, tsúfé ɔma anitɔ.”

⁵⁰ Táme Yesu lébláa amú ɔbéε, “Mlímáka mu tin! Tsúfé ɔhá ání ɔmɔkɔsú líi mlisu buo mli.”

Samariafɔ Bɔmɔhɔ Yesu

⁵¹ Bréá nkeá Bulu obótsu Yesu ya ɔsúsú dekpukpé ba a, ɔɔbwe agywun ání ɔbóyo Yerusalem kokooko. ⁵² ɔlɔwa abí gyankpá yó Samaria wúlu kusu ɔbéε, buyéla unu yai ha mu. ⁵³ Táme bɔmɔhɔ mu wúlu amutɔ, tsúfé Yerusalem ɔyó.

⁵⁴ Bréá mu akasípɔ Yakobo mva Yohane bowun ali á, befité mu beε, “Ani Wíé, fudeklé fεε ahá ogyá itsu ɔsúsú bɔhɔ amú mó?”

⁵⁵ Táme Yesu lédamlí, wá iyin wá amú.* ⁵⁶ Múy bɔpu ɔkpa yó wúlu bámbású a.

Ahá Ání Beε Bóbwe Yesu Abúopu

(Mateo 8:18-22)

⁵⁷ Bréá buna ɔkpatɔ bɔyó á, oyin ɔku lébláa Yesu ɔbéε, “Nóbuo fu yó ɔtínegyíɔtíneá fɔyó.”

⁵⁸ Yesu lébláa oyin ámu ɔbéε, “Awíá bubu mbó, mbubwi é bubu asia, táme mí, Nyankpusa-Mu-Bi ání mú á, mma ɔtíneá nɔpu mí nwun tswi.”

⁵⁹ Yesu lébláa ɔha bambá é ɔbéε, “Bobuo mi.”

Táme oyin ámu lébláa mu ɔbéε “Owíé, ha mí anyopulá mí sí asa ambobuo fu.”

⁶⁰ Múy Yesu lébláa mu ɔbéε, “Si awupú† abupula amú afúli. Táme fú mú yo afuyeda Bulu iwíegyí ámu ɔkan.”

* ^{9:55} Íni bu nwulú dada amu akotɔ: ɔbéε, “Mlíméyín ɔɲé oduá ide mli kpa. Tsúfé Nyankpusa-Mu-Bi ámu méba ahá ɔmɔkpá, nkpa ɔhókpa ɔleba.” † ^{9:60} Awupú gyí ahá ání bawú ɔɲétó.

⁶¹ Ɔku é lébláa mu ɔbéε, “Mí Wíé, nóbuo fu, táme ha mí anyinki ye klá mí wóyító ahá asa.”

⁶² Yesu lébláa mu ɔbéε, “Ɖhá ání ɔtesrí dámlí kɪ ɔma mófɔn ha Bulu iwíegyí ámvɔ agyómá yɔ.”

10

Akasípú Aduesienó-nyɔ Sumbí Wa (Mateo 10:7-16)

¹ Ínɪ ɔma a, Yesu léle mu akasípú aduesienó-nyɔ (72)* akw é, ɔlɔwa amú abanyó-abanyó ɔbéε bugyánkpa yó wúlugyíwúluá mu onutó móyɔ músú. ² Ɖlebláa amú ɔbéε, “Atɔ kpótíhé amv itsɔ, táme mú akpótípú bumɔtsó. Mú sv mlíkòkòli ndɔ mu wie, ɔwa akpótípú tsɔtsɔ abuba bɔkpótí mu ató ámv. ³ Mlinatɪ, mlibɪ ání nde mli wa fé akúfabi ɔyɔ adúndutɔ. ⁴ Mlumátsu sika kente, akpankogyo ntée ntokota kítá. Ní mliná ɔkpatɔ á, mlimálí túntɔn ahá. ⁵ Ní mlowíé wóyígyíwóyítɔ́á a, mligyankpa bla amú mliaa, ‘Bulu ɔhá mli iwilwii.’ ⁶ Ní wóyí mu wie amv tekle iwilwii a, mli iwilwii bésin wóyí ámvsv. Táme ní ɔtamakle iwilwii a, ibésankɪ bá mli wá. ⁷ Mlitsia wóyí ámvú bɔhɔ mli mótó ámvɔ. Mligyi ató, amlinu tógyítɔ́á béha mli, tsúfé agyómá ɔyɔpú buteká ikɔ. Mlumátu láyétsiá wóyí bámbátó. ⁸ Ní mlowíé wúlu kusv, bɔhɔ mli á, mligyi tɔ́á béha mli. ⁹ Mlitsa alɔpv ání bubv wúlu amvɔ, amlɪbla wúlu amvɔ ahá mliaa, ‘Bulu iwíegyí lawíé wóyí tá.’ ¹⁰ Táme ní mlowíé wúlu kusv, bumɔhɔ mli á, mlɪdalɪ yelí brɔnsv, amlɪblɪ mliaa, ¹¹ ‘Anɪdé mli wúlutɔ otútúu amúb ilawúlɪ anɪ ayabiasɪ amv kúráá kpakpáa wúlɪ. Táme mlibɪ ání Bulu iwíegyí ámv lawíé wóyí tá.’ ¹² Nde mli bláa mbée, Bulu ɔbébití wúlu amvɔ ahá isv dɔn Sodomfɔ mu asún ogyíké amv.

* ^{10:1} Aduesienó-nyɔ (72): Aduesienó (70) bu nwulú ámv akɔtɔ.

*Ahá Ání Bumedamlí Klontò Asóngyí**(Mateo 11:20-24)*

¹³ “Korasinfo, mligyowí. Betsaidafò, mligyowí ní. Ní Tiro pú Sidon awúlu laláhe amotò nòbwe ofúla akpònkpònti ánfí nòbwe mlítò ánfí á, tekí buda akpekpetò, bakpá nsúó wá nwuntò púsúná ání badámlí klontò. ¹⁴ Táme mlibí ání Bulu òbébití mli isw mu asún ogyíkè dvn Tiro múa Sidonfò. ¹⁵ Mli Kapernaumfò, mlidéklé mliaa mlótsu iwí fòá alu yówo òsúsú? Ekekèkè! Bulu òbéba mli así yówie afúlitò.”

¹⁶ Yesu lébláa mu akasípú amu òbé, “Òhá ání òhò mli asún lahò m. Òhá ání olekiná mli asún hò lakíná mí asún hò. Òhá ání olekiná mí asún hò é lakíná mí Sí ámúbú òlwa mí ámu asún hò.”

Akasípú Aduesienó-nyò Ámu Yinkí Ba

¹⁷ Akasípú aduesienó-nyò ámu beyinkí ba ansigyísú. Bebláa Yesu be, “Aní Wíé, ní akplón wa òhe laláhe kóráá fò dátó a, butobú aní.”

¹⁸ Yesu lébláa amú òbé, “Nowun ání Satan lékpa tsú òsúsú fé alá nsauntò tófwi ibí beda òsolúto pò. ¹⁹ Mlinu! Nahá mli túmi ání mlitsatsa awò pú nyankpòkpíesú tsun, amligyí Òbunsám túmi féésú. Tòtòtò mòòbwe mli. ²⁰ Táme ansí mágyi mli ání òhe laláhe labú mli. Mboún ansí igyi mli ání Bulu lawánlín mli adá tswí òsúsú.”

*Ansí Legyi Yesu**(Mateo 11:25-27; 13:16-17)*

²¹ Alí bré ámotò á, Òhe Wankíhé léha ansí lehiè gyi Yesu. Múbú òleblí òbé, “Mí Sí, òsú mua así Owíé! Nedá fú ipán ání falé tóá fòpnyáín anyansapu pú asún abipú òwan súná ahá ání bumeyín òlala, bogyi fé nyebí. Ee, Mí Sí! Alí fudeklé fèe ibá mútò ní.”

²² Múbú òlebláa mu akasípú amu òbé, “Mí Sí lapú tógyítò wá mí ibitò. Òhaa méyín òhá ání Obí ámu gyí, nkéti Òsí

ámu nkule. Ọhaa méyín Ọsí ámu é, nkéti Obí ámu, pú ọhá
ání Obí ámu latsúlá ání ọbélé mu súná mu.”

²³ Bréá ọhaa má amú wá á, ọledamlí ki amú, bláa amú
ọbée, “Mli mú á, Bulu layúlá mli, mlidé ató ánfí wúun.

²⁴ Nde mli bláa mbée, Bulu ọnósú atóipú pú awíe tsotsọtsọ
bekle ání bówun ató ánfí, abonu asún ánfí mludénu, táme
bumenya mú ali.”

Samariayin Awitọlepu Ọku

²⁵ Mose mbla osunápú ọku lókusú líí fíté Yesu asún ánfí
púsọ mu ki. Ọlefíté mu ọbée, “Osunápú, ntọ mbwée asa
anya nkpa ání itamatá?”

²⁶ Yesu lébláa mu ọbée, “Nkálí Mose Mbla léblí? Nkálí
fonu mú asi?”

²⁷ Oyin ámu lébláa mu ọbée, “Pv fú klun, fú ọkláa, fú
ọwunlín pú fú agywun fée dwe fú Wíe Bulu, afudwe fú bá
fée fú iwí.”

²⁸ Yesu lébláa mu ọbée, “Mú fablí á. Bwe mú, fénya nkpa
ání itamatá.”

²⁹ Táme oyin ámu lékléa obósuná ání mú asún da ọkpa.
Mú sv ọlefíté Yesu ọbée, “Ma gyí mí bá?”

³⁰ Yesu lébláa mu ọbée, “Bré kusv oyin ọku lékplí tsú
Yerusalem ọyọ Yeriko. Bréá ọna ọkpatọ á, oleyéfia ogyo
atswapú aku. Ahá ánfí bekpa mu tati, swíí mu ató fée, dá
mu sian mu mọ, náti sí mu tswí. ³¹ Bulu igyí ọhapọ ọku ná
ọkpa ámu kénsú. Bréá olowun mu sísí á, ọlebaí tsun ifúntọ
náti sí mu. ³² Ali kén Lewiyin ọku é lóbọtu mu, báí tsun
ifúntọ náti ní. ³³ Táme Samariayin ọkúvá ọná ọkpa ámusv
mú léba bowotíí musv. Bréá olowun oyin ámu a, ọlọwa mu
nwe. ³⁴ Ọlenatí yótu mu. Ọletséí nta kpekplé wúlí mu nlọsv,
yí ofobí wá mú, klí mú, tsú mu dínká mu afrímúsú, pú mu
ya afọọ ọswúkpá yéki musv. ³⁵ Mú ọyi kehe a, Samariayin
amu léle sika futútú anyọ há afọọ ọswúkpá unsv ọkípú
ọbée, ‘Ki musv ha mli. Ní feyintá tọku tsía a, neyínkí néka
fú.’ ”

³⁶ Yesu lómọ mú ọ̀nọ̀ ọ̀bẹ́ẹ, “Fú atọ kịheto á, ahá abasá ánfító ọ̀mọ̀mọ̀ gyí oyin á múyọ́ olefia ogyo atswapú ámu mu ba?”

³⁷ Mose mbla osunápú amu lébláa mu ọ̀bẹ́ẹ, “Oyin á múyọ́ olowun mu nwe ámu.” Yesu lébláa mu ọ̀bẹ́ẹ, “Mú mú yọ́ afuyọ̀bwe mú odu.”

Marta Mva Maria Wá Yọ

³⁸ Bréá Yesu mva mu akasípú buna ọ̀kpato ọ̀yọ́ Yerusalem a, bowie wúlu kusu. Ọ̀tsi ọ̀kúá butetí mu Marta lóhọ́ mu ọ̀fọ́, ọ̀lekpa mu ya mu wóyítọ́. ³⁹ Mu pio tshé gyí Maria. Maria anfi lébetsiá Yesu ayabiasí, ọ̀de mu atosunáhé nu. ⁴⁰ Marta nkule dédamlí tsun mútọ́, aliá ibó̀bwe ọ̀bó̀bwe amú afọ́tọ́. Iwodun mu. Múyọ́ ọ̀lenatí yọ́ Yesu wá, yéfité mu ọ̀bẹ́ẹ, “Mí Wíé, fawun á ní mí pío lasí agyómá ámu fée tswi mi nkulesu? Bla mu ọ̀betsa mí.”

⁴¹ Yesu lébláa mu ọ̀bẹ́ẹ, “Óo Marta, Marta! Fude fú iwí háan ntóbí tsọ̀tsọ̀tso iwí. ⁴² Toku kule pé déhián, Maria lalé mú á ibu alé dun. Ọ̀haa méetalí swí mu.”

11

Mpáibọ́ Iwí Atosunáhé

(Mateo 6:9-13; 7:7-11)

¹ Eke ọ̀kú Yesu bu ọ̀tuneku ọ̀de mpái bọ. Bréá ọ̀lọ̀bọ́ mpái ámu tá á, mu akasípú amuto ọ̀kule lébláa mu ọ̀bẹ́ẹ, “Mí Wíé, suna aní mpái bọ́ fé aliá Asú Ọ̀bọ̀pú Yohane lósuná mu akasípú.”

² Yesu lébláa amú ọ̀bẹ́ẹ, “Ní mló̀bọ́ mpái á, mlibo mú alí. ‘Aní Sí,

ahá bubúu fú dá.

Ba begyi iwíe.

³ Ha aní atogyihéá ibó̀fun aní ekekegyíeke.

⁴ Si aní lakpan kie aní,

fé aliá antesíkié ahá á ní butọ̀pú ilá gyi aní.

Mákpa aní wá isókító.’ ”

⁵ Inu ɔlebláa amú ɔbéε, “Ní mliɔ ɔku bu onyawíε a, ɔbókusú yó mu wá ɔyínsiné yébláa mu ɔbéε, ‘Mí nyáwíε, pan mi bodobodo apin asa. ⁶ Mí nyáwíε ɔku labɔswí mí séséséí. Mma tɔtɔá néha mu obégyi.’

⁷ “Mu nyawie amu ɔbébláa mu sísí ɔbéε, ‘Máwa mí tó. Mía mí abí anuladí. Nafin obu, mméetalí kúsú beha fú tɔtɔ.’ ⁸ Nde mli bláa mbéε, fíali onyawíε ɔkpasu á, ɔmɔɔkusú há mu. Táme alá ɔde mu kokóli kótóó su á, ɔbókusú há mu alá odeklé.

⁹ “Mú su nde mli bláa mbéε, mliɔvli Bulu, ɔbéha mli. Mliɔdunka, mliɔwun. Mliɔda mu klɔnsu, obéfinkí mú há mli. ¹⁰ Tsúfε ɔhá ání ɔtɔkólí ató tenyá. ɔhá ání otodúnká ató towun. ɔhá ání ɔtedá klɔnsu bútefinkí há. ¹¹ ɔsí ɔmɔmu bu unu, mu bi ɔkólí mu iye a, ɔbékitá iwɔ wá mu ibiɔ? ¹² Ntéε ní ɔkólí mu bɔnɔ a, ɔbékitá nyankpɔkpɔε wá mu ibiɔ? ¹³ Mli lakpan abwepú kúraá mliyin alá butɔpú atɔ wankláán há mli abí. Ntogyi só mli Sí ámúú ɔbu ɔsúsú ámu mú mɔwɔp ɔɲε Wankíhé há ahá ání bude mu kulí?”

*Yesu Mva Beelsebul
(Mateo 12:22-30; Marko 3:20-27)*

¹⁴ Yesu légya ɔɲε laláɲε lé oyin ɔkúá alató omúmutɔ. Bréá ɔɲε laláɲε amu léɔdali a, oyin ámu lówa tóí bi. Mú su ɔnó lobwie ɔɔm amu. ¹⁵ Táme amútó aku beblí beε, “ɔɲε laláɲε owíε Beelsebul túmi ɔɔepɔgya ɔɲε laláɲε lé ahátɔ.”

¹⁶ Amútó aku é bekleá bósɔ Yesu ki. Mú su bebláa mu beε, ɔbwéε osúna pɔsuna ání lélé otsú Bulu wá. ¹⁷ Táme Yesu lébi amú agywun. Mú su ɔlebláa amú ɔbéε, “Iwíε ogyíkpa ání ilaye anyɔ, bude aba kɔ tedida. Wóyí oduá mótó atsiápú bude aba kɔ é tobwíε. ¹⁸ Ní Satan iwíε ogyíkpa labóí anyɔ, bude aba kɔ á, mu iwíεgyí bédida. Táme mliɔdéblí mliaa, Beelsebul dátó nde ɔɲε laláɲε gyáa le ahátɔ. ¹⁹ Ní Beelsebul túmi ndepɔgya ɔɲε laláɲε lé ahátɔ á, múmú ma túmi mli abí é budeɔgya ɔɲε laláɲε lé ahátɔ? Mli abí ámu onutó obégyi mli asún. ²⁰ Táme íniá Bulu túmi ndepɔgya

ἔφη ἐλάλησεν ἐν αὐτῷ, ὁ δὲ Βουλὸς ἰσχυρῶς αὐτῷ λέγει ὅτι οὐ δύναται οὗτος ἐξουσιάζει ἐν ἐμοί, ὅτι οὐκ ἔστι ἐν ἐμοί πνεῦμα ἰσχυρῶς ὡς ἐν ἐμοί.

²¹ “Τσῦφέ νί ὠωνλίνπύ βυ ἀκῶτό, ὁδε μὲ βῶγί γυο α, μὲ τῶτῶ ταμαφῶ. ²² Τάμε νί ὁἷά νί ὁβυ ὠωνλίν δυν μὲ ὁβά βεγι μῆσῦ ἅ, ὁτῶσῶί μὲ μὲ ἀκῶτό ἁμῶβύ μὲ ἀνσί δῖν μῶσῦ ἁμῦ, γέε μὲ ἀτῶά ολενῶ ἔτό.

²³ “Ὁἷά νί ὀμοβυο μῖ δέ μῖ λυ. Ὁἷά νί ὀμεδέ μῖ τῶα ἀκῶ ἁἷά βυ Βουλό ἔ δέ ἁμῶ γῶἅα τῆἷα μῖ.

ἔφη Ἐλάλησεν Ἰνκί Βα Ὁἷατο

(Mateo 12:43-45)

²⁴ “Νί ἔφη ἐλάλησεν ἰδάλῖ ὁἷατο ἅ, ἰτεγέκῖ δῖμβῖσῦ δῦνκά ὀτῖἁκῶπά, τάμε ἰταμῶνῶ. Ἰνῦ ἰτεβῖλί ἁνί ἰβέγῖνκῖ γῶ μῦ βῶγῖ δῶδῶτο. ²⁵ Νί ἰσῶνκῖ γῶ ἅ, ἰτωῦν ἁνί βαφέῖ μῶτό, λά μῶτό ῶανκῶλῶν. ²⁶ ἰτεγῖνκῖ γέκῶα μῶ ἁβῶ ἁσιενῶ ἁνί βῦτῶβῶέ ἐλάλησεν δυν μὲ, βῦτεβῶ βῆτῖἁ ἰνῦ. Ἰνῦ ὁἷά ἁμῦ τῖἁτό τεγῖντά δυν ἁλῖἁ ἰγῖ γῶί.”

Ὀγῦλα Ὀνῶτό

²⁷ Βρέἷ Ἰῶῶ δέ ἁσῦν ἁνῖ βῖλί ἅ, ὁτῖ ὁκῦ βυ ὁδῶμ ἁμῶτῶ. Ὁτῖ ἁμῦ ἰῶτῦ ὁμε φῶἅ βῖλί ὁβέε, “Βουλό λαγῦλά ὀπῦνῖ ἁμῶβύ φῆδῖ μῶτό πῦ νῶγῶν ἁμῶβύ φῶνῶγῶπῦ ἁμῦ.”

²⁸ Τάμε Ἰῶῶ ἐλέβῶἅ μὲ ὁβέε, “Ἁἷά ἁνί βῦτονῦ Βουλό ἁσῦν, γῖ μῶσῦ μῶβῦν Βουλό λαγῦλά!”

Βῶδῦνκά Ὀφῦλα

(Mateo 12:38-42)

²⁹ Βρέἷ ὁδῶμ ἁμῦ βῦδῆμονῖ τῖἷα α, Ἰῶῶ ἐλέβῖ ὁβέε, “Νδῆμῶ-ἁβῖ ἐλάλησεν, μῖδῆ ὀσῦνα δῦνκά ἁμῖλῦῶν, τάμε μῖμῶῶῶῦν κῦκῦκῦ δυν Βουλό ὁνῶσῦ ὁτῶῖπῦ Ἰῶνα ὀσῦνα ἁμῦ. ³⁰ Τσῦφέ ἁλῖ ἁμῶβύ Ἰῶνα ἰῶβῶε ὀσῦνα ἅ Νῖνῖῶεφῶ ἁμῦ α, ἁλῖ μῖ, Νῦἁνκῶψῶ-Μῦ-Βῖ ἁνῖ ἔ νῶβῶε ὀσῦνα ἅ ἁνδῆμῶ-ἁβῖ νῖ. ³¹ Σεβῶ ὀῶῖ τῖἷἅ ὁβῶκῦσῦ ἰῖῖ Βουλό ἁσῦν ὀγῖκῆ, ἅ μῖ ἁνδῆμῶ-ἁβῖ ἁνῖ ἰπῶν. Τσῦφέ ὀῶτῦ ὀσαἁσί ὁμά κῦτῶ κῆῖν γῶ ὁκῶα βῶ, βῶνῦ Σῶλομῦ νῦἁνῶ ἁτῶ-σῦἁἷἅ. Μῖκῖ, ὁἷά ἁνί ὁδῦν Σῶλομῦ ἰῖῖ νῖ ἅ. ³² Νῖνῖῶεφῶ ἔ

bóksú líí Bulu asún ogyíké amv, há mli ndemba-abí áñfi ipón. Tsúfè bréá Yona léda Bulu asún okan súná amú á, bedamlí klontɔ ba Bulu wá. Mlíki, ohá ání odun Yona onutó líí nfi á.

Nyankpɔsa-oyí Okandíe

(Mateo 5:15; 6:22-23)

³³ “Ohaa tamanywé okandíe púnáín, ntée pú oló bun músú. Ɔfuákpá ɔtɔpɔbian, ménu ibówankí há ahá ání béba wóyí ámutɔ. ³⁴ Fú ansíbi igyi okandíe há fú nyankpɔsa-oyí. Ní fú ansíbi bu alé á, fú nyankpɔsa-oyí ámu fée bówankí. Táme ní fú ansíbi ma alé a, fú nyankpɔsa-oyí ámu fée ibóklun. ³⁵ Mú sv mlíki ání wanki onutó bú mlítɔ, megyí oklún. ³⁶ Ní fú nyankpɔsa-oyí ámu lówankí, oklún ma ɔtɔnetɔne a, fú iwí fée bówankí fé alíá okandíe tówánkí wólí fúsú.”

Mose Mbla Asunápú Pú Farisifɔ Tsiátó

(Mateo 23:1-36; Marko 12:38-40)

³⁷ Bréá Yesu lótáí tá á, Farisiyin oku létí mu ató ogyíkpa mu wóyító. Mú sv Yesu lóyɔ yétsiá ɔpónó ámu asi. ³⁸ Iłwa Farisiyin amv wánwan ání Yesu mófwi ibi púgyóra iwí asa ɔde ató ámu gyí. ³⁹ Íni sv Yesu lébláa mu ɔbéé, “Mlí Farisifɔ mlítɔfwí mli nwe pú mli ablanwé wankláán, táme ɔnsípe múa owuntɔlun sónn lábólá mli. ⁴⁰ Mli aha mimláhe, megyí mótó múa mú ɔma fée Bulu lóbwe? ⁴¹ Mlıpv mli atonyahé ámu ha ahíánfɔ, tógyító iwí bétun ha mli.

⁴² “Farisifɔ, mligyɔwí ní! Mluteye mli ɔtsɔtsú pú kpántánkplámá aná féeító idú, pú idúsí amv há Bulu. Táme mlumédé Bulu mbla ámúb ihíé dehián, igyi asóngyí ɔnokwalısv pú Buludwe ámısv gyí. Múdéhíán ni, táme mlumákiná iyétɔ dúsí amv é ha.

⁴³ “Farisifɔ, mligyɔwí ní! Mlutekle otsiákpá yílé tsiá Yudafɔ ofiákpá. Mlutekle mlıaa, ahá bubún ha mli itsiá

dinsu. ⁴⁴ Mligyowi ní! Mlilabwé fé ntsán ání bumehie mó nsu*, ahá butatsun músú bumeyín ání ntsán igyi.”

⁴⁵ Mose mbla asunápú amuto okule lébláa Yesu obée, “Osunápú, ní feblí ali á, fasiá amí é o.”

⁴⁶ Yesu léblí obée, “Mose mbla asunápú, mli é mligyowi ní! Tsúfé mltópú ato dwindwín súra ahá, táme mltamapú osrebi okule kúráá tsá amú surá. ⁴⁷ Mligyowi ní! Tsúfé mltópúwé Bulu onósú atóipú amú mli anáin bomo ámu ntsán wankláán. ⁴⁸ Íni désuná ání mlilatsúlá dínká mli anáin bwehé ámusu ní. Tsúfé mli anáin bomo amú, mli é mlilapwé amú ntsán. ⁴⁹ Mó su Bulu lópu mu nyansa blí obée, ‘Nówa mí onósú atóipú pú mí sumbí ayopú amútó. Bómo aku, dínká aku ésú.’ ⁵⁰ Bulu obéfité mli ndemba-abí ánfu mu onósú atóipú ámu obugya amú ulowlí asi tsú bréá oyí lelun opá ámu. ⁵¹ Obéfité tsú Habel obugyasu alu bafun Sakaria klésu. Mu bomo afodue-asubwi múa Bulu otswékpa amu nsiné ní. Ee! Nde mli bláa mbée, Bulu obéfité mú tsú mli ndemba-abí ánfu wá.

⁵² “Mose mbla asunápú, mligyowi ní! Tsúfé mli dé asónbi sáafi amu. Mliméfinkí wíé, mliméhá ahá okpa é abuwie.”

⁵³ Bréá Yesu lénatí unu oyó á, Mose mbla asunápú pú Farisifo ámu bapu mu iwi obló, yó bude mu asún tsotsotsó fité púfíni mu yibi, ⁵⁴ kí beé bénya mu onótó asvanku púkítá mu.

12

Apinabwé bíbwe Iwi Oláda

(Mateo 10:26-27)

¹ Igyi ali, bréá ahá mpím-mpím beba befia unu, bude aba ayabiasu tsatsáa a, Yesu légyankpá dá mu akasípú amu olá

* ^{11:44} Yudafo amándíé onó á, ní fetsá ntsánsú a, ifin lada fu. Mó su butekpá mó afá futútú, púhíe mó nsu.

ᾶβέε, “Mlukɪ wankláán Farisifɔ Bodobodotu-afású,* tsúfé apinabwebí abwepú bɔgyi. ² Tɔtɔ má unvá babun ató músú ání bumóobwíí músú. Tógyító é ma unvá ilerjain ání iméelun ɔwan. ³ Bédá asún ání mluléblí nklobító ɔkan. Kugyíkúá igyi, upló bóbon.

Ḑhá Ání Abénýa Ifú

(Mateo 10:28-31)

⁴ “Apíó aba, nde mli bláa mbéé, mlumánya nyankpusa ifú. Ḑbétalí mó mli ɔyulúv, táme ɔméetalí bwé mli tɔtɔ mú ɔma. ⁵ Nósuná mli Ḑhá ání mlunýá ifú. Mɔgyí Bulu. Mu ɔmó mli ɔma a, ɔbu túmi tswi mli ɔkláa é wá isubití ogyá ání itamaduntɔ. Ee! Mu mlunýá ifú ní!

⁶ “Afini butɔkuku fe akénsire anu kéké? Megyí kóba ana? Amú kúráá á, Bulu tamatan ɔkukusu, ⁷ méní bee mliá Bulu yin mli nwunso imi kúráá klátɔ. Mó so mlumánya ifú. Mlibu ibiá dun akénsire tsɔtsɔtsɔ!

Adánsɛgyí Pú Asúnkiná

(Mateo 10:32-33; 12:32; 10:19-20)

⁸ “Nde mli bláa mbéé, ní ɔku létalí gyi mí iwɪ adánsɛ ahátɔ á, mí, Nyankpusa-Mu-Bi ánfɪ é négyi mu iwɪ adánsɛ Bulu-abɔpu ansító. ⁹ Táme ní ɔku lékiná mí ahátɔ á, mí é nékiná mu Bulu-abɔpu ansító.

¹⁰ “Ḑhagyíɔha ání ɔleblí mí, Nyankpusa-Mu-Bi ánfɪ iwɪ asun laláhe a, Bulu ɔbétalí sikíé mu. Táme ní ɔku léblí Ḑhe Wankíhé amu iwɪ abususu a, Bulu méesikíé nde, oméesikíé mu ɔke.

¹¹ “Ní bekpá mli ya Yudafɔ offiakpa, ntée ɔmású agyípu pú awíe ansító á, mlumágywíun asún ání mléblí púká iwɪ lé ntée alíá mléle mú ɔnó. ¹² Tsúfé Ḑhe Wankíhé amu obósuná mli alíá mléblí alí bré ámvɔtɔ.”

Osikani Mimláhe ɔku Iwɪ Yébi

* 12:1 Farisifɔ Bodobodotu-afá gyi amó afunu atosunáhé. Kɪ Mateo 16:12.

¹³ Ɔɔɔm amuto ɔku lébláa Yesu ɔbéɛ, “Osunápú, bla mí déhen, ɔha mía munyo aye atóá aní sí lési yáí anuto.”

¹⁴ Táme Yesu léfuté mu ɔbéɛ, “Agya, ma léyaí mí asún ogyípú ntée atótó oyépu há mli?” ¹⁵ Múú ɔlébláa ahá ámu fée ɔbéɛ, “Mlikí wankláán ɔnsípewasu, tsúfé nyankpusa nkpa uma atonyahé tsòtsòtsòta.”

¹⁶ Inu ɔleha amú yébi ɔbéɛ, “Osikani ɔku ndɔto ató lehie wá alé ofi ɔku. ¹⁷ Múú ɔlefuté mu iwí ɔbéɛ, ‘Nkálí nóbwe mí ató-abí? Mma ɔtínéá nópuyáí.’ ¹⁸ Inu ɔleblí ɔbéɛ, ‘Nyin tóá nóbwe. Nóbwie mí idan, láwá akpɔnkpɔnti. Mútó nópú mí atíkɔ pú mí ntobí ámu wá ní. ¹⁹ Fówun nabláa mí ɔkláa mbée, “Mí ɔkláa, iklun idí fú asi. Kí, fubu ató tsòtsòtsòá ida ha fú nfí-nfí. Gyi, afonu, ansí igyi fu.” ’ ²⁰ Inu Bulu lébláa mu ɔbéɛ, “ɔha mimláhe! Onyeni nde fú ɔkláa hóo le fú ibito. Ma obégyi ató ánfí fakle yáí ánfí fée?” ”

²¹ Yesu lómɔ mú ɔnó ɔbéɛ, “Alí bóbwe ɔhá ání olekle ató yáí há mu iwí ɔsulúv anfisv, táme ɔma tɔto Bulu wá ní.”

Ansí Podínká Bulusu (Mateo 6:25-34)

²² Inu Yesu lébláa mu akasípú ɔbéɛ, “Mú sv nde mli bláa mbée, mlumáhan iwí tóá mlégyi, tóá mlónu pú tóá mlédidá sv. ²³ Nyankpusa nkpa dehián dun atogyihe. Mu ɔyulúv é idun ató didáhé. ²⁴ Mlikí aklankpa. Butamadú, butamasíetí wá idantɔ. Buma idan ntée ifa, táme Bulu tchá amú atogyihe. Mlumá labi dun mbubwi? ²⁵ Mlito ma ɔbétalí han iwí pú bré kpalobí tsía mu nketɔ? ²⁶ Ní mluméetalí bwé itó tókúríibi ánfí kóráá á, ntogyi sù mli dé iwí háan tráhe amosu? ²⁷ Mlikí alía pututɔ-oyí ntwítswí tedan. Itamayó agyómá ntée ló atati. Táme nde mli bláa mbée, Owíe Salomo, mu inya féeétó a, ɔmetalí híhie iwí wá akíle fé oyí ntwítswí anfito kuku. ²⁸ Ní Bulu dé ifá ání nde ulí, ɔke ulawú, bawá mú ogyá tati didá á, ɔméetalí didá mli atati dun mú? Ntogyi sù mli hógyi mɔtsó alí?

²⁹ “Mú su mlimágywíun tóá mlégyi ntée tóá mlónu iwí, iha mli ansí ipé. ³⁰ Tsúfé íni aná òmá-òmá butesrí gya ni. Mli Sí ámu yin ání ide mli hián. ³¹ Itóá mligyánkpa dunka gyí Bulu iwíegyí, Bulu òbópu íni tsía mótó há mli.

Atonyahé Poyáí Òsúsú

(Mateo 6:19-21)

³² “Òpasua túkúrííbi, mlimánya ifú. Tsúfé ibu mli Sí ámu òdwe ání òbópu iwíe ogyíkpa amu há mli. ³³ Mlifé mli iwísu ató, amlípu kóba amu kie ahá ání buma tótó. Mlibun akentéá iméeyintá ha mli iwí. Múgyí, mliyai mli siadie òsúsú. Inu mú á, kòkò méédali mótó, tsúfé awikplu buma inu, atéple é butamawí ató inu. ³⁴ Tsúfé òtínéá fú siadie bu a, inú fú agywun tetsiá.

Asúmpúá Butogyo

³⁵ “Mliwa atadie, amlinywe mli nkandíe. ³⁶ Mlibwe iwí fè asúmpúá bude amú wíe òkpa kí, òbótsu òká otsiákpá ba. Féki ní òbá beda klonsu á, bífinkí há mu. ³⁷ Ansí bégyi asúmpú oduá amú wíe òbéba bətu amú butsie bugyo mu. Ònəkwalí nde mli bláa. Amú wíe amu òbésabáa tati, há amú bétsiá òpúnúasi, mu onutó òbókənkí atogyihe amu há amú. ³⁸ Ansí bégyi amú, ní òbá bətu amú butsie bugyo mu, òyínsuné ntée bake. ³⁹ Táme mlunu asún ánfí. Ní wóyí mu wie yin bréá owikplu òbéba mu wóyító a, tekí omesi wóyí ámu tswi, owikplu móbwie wíe wí mu ató. ⁴⁰ Mli é mligyo, tsúfé mí, Nyankpusa-Mu-Bi ánfí néba bréá mli ansí medín mísú.”

Osúmpú Wankláán Pú Òlaláhe

(Mateo 24:45-51)

⁴¹ Petro léfité mu òbéé, “Ani nkole fude yébi anfi ha lóó, ntée ania ahá ánfí fée?”

⁴² Yesu léblí òbéé, “Ma mee gyí osúmpúá òletin ansí, òbu ònəkwalí? Mu ibitə mu wie təpú mu aba atráhe wá, òbéé

ɔhá amó atogyihe duka brésú. ⁴³ Ansí bégyi osúmpú amu ní mu wie amu ɔbá bowun ání lélé ɔde mú bwe. ⁴⁴ Ɖnɔkwali nde mli bláa. Mu wie amu ɔbópu mu ató fée wá mu ibtó. ⁴⁵ Táme ní osúmpú amu lébli wá nwuntɔ ɔbée, ‘Mí wie ibábi makúfun, ɔbówa ɔpá.’ Íni su olefi así ɔde mu aba asúmpú atsi mba ayin da, ɔde ató gyí si amó, ɔde ntá núu bu á, ⁴⁶ mu wie amu ɔbéba bofwie mutɔ ekeá ɔmedín ansí. Mu wie amu ɔbéhie títi mutɔ, trá butí mba ahá ání ɔmɔho mu gyi isu kékée.

⁴⁷ “Osúmpú oduá oyin tóá igyi mu wie apé, táme ɔmela iwi bwé yáí á, mu wie ɔbéhie pítí mu ató wankláán. ⁴⁸ Táme osúmpúá omeyín mu wie apé, ɔɔbwe tóá ilehián ha ató pití á, mu wie ɔbépití mu kpalobí. Bulu tefíté tsɔtsɔ tsú ɔhá ání ɔleha mu tsɔtsɔ wá, ɔtefíté tsɔtsɔtsɔ é tsú ɔhá ání ɔleha tsɔtsɔtsɔ wá.

Ipian Yesu Lópɔba, Megyí Iwilwii
(Mateo 10:34-36)

⁴⁹ “Ogyá ɔɔɔɔákpa neba ɔsulúv anfisv. Ní mí nkule su mú á, teki idetsíí dodoɔdo. ⁵⁰ Asúbɔ kv ida misvá bóbo mí. Mí klɔn méedi mí así yófun bréá ilamó ɔnɔ. ⁵¹ Imábwe mli fé iwilwii nɔpɔba ɔsulúv anfisv. Megyí iwilwii, ahá nsiné yintá nɔpɔba. ⁵² Tsúfé tsú séi púya a, wóyí ání ahá abanú bubu mútɔ á, abasá bókusú líí abanyósú. Abanyó é bókusú líí abasású. ⁵³ Abi yinhé mba amó así nsiné béyintá. Abi tsihé mba amó ayín é nsiné béyintá. Osia tsihé mba mu sia tsihé nsiné é béyintá.”

Brétó Asún Asinu
(Mateo 16:2-3)

⁵⁴ Yesu létrá bláa ahá ámu ɔbée, “Ní nyankpu obílá busv á, mlitebli mliaa, nde nyankpu obótswie, lélé ototswie. ⁵⁵ Ní nsantɔ itsú fúá á, mlitebli mliaa, nde owí ɔbélin, lélé itelun. ⁵⁶ Apinabwebí abwepú! Mliyin alíá butelé ɔsulúsv

pó nwulótáasu ató asi. Ntogyi sù mlumétálí nú itó ánfí idebá séi ánfí mó asi?

Anyabá Nsunéla

(Mateo 5:25-26)

⁵⁷ “Ntogyi sù mltamatálí gyí asún wankláán há mli iwí?
⁵⁸ Ní òkú òsáma fú á, wa òsa ha amlíblí m̀ wóyító, méni fú onyabá móòpú fú ya asún ogyíkpa. Fówun asún ogyípú méegyi fú asún, pú fú wá prósiyin íbítò, òwa fú obu. ⁵⁹ Ní megyí alí á, mméemlé fú, nkéti faká tógýító tá asa fédalí unu.”

13

Mlídamlí Iklontò, Méni Mlímóowu

¹ Ahá ámúb̀ búbu unu alí bré ámutò akú bebláa Yesu bee, Pilato lámó Galileafò akú bréá búde afòdié b̀ há Bulu, Yerusalem Bulu òtswékpa unu, há obugya lada afòdié ámu.
² Yesu léfité amú òbée, “Mlíki mlíaa, Galileafò ánfí bugyi lakpan abwepú dun Galileafò atráhe, sù bowun iwíwun ánfí odu? ³ Nde mli bláa mbée, megyí alí ígyi! Ní mli é mlumédamlí kloǹtò á, mli féé mlówu fé amú. ⁴ Ntée ahá dúkwe ámúb̀ abansúrú lobwíe dá mó Siloam òmanti ání íbu Yerusalem̀tò ámu mé, mlíki mlíaa, lakpan abwepú bugyi dun aha atráhe ání betsiá Yerusalem alí bré ámutò féé?
⁵ Nde mli bláa mbée, megyí alí ígyi. Ní mlumédamlí kloǹtò á, mli é mlówu fé amú.”

Pòntò Máswíéhé

⁶ Múú òleha amú yébi òbée, “Oyin òkú lótswíe pòntò mu ndòtò. Èke òkú òlòyò yéki bee, abí kv idin mútò. Òlòyò á, kùkv medín mútò. ⁷ Íni sv òlebláa mu òpayin òbée, ‘Nfinsa ní, nna oyí ánfí asi. Mm̀òkówun kùkùkù mútò. Ntogyi sù íbétrá lí yíntá òsulúv? Kùn mó da!’ ⁸ Táme òpayin amu lébláa mu òbée, ‘Mí wíé, fú mó si mó itra lu ofi òkule, ampulipuli mó asi, kpa wúna wa mó asi. ⁹ Ní ofíébá iloswíe á, íbu alé, táme ní imoswíe á, nakun mó dá.’ ”

Ἰησοῦς ἔθετο τὸ χεῖρ ἐπὶ τῶν κωφῶν

¹⁰ Yesu lóyo ɔde ató suná Yudafo ofiakpa ɔkpónú ɔdaké iku. ¹¹ Ἰησοῦς ɔye laláhe lówa mu iwé nfi dúkwe ní, ilahá mu alaklo, ɔmetálí bwíí nátí bu unu. ¹² Bréá Yesu lówun mu á, ɔletí mu bláa mu ɔbé, “Ani yín, iwé iwá fú ɔnlun!” ¹³ Inu ɔɔpɔ ibi da ɔtsi ámu. Inunu ɔlotswíí líí kánfó Bulu.

¹⁴ Ofiakpa ɔhande amu lénya ɔbló ání Yesu latsá ɔha ɔkpónú ɔdaké. Mú su ɔlebláa ahá ámu ɔbé, “Nkensié bu unu há agyómá yo. Mliba nke ámutɔ, abutsa mli iwé. Megyí ɔkpónú ɔdaké!”

¹⁵ Ani Wíe Yesu léle mó ɔnó ɔbé, “Apinabwebí abwepó! Mlito okugyíɔku tɔwóí mu nnantswie ntéé afrímú lé ibantɔ, pú amú ya ntsu onúkpa ɔkpónú ɔdaké. ¹⁶ Mú uma aleá mí mú nésankí Abraham mu na ánfí ɔbunsám lakíkli mu nfi dúkwe kéké ánfí ɔkpónú ɔdaké?” ¹⁷ Mu asun blíhé anfi léha péli lékítá mu alupó ámu, ansí légyi atráhe amu ffé, ofúla kponkponi ámú ɔdebwe ámu su.

Takýí-akpin Ibí Yébi

(Mateo 13:31-32; Marko 4:30-32)

¹⁸ Inu Yesu léfité ɔbé, “Ntɔ Bulu iwígyí ámu lelían? Ntéé ntɔ nópukápó mu? ¹⁹ Igyi fé takýí-akpin ibí, oyin ɔku lódu wá mu ndɔtɔ. Uledan mli oyi yilé, mbubwi butogyónká mú abámbítɔ.”

Bodobodotu-afá Yébi

(Mateo 13:33)

²⁰ Yesu létrá blí ɔbé, “Ntɔ mpúkapa Bulu iwígyí ámu? ²¹ Igyi fé Bodobodotu-afá ání ɔtsi ɔku lóputsiá bodobodo nfúó kente kule, ileha mú ilotu.”

Obu-ɔnó Kplánhe

(Mateo 7:13-14, 21-23)

²² Bréá Yesu oyó Yerusalem a, olotsun nkudasí pú awúlusu. Ona ode amú ató suná. ²³ Ona oku léfité mu obéé, “Owíé, ahá kpalobí ku obénya nkpa?”

Yesu lébláa ahá ámu obéé, ²⁴ “Mlibo mbódí amlitsun obu-onó kplánhe amutó. Tsúfé ahá tsotsótsó bóbó mbódí ání bótsun wie unv, táme buméetalí. ²⁵ Táme ní wóyí mu wie okúsú fin obu ámu, mlebá belí klun oma, dá klun amusu mliaa, ‘Owíé, finki ha aní!’ á, obébláa mli obéé, ‘Mmeyín mli, mmeyín otínéá mlotsú.’ ²⁶ Inú mléblí mliaa, ‘Ania fonyo létsiá gyi ató, nú ntá, fetsiá súná ató aní dinsu!’ ²⁷ Táme obéé mú onó obéé, ‘Mmeyín mli. Mmeyín otínéá mlotsú. Mlunati tui mísú, mli lalahé abwepó fée!’ ²⁸ Ní mlowun Abraham, Isak, Yakob pú Bulu onósú atóipú amv fée bubu Bulu iwíé ogyíkpa, táme bumeha mli mú okpa amliwie unv á, unú mlósu kpsíí ni. ²⁹ Ahá bótsu owí odalíkpa pú owí okplíwíékpa, binasu múa gyapusu ba betsiá ató ogyíkpa Bulu iwíegyí ámutó. ³⁰ Onokwali, amapu aku bémlí agyankpapu. Agyankpapu aku é bémlí amapu.”

*Yesu Lósú Ha Yerusalem
(Mateo 23:37-39)*

³¹ Inu Farisifo aku beba Yesu wá bebláa mu beé, “Dali Galilea omátó nfi, tsúfé omású ogyípú Herode dékléá obómó fú.”

³² Yesu lébláa amú obéé, “Mliyebláa okpataku ámu mliaa, ‘Négya ohe laláhe lé ahátó, tsá ahá ilo nde, gya le oke, mó mú onó klái.’ ³³ Táme ilehián ání nóyo mí onátu amusu nde, oke múa klái. Tsúfé okpa má unvá bómó Bulu onósú otóipú okuku otinetune, don Yerusalem!

³⁴ “Óo Yerusalemfó, Yerusalemfó! Mlitómó Bulu onósú atóipú, dá abí ání Bulu lawá sísí mli abwi mó ní. Ntek-leá nóbun mli abísú brégyíbré, fé alhá bate tobun mu abísú, táme mlitamahá mí okpa. ³⁵ Mliki, Bulu obési mli otswékpa tswi mli. Nde mli bláa mbéé, mlumétrá wun mi

ekekεεκε, yófun ekeá mléblí mliaa, ‘Bulu oyúla dhá ámúú
 óbá mu dátó’ ámu.”

14

Ἰωάννου τοῦ Τσα

¹ Farisifó dhande oku léti Yesu ató ogyíkpá mu wóyító
 okpónú odaké. Ahá bəpu ansí yi Yesusu, bude mu téε. ² Inu
 oyin okvá alapúnyá léba Yesu wá. ³ Yesu léfité Mose mbla
 asunápú pú Farisifó ámu óbée, “Ani mbla léha okpa ání
 butsáa ulo okpónú odaké lóó, ntée imeha okpa?”

⁴ Amótó okuku móbwii ónó. Múú Yesu lékitá oyin ámu,
 tsá mu ulo, olesi mu ólenatí. ⁵ Inu ólefíté ahá ámu óbée,
 “Mlitó ma mu bi ntée mu onantswie óbékpadá wíé ibúntó
 okpónú odaké, ómóókósi lé mu?”

⁶ Bumetalí lé mú ónó.

Ἰωάννου τοῦ Τσα

⁷ Inu Yesu lówun ání ahá ámúú beti ató ogyíkpá unu
 ámutó aku bude otsiákpá yilé dunká bétsiá. Múú óleha amú
 yébi óbée, ⁸ “Ní oku ótí fú oká otsiákpá a, máyétsiá ófvákpá.
 Fíali óleti dhande okvá ódun fu. ⁹ Inu dhá ámúú óleti mli
 ámu óbebláa fu óbée, ‘Mí wíé, kusu pu obía ha dhá ánfu.’ Inu
 péli békítá fú, fépetí yódunká ótunekú tsíá. ¹⁰ Mú su ní dha
 ótí fú ató ogyíkpá a, yetsiá obía kusubisu mbóún, dhá ámu
 óbebláa fu óbée, ‘Mí wíé, betsiá ófvákpá nfi.’ Inu obótsu
 fú ansító fúá ahá ámu féé ansító. ¹¹ Tsúfé dhagyíóha ání
 ototsú iwí á, Bulu teba mu asi. Dhagyíóha ání óteba iwiasi
 é á, Bulu totsú mu fúá.”

¹² Yesu lébláa dhá ámúú óleti mu ató ogyíkpá amu é óbée,
 “Ní fətswi ópónú ópa onyé á, máti fú anyawíé, fú apíó, fú
 abusuanfó ntée iwí anyapúá butsie mantáa fú. Ní fəbwé
 mú alí á, amó é bélatí fú amú kle asi ká ikó. ¹³ Mbóún
 ti ahíánfó, tsukule asínpu, abubúpu pú ansibi abwiepú.

¹⁴ Bulu obóyulá fú, tsúfé buma tətəá bópuká fú ikə. Bulu əbéka fú ikə ekeá əbókusúa aha yilé tsú afúlitə.”

Nke Krənkprənti Ku Yébi

(Mateo 22:1-10)

¹⁵ Ahá ámú amúa Yesu butsie əpúnúasi ámutə əkule lónu mu asvə blíhé anfi, əleblí əbéə, “Ansí bégyi ahá ání bégyi atə Bulu əpúnú ətswíke mu iwíegyí ámutə!”

¹⁶ Táme Yesu lébláa mu əbéə, “Oyin əku lótswi əpúnú krənkprənkprənti ku, əleti ahá tsətsəətsə. ¹⁷ Bréá beniná atogyihə amu tá á, ələwa mu asúmpú əbéə buyébláa ahá ámú əleti ámu beə, ‘Babwé tá!’ ¹⁸ Táme amú féé beblí beə amú ibi de. Ogyankpəpə əbéə, ‘Nahə əsulúv ku. Ilehían ání néyéki mú. Mú sv mlíkita mútə ha mi.’ ¹⁹ Onyəəsi é əbéə, ‘Nahə nnantswie yínhé idú, bópulipúli mí ndətə há mí. Neyékapú amú ki. Mú sv mlíkita mútə ha mi.’ ²⁰ Əbambá é əbéə, ‘Nwéen kótóó netsiá əká. Mú sv mméetalí ba.’

²¹ “Inu osúmpú amu léyinkí bebláa mu wie. Əbló lekítá mu wie amu, əlebláa mu əbéə, ‘Wa əsa sri yeki dinsu pú brənsu, afukpa ahíanfə, tsukule asínpu, ansibi abwierú pú abubúpu ba.’ ²² Iməwa əpá osúmpú amu léba bebláa mu əbéə, ‘Mí wíé, nayó sumbí ámu, táme otsiákpá trá da.’ ²³ Mu wie amu lébláa mu əbéə, ‘Tsvn mmuátse múa nkpakwí féé. Ti əhagyíəha ání fówun feə əbá, méni ahá bóbulá mí wóyítə. ²⁴ Nekáse, ahá ámú nēhiə tí ámutə əkuku méeda mí atə ánfi ənó!’ ”

Yesu Búotə Ipiə

(Mateo 10:37-38)

²⁵ Yesu muə ədəm krənkprənkprənti ámu ná bəyó. Múú əledamlí bláa amú əbéə, ²⁶ “Əhagyíəha ání əleba mí wá, táme əde mu si, mu yin, mu otsiába, mu abí, mu apíó, mu onutə kúráá iwí dwe dvn mi á, əméetalí bwé mí əkasípú. ²⁷ Əhá ání omotsu mu oyikpalíhe bobuo mi mófən ání əbóbwe mí əkasípú.

²⁸ “Mlito ɔmɔmv bú unv, ní obéyi obu kɔ̀nkpɔ̀nti á, oméetsiá así kɪ tóá obéyintá, wun ání mv kóba bófun? ²⁹ Ní ɔmeki mú ali, asa ɔ̀ɔkvsú wá obu ámv ntswiasi, pwé mú fun ɔ̀kpatɔ, ɔ̀metalí mɔ́ mú ɔ̀nɔ́ á, obu ámv awúnpu fée bómasí mv. ³⁰ Béblí bee, ‘Oyin ánfɪ lókvsú ɔ̀de obu yí, ɔ̀metalí mɔ́ mú ɔ̀nɔ́.’

³¹ “Ntée owíe ɔ̀mɔmv bu unvá ní owíe ɔ̀ku dé akɔ̀pú mpím-advanyɔ (20,000) ɔ̀bá bɔ̀kɔ́ mv a, oméetsiá así kɪ alíá ɔ̀bɔ̀bwe ɔ̀bɔ̀pu mv isá akɔ̀pú mpím-dú (10,000) yéfia amú? ³² Ní owun ání ɔ̀méetalí á, ɔ̀bɔ̀wa abí ɔ̀sasú bóyókokóli mv há ikulebwe, bréá bumɔ̀kúnyá kpókpé ba. ³³ Íni sv mlito ɔ̀há ání omesi mv tógyítɔ́ ɔ̀magyáa ɔ̀méetalí bwé mí ɔ̀kasípú.

Nfólíá Ima Labi

(Mateo 5:13; Marko 9:50)

³⁴ “Nfólɪ bu alé, táme ní itá ɔ̀dwe á, ntɔ́ bélépówá mú ɔ̀dwe? ³⁵ Itráa ma ale há tɔ̀tɔ̀tɔ́ bwe. Tseí butetséí mú tsítsá wúnasv. ɔ̀há ání ɔ̀bu asv onúu asún ánfɪ.”

15

Kufa Fwihé

(Mateo 18:12-14)

¹ Eke ɔ̀ku lampóo ahópu pú lakpan abwepú beba Yesu asv blíhé onukpá. ² Farisifɔ́ pú Mose mbli asunápú amv bowuntí mv bee, “Oyin ánfɪ mva lakpan abwepú ténátí, butɔ̀wá ibi gyi ató kúráa.” ³ Mú sv Yesu léha yébi púsúná amú ató ɔ̀bé,

⁴ “Mlito ma bú akúfa lafakule (100), ɔ̀kule ɔ̀fwí á, omesi adukwebá-kwebá (99) tráhe wá dimbítɔ́ unv, yódunká mv alu kpéfɔn bréá obówun mv? ⁵ Nahogyi mbée, ní owun mv a, ansí bégyi mv, obótsu mv wá nkɔ̀nkɔ́, ⁶ pú mv ya wóyítɔ́. ɔ̀bétɪ mv anyawíe pú mv aba, bláa amú ɔ̀bé, ‘Mliha anya ansigyí. Nawun mí kufa amúú ɔ̀ɔfwɪ ámv!’ ⁷ Ali kén

nde mli bláa mbée, ní lakpan ɔwepú ɔkule pé ɔdámli kluntá á, ansí béhie gyi ahá ɔsúsú unu dun alíá íbégyi amú aha wankláán adukwebá-kwebá (99) ání bumetrá hián kluntadamlí iwí.

Kóba Fwihé

⁸ “Ntée ní ɔtsi ɔku bu sika futútú dú, mótó kule lafwí á, omóonywe ɔkandíe kiki mu wóyító wankláán, kpákpá ntobító ki, fíí wóyí ámutɔ wankláán yófun bréá alawun mú? ⁹ Ní owun mú á, ɔbétí mu apíó aba, bláa amú ɔbée, ‘Mliha anya ansigyí. Nawun mí sika futútú ámúbú ulɔfwí ámu. ¹⁰ Nde mli bláa mbée, alí ansí béhie gyi Bulu-abɔpu ní lakpan ɔwepú ɔkule ɔdámli kluntá ní.’ ”

Obi Fwihé ɔku

¹¹ Yesu létrá ha amú yébi ɔbée, “Oyin ɔku létsiá, ɔbu abi yinhé anyɔ. ¹² ɔkusv amu lébláa mu si ɔbée, ‘Mí sí, ye fú atótó, afɔpu mí klé ha mi.’ Inu mu si lékitá mu atótó ye há amú. ¹³ Imegyí nke kuku ɔkusv amu lókulá mu ató féeé, olotu ɔkpa yó tsútsúútsú ɔmá kutɔ. Inu oleyétsiá nkpa laláhe yíntá mu ató ámu féeé. ¹⁴ Bréá oleyintá ató ámu tá á, akón kpɔnkpɔnti ku léba ɔmá ámutɔ, ɔlɔwa akón di bi. ¹⁵ Mú su ɔlɔpu iwí yémantá unuyin ɔkusv, oyin ámu lékpa mu yáa mu íbúasi ɔbée, ɔyéki mu mprákuosv ha mu. ¹⁶ Teki olekleá obétsiá gyi mprákuo atogyihe amu ku, táme ɔhaa méha mu mú iwí ɔkpa. ¹⁷ Bréá mu ansí leyinkí ba mu iwísv á, ɔlefíté mu iwí ɔbée, ‘Apafɔ amɔmu kóráá má mí sí wóyító, bumedé ató gyi sian ekekegyíeke? Mú ntsie nfi, akón de mí mɔ? ¹⁸ Nókusú yínkí yó mí sí wá, yébláa mu mbée, mí sí, napó ulá gyí Bulu, púgyi fú é. ¹⁹ Mmekanáa ání fétrá ti mí fú bí. Pu mí bwée fú apafɔ ámutɔ ɔkule.’ ²⁰ Mú sv ɔlókusú pú ɔkpa ɔbá mu si wá.

“Bréá olowotí, mu si lówun mu sísí á, ɔlɔwa mu nwe, ɔlesrí yéfia mu, látá mu pútá. ²¹ Inu mu bi ámu lébláa mu ɔbée, ‘Mí sí, napó ulá gyí Bulu, púgyi fú é.

Mmekanáa ání fétrá ti mí fú bí.’ ²² Táme mu si léti mu asúmpú, bláa amú òbée, ‘Mliwa òsa yotsu atadié wankláán ámu bowa mu. Mliwa mu opetia, amlíwa mu ntukuta. ²³ Mliyele ònantswie yínhé kánáhe amúb alawá nfo ámu ba, amlibomò mu, apugyi nke ha mu. ²⁴ Tsúfé mí bí áñfi lawú tsínkí. Òlòfwi, anilawun mu.’ Iwu bowa nke gyí bi.

²⁵ “Alí bré ámutò á, obi dehen amu bu ndotò. Bréá olotsu ndò ámutò òbá, alatá wóyító wie tá á, olonu ání pléi de wóyító iwu. ²⁶ Mú sv òleti mu si asúmpú amutò òkule, fíté òbée, ‘Amansu lába?’ ²⁷ Osúmpú amu léle mú ònó òbée, ‘Fú píó laba. Mú sv fú sí lahá bamó ònantswie kánáhe amu, tsúfé alayínkí botu mu, òbu nkpa, òbu onlin.’

²⁸ “Òbló lekítá òdéhen amu. Mú sv olesin mmuáa. Mu si lédalí ba bokokóli mu òbée, òbá wóyító. ²⁹ Táme òlele mú ònó òbée, ‘Mí sí, kí nfi dódúbúdúba napútsiá fú wá sùm fú. Mmòkúbwé mábúla kuku kí. Táme fomòkúhá mí òkpalábi fée mía mí aba apúwa iwí ansigyí kí. ³⁰ Táme fú bí áñfi alayíntá fú tógyító, mua akipú bayégyi nkpa áñfi mú laba a, famó ònantswie yínhé kánáhe amúb alawá nfo ámu há mu!’ ³¹ Iwu mu si lébláa mu òbée, ‘Mí bí, yée fú mú fúbu mí wá brégyíbré. Fúbú mí ató fée. ³² Fú píó áñfi lawú tsínkí. Òlòfwi, anilawun mu. Mú sv lehián ání abégyi mú nke, nyá ansigyí.’ ”

16

Agyómású Òkípú Ansítínpu Òku

¹ Yesu lébláa mu akasípú òbée, “Iwí onyapú òku létsiá, òbu agyómású òkípú. Ahá bowi tsá mu wie amusu beé òde mu gyí. ² Íni sv òleti oyin ámu, fíté mu òbée, ‘Ntò asún ndenu tsú fú iwí alí? Bobu akúnta ha mi, tsúfé foméetrá kí mí agyómású.’ ³ Agyómású òkípú amu léfíté mu iwí òbée, ‘Nkálí nóbwe? Mí wie òbá begya mi. Mma òwònlín ání nénatí dò ha ahá. Iwu mi péli ání nénatí kólí ató é. ⁴ Iwu

alé! Nyin tóá nóbwe, ménì ní osí mí á, nénya ahá ání bóhò m̀ wá amó wóyító.’

⁵ “Mú sv òletì ahá ání b̀de mu wie ìkò kulekule. Òlefíté ogyankpapu òbée, ‘Ìkò afunì f̀de mí wíe?’ ⁶ Ìkò òkitápú amu léle mú ònó òbée, ‘Nfò agb̀ngb̀ lafa-anyò (200).’ Agyómású òkípu amu lébláa mu òbée, ‘Tsan f̀ adánsie òwulò ámutò, afowanlun lafakule (100).’ ⁷ Òlefíté òkò é òbée, ‘Ìkò afunì f̀de?’ Ìkò òkitápú amu lébláa mu òbée, ‘Bodobodo nfúó akente òpím-òkule (1,000).’ Agyómású òkípu amu lébláa mu òbée, ‘Tsan f̀ adánsie òwulò ámutò afowanlun lafakwe (800).’

⁸ “Osikani ámu lékanf̀ agyómású òkípu anfí òma ònòkwali ánfì ání alatalí tun ansí alì.” Yesu lómò mú ònó òbée, “Ndemba-abí ání bubuo òyító ató ansitùn ání b̀pu butsie amó abatò idun amóá buyin Bulu klé.

⁹ “Nde m̀lì bláa mbée, m̀lpu òyító ató b̀we apíó, ménì ní itá á, Bulu òbóhò m̀lì wá mu wóyíá ìb̀ ìnu bré f̀éétó. ¹⁰ Òhá ání òletalí kítá ató t̀kúríf̀bi, olegyi ònòkwali músú á, mu kén obégyi ònòkwali ató k̀nòk̀nòntì ésú nì. Táme òhá ání òm̀wa ònòkwali ató t̀kúríf̀bisu òm̀wa ònòkwali ató k̀nòk̀nòntìsu. ¹¹ Mú sv ní m̀lumá ònòkwali òyító atósú a, ma m̀e òbóhò m̀lisu gyi, p̀ òsúsú ató onutó wá m̀lì ìbitò? ¹² Ntée ní fuma ònòkwali òk̀ klésú á, ma m̀e òbòpu f̀ klé há f̀ó?

¹³ “Osúmpú òk̀k̀ m̀etalí s̀m awie anyò. Òbódwe òk̀le, lú òk̀le. Ntée obóbu òk̀le, omóobu òk̀le. Fóm̀etalí s̀m Bulu, s̀m Kóba.”

Yesu Asun Blíhé Ku

(Mateo 11:12-13; 5:31-32; Marko 10:11-12)

¹⁴ Farisifò butòdwé kóba. Mú sv bréá bonu Yesu asun blíhé anfì á, b̀b̀we mu ahinlá. ¹⁵ Ìnu Yesu lébláa amó òbée, “M̀lìtelé ìwì s̀nà ání aha yilé m̀lgyí ahá ansító, táme Bulu mú yin m̀lì klontò. Tsúfé tóá nyankpusa tekíá ìb̀ labi igyi Bulu akísító.

¹⁶ “Mose Mbla ámu pú Bulu ɔ́n̄sú atóipú amu asun wanlínhé ɔ̀yɔ agyúmá alu bɔ̀fon Asú Ɖbɔ̀pú Yohane brésú. Tsú m̄svu bude Bulu iwíegyí ámu iwí asun wankláán ɔ̀kan da, ahá é budeprú wie mótó. ¹⁷ Ɖsú m̄́a asi bétalí mó ɔ̀n̄ó, táme itoduáhé ntée asúnbi ikule kúrää móowu Mose Mbla ámutó.

¹⁸ “Oyin okíná mu ka láyétsiá ɔ̀tsi bámbá á, alató mbua. Oyingíoyin ání ɔ̀tsiá ɔ̀tsi ání mu kulu lakíná mu é lató mbua.”

Iwí Onyapú Ɖku Mua Lasaro

¹⁹ Yesu lébláa amó ɔ̀béé, “Iwí onyapú ɔ̀ku létsiá. Atati wulihɛ ɔ̀tedídá, otegyi nkpa wankláán ekekegyíeke. ²⁰ Ató ɔ̀kólípú ɔ̀kúv́a mu iwí letsitsíí n̄lɔ́ é létsiá. B̄tɛtí mu Lasaro. Betsiá pú ohiáni ání yéyaí iwí onyapú ámu ɔ̀kpa ɔ̀n̄ó. ²¹ Ɖkíá obénya atogyihɛ mpupubiá íbékpa k̄páa bun oyin ámu ɔ̀pún̄basí gyi. Akíai létsiá beyintá mu n̄lɔ́ ámu kúräätó.

²² “Bréá ohiáni ání lówu á, Bulu-abɔ̀pu botsu mu ya, oleyétsiá aní náin Abraham wá ɔ̀súsú. Iwí onyapú ání é lóbowu, bopulá mu. ²³ Ɖɔ̀yɔ ɔ̀bu isubítí ogyá ání itamaduntó, ɔ̀de iwíɔ̀sin wúun. Olotsu ansí fúá, olowun ání Lasaro tsie Abraham wá tsútsúútsú. ²⁴ Inu ɔ̀lɔ̀kplún ɔ̀béé, ‘Aní sí Abraham-ée! Wun m̄́ nwe, afuha Lasaro ɔ̀yɔ̀pu mu osrebi da n̄tsutso pubeda mí ɔ̀dand̄v̄s̄u, ilwii k̄palobí. Nde iwíɔ̀sin wúun ogyá áníf̄t̄o dubi!’

²⁵ “Táme Abraham lébláa mu ɔ̀béé, ‘Obí, kain, fú nkpat-siátó a, fegyí ɔ̀dwe, Lasaro é letsiá ɔ̀suntó. Séi á, ɔ̀bu ɔ̀dweɔ̀, fú é fúbu ɔ̀suntó. ²⁶ Ɖma a, ilán k̄p̄n̄k̄p̄n̄k̄p̄n̄t̄i ku da ania funyɔ́ nsuné. Mú sv ɔ̀haa méetalí fá tsú nfi ba fú wá unu, ɔ̀haa é méetalí fá tsú unu ba aní wá nfi.’ ²⁷ Oyin ámu lébláa Abraham ɔ̀béé, ‘Mómú nobwíí ipa, aní sí Abraham, wa Lasaro sisi mí sí wóyító. ²⁸ Mbu apio yinhé abanú aku

inu, ɔyeda amú ɔlá, méni bowú á, buméeba bowun iwɔsun ánfu odu.’

²⁹ “Abraham léle mú ɔnó ɔbéé, ‘Mose mva Bulu ɔnósú atɔ́pú amu nwoḷú bu amú wá, ide amú ɔlá da. Bunúu mú, abugyi músú.’ ³⁰ Oyin ámu léle mú ɔnó ɔbéé, ‘Ani sí Abraham, asún ámu nu keke méeha amú abudamli kluntɔ. Mboún ní ɔku ɔkúsú tsú afúlitɔ yó amú wá á, bédamli kluntɔ.’ ³¹ Táme Abraham lébláa mu ɔbéé, ‘Ní bumegyi Mose mva Bulu ɔnósú atɔ́pú amu nwoḷótɔ asún ámu su á, ɔku ɔkúsú tsú afúlitɔ yó inu kóráá á, bumóonu ɔhá ámu asún.’ ”

17

Lakpanbwe

(Mateo 18:6-7, 21-22; Marko 9:42)

¹ Yesu lébláa mu akasípú amu ɔbéé, “Ibwébwéébwé á, taku béha nyankpusa ɔbóbwe lakpan, táme ɔhá ání una musu mu ba lóbwe lakpan ɔgyówi ní. ² Ní ɔku léha ahá ánfu bumakódan mísú hógyitɔ ánfutɔ ɔku lóbwe lakpan á, ní beda nfúókwebu síán mu ɔmetɔ, tswi mu wá ɔpu okluklúkpá pó á, ibu alé dun. ³ Mú su mlíktí mlí iwí wankláán.

“Ní fú bá ɔpú ilá gyi fu á, wa iyun wa mu. Ní ɔledamli kluntɔ á, sikie mu. ⁴ Ní ɔlɔpu ilá gyi fu tse sienó* ekewóle owítɔ, ɔlela bobwií ipa há fú á, sikie mu.”

Hógyi

⁵ Yesu sumbí ayɔpú ámu bebláa mu be, “Ha aní hógyi imoni tsa.”

⁶ Yesu léle mú ɔnó ɔbéé, “Ní mlí hógyi lómoní fé takyí-akpin ibí á, mlétalí bláa keli ánfu mlíaa, ‘Pulí yelí ɔputɔ.’ Ibwóbwe dínká músú.

Osúmpú Gyumagyihe

* 17:4 Idesuná ání tsé dúdúá ɔlɔpu ilá gyi fu.

⁷ “Ní mlitɔ ɔku bu osúmpúá ɔtɔyó agyúmá mu ndɔtɔ ntée ɔteki mu akúfasu, otsú agyúmátó ba a, bláa mu wie tebláa mu ɔbéé, ‘Wa ɔsa bwe afugyi ató?’ Ekekeke! ⁸ Bláa ɔtebláa mu ɔbéé, ‘Tsu tati saba, afubɔtswi ɔpúnú ha mi. Belí mí angyi ató. Negyi ta á, fayégyi fú klé.’ ⁹ Ɖtedá osúmpú amu ipán ɔbéé, alabwé tóá mɔwa mu bwe? Ekekeke! ¹⁰ Inu sv ní mli é mlɔbwé tóá bɔwa mli bwe tá á, mlibli mliaa, ‘Asúmpú keke anigyí. Tóá igyi aní bwehé anilabwé á.’ ”

Ilo Pepe Alɔpú Dú Tsa

¹¹ Yesu ná Samaria pú Galileafɔ ɔkasu ɔyó Yerusalem. ¹² Bréá ɔleta wúlu kusu wie tá á, ilo pepe alɔpú dú aku buna bebá befia mu, besi lí tsútsú. ¹³ Inu bɔkplón blí beé, “Yesu! Owíé! Wun aní nwe.”

¹⁴ Yesu lótsu ansí kɪ amú, ɔlebláa amú ɔbéé, “Mlipu mli iwi yosuná Bulu igyi ɔhapú.†”

Bréá bɔpu ɔkpa bɔyó á, amú iwi lépli. ¹⁵ Ɖkule mú lówun ání mu iwi laplí a, oleyinkí ɔdekplón kanfú Bulu kóklókú. ¹⁶ Olebemlí bún Yesu ayabitɔ, ɔde mu ipán da. Samariayin oyin ánfɪ gyí. ¹⁷ Inu Yesu léfité ɔbéé, “Megyi ahá idú natsá? Mú kwebá atráhe mé? ¹⁸ Mú sv amútó ɔkuku méba bekanfú Bulu dɔn Samariayin ɔfɔ́ ánfɪ nkule?” ¹⁹ Inu ɔlebláa oyin ámu ɔbéé, “Kusu nati. Fú hógyi latsá fú ilo.”

Bulu Iwíegyi Ámu Ibá

(Mateo 24:23-28, 37-41)

²⁰ Farisifɔ aku befité Yesu beé, “Ɖmenke Bulu iwíegyi ámu ibéba?” Yesu lébláa amú ɔbéé, “Megyi tóá ɔha ɔbɔpu ansíbi wun Bulu iwíegyi ámu igyi. ²¹ Ɖhaa méetalí blí ɔbéé, ‘Kɪ, múbu nfi.’ Ntée ‘Múbu nána á.’ Tsúfé mli kluntɔ Bulu iwíegyi amu bu.”

²² Inu Yesu lébláa mu akasípú ɔbéé, “Eke ɔku ibá, mlódunká ání mlówun mí, Nyankpusa-Mu-Bi ánfɪ ekewóle

† ^{17:14} Abubi ání mli iwi laplí Mose mbla ɔkpasu.

pé, táme mlimóowun mú. ²³ Ahá bébláa mli bee, ‘Ǿbu nfu.’ ntée ‘Ǿbu náana,’ táme mlimásrí buo amú yéki. ²⁴ Tsúfě mí, Nyankpusa-Mv-Bi ánfí Ǿbáke bóbwe fě alí ámúú nyankpu tǾfwí ibi, butowun mú nsaintǾ fěé ámu. ²⁵ Táme négyankpá wun iwǾsin tsǾtsǾtsǾ, ndemba-abí ánfí é békiná mí. ²⁶ Alí ámúú ilegí Noa brésú amu a, alí ibégí mí, Nyankpusa-Mv-Bi ánfí é ibábi ni. ²⁷ Ahá betsiá, bude ató gyí, bude ntá núu; bude aká tsiá, bude atsi kítá há akúlu alu yǾfun ekeá Noa lówie mu dáka kponkponu ámutǾ, ntsu lóbulá bǾmǾ amú fěé. ²⁸ Alí kén iléba Lot é brésú ni. Ahá betsiá, bude ató gyí, bude ntá núu, bude ató hǾǾ, bude ató fě; bude ató du, bude ibu yíi, ²⁹ yǾfun ekeá Lot lédali Sodom wúlutǾ, ogyá múa atonkodu lotswie tsu Ǿsús behi amú fěé. ³⁰ Alí kén mí, Nyankpusa-Mv-Bi ánfí iwǾwanléké bǾfwie ahátǾ ní.

³¹ “Eke ámu a, Ǿhá ání Ǿdun obusu, mu ató ibu obuto Ǿmákpí botsu tǾtǾ. Alí kén Ǿhá ání Ǿbu ndǾtǾ é máyinkí botsu tǾtǾ ni. ³² Mlikaun Lot mu ka asúnú!‡ ³³ Tsúfě ní Ǿku lódunká ání Ǿbéprí mu nkpa á, ǾbǾhulí mú. Táme ní Ǿku lǾhulí mu nkpa á, Ǿbélanyá mú. ³⁴ Nde mli bláa mbée, alí eke ámu onyé á, ní ahá abanyó buda Ǿklan kulesu á, Bulu obótsu Ǿkule sí Ǿkule.

³⁵⁻³⁶ “Ní atsi abanyó bude nfúó kwe á, Bulu obótsu Ǿkule sí Ǿkule.‡” ³⁷ Yesu akasípú amu befité mu bee, “Ani Wíe, nkúnú ibéba?”

Yesu lébláa amú Ǿbée, “Ǿtínéá itǾ wuhé da a, unó alása butefia ni.”

18

Ǿsurapu Mva Asún Ogyípú Ǿku

‡ 17:32 Bréá omobu Bulu, Ǿledamlí kí Ǿma a, olemlí nfǾlísín. Kí Genesis 19:26. § 17:35-36 Múttó yée 36 bu nwulú dada amu akutǾ: Ní ayin abanyó bude agyómá yǾ ndǾ kuletǾ á, Bulu obótsu Ǿkule sí Ǿkule.

¹ Inu Yesu léha yébi ku púsúná ání bubóo mpái brégy-íbré, umákpɔn amú. ² Ɖlebláa amú ɔbée, “Asún ogyípú ɔku létsiá wúlu kusu. Ɖtamanyá Bulu ifú, ɔtamanyá ɔhaa é péli. ³ Ɖsurapu ɔku é létsiá wúlu amuto. Oletsíá bokokóli mu ɔbée, ogyíi mu asún ɔnɔkwalisu ha mu, ɔle mu tsu mu olupú ibito! ⁴ Teki olekle okina, táme ɔma-ɔma a, ɔlebláa mu iwɛ ɔbée, ‘Ibu mótóá ntamanyá Bulu ifú, ntamanyá ɔhaa é péli. ⁵ Táme ali ánfɛ ɔsurapu anfi ná ɔde mí háan anfi su á, négyi mu asún ɔnɔkwalisu. Ní megyí ali á, oméesi mí tói wa. Ɖmééha mménya ɔkpa bwé tɔto.’ ”

⁶ Yesu lóyo mósú ɔbée, “Mliki alíá asún ogyípú anfi ɔtamagyi asún ɔnɔkwalisu ánfɛ lablí. ⁷ Mómú nkáli Bulu mú méegyí mu ahá ámúb alalé, budesú kpolí mu ɔpaonyé ámu asún ɔnɔkwalisu? Obési amú asún wá obíátó? Ekekeke! ⁸ Nde mli bláa mbée, obégyi mú ɔnɔkwalisu há amú ɔsasú. Táme ndefíté mbée, ní mí, Nyankpusa-Mu-Bi ánfɛ neyínkí bá a, nówun ahógyipu aku ɔsulúv anfisú?”

Lampóo Ɖhópu Mva Farisiyin

⁹ Yesu létra ha yébi ku púsúná amú ató tsú ahá ání buteki amú iwɛ yilé abwepú dɔn amú aba. ¹⁰ Ɖleha yébi amu ɔbée, “Ayin abanyó aku bɔdu yó mpái ɔbɔkpá Bulu ɔtswékpa. Amótó ɔkule gyí Farisiyin, ɔkule é gyí lampóo ɔhópu.

¹¹ “Farisiyin amu lókusú líí, bó mpái wá nwunto ɔbée, ‘Bulu, nedá fú ipán ání mmegyí fé aku. Mí mú mma ɔnsípe, ntamasísi ɔha, ntamató mbua, mmegyí fé Lampóo ɔhópu anfi é. ¹² Nteklí ɔnó tse nyɔ ndawótswí ukuletɔ. Nteye mí ató fféétó dú, lé idúsí há fú.’

¹³ “Táme lampóo ɔhópu amu mú léyelí tsútsú, oloko nwunto wá. Omotsulá tsú ansí kóráá fúá kɛ ɔsúsú. Ɖɔpu ɔbumáa dá ibito, kókóli Bulu ɔbée, ‘Óo Bulu, wun mi nwe, lakpan ɔbwepú ngyi.’ ” ¹⁴ Yesu lómɔ mú ɔnó ɔbée, “Nde mli bláa mbée, asa beyínkí yó wóyí á, Bulu ansí légyi lampóo ɔhópu amu iwɛ dɔn Farisiyin amu. Tsúfé ɔhá ání ototsú iwɛ

á, Bulu ɔ̀bɛ̀ba mu asɪ. Ɔ̀há ání ɔ̀teba iwasi é á, Bulu obótsu mu fúá.”

Nyebí Yulá

(Mateo 19:13-15; Marko 10:13-16)

¹⁵ Aha aku bɔ̀pu amú abí ba Yesu beɛ, ɔ̀púu ibi dɪnka amúsú, oyula amó. Mu akasípú bowun amó. Mú su bɔ̀wa iyun wá amó. ¹⁶ Táme Yesu létɪ nyebí ámu ba mu iwɪ wá, ɔ̀lebláa akasípú amu ɔ̀bɛ̀ɛ, “Mliha nyebí ámu abuba mí wá. Mlumátin amó ɔ̀kpa, tsúfɛ́ ahá ánfɪ odu bú Bulu iwíegyí amu nɪ. ¹⁷ Ɔ̀nɔ̀kwali nde mli bláa. Ɔ̀há ání ɔ̀mɔ̀hɔ Bulu iwíegyí ámu fé kebi á, omóowie mútɔ́.”

Atonyahé lwi Atosunáhé

(Mateo 19:16-30; Marko 10:17-31)

¹⁸ Ɛ̀ke ɔ̀ku Yudafo ɔ̀hande ɔ̀ku lébefítɛ́ Yesu ɔ̀bɛ̀ɛ, “Os-unápú yilé, ntɔ́ nɔ̀bwe asa nénya nkpa ání itamatá?”

¹⁹ Yesu léfítɛ́ mu ɔ̀bɛ̀ɛ, “Ntogyi sù fude mí tɪ ɔ̀ha yilé? Ɔ̀haa mégyí ɔ̀ha yilé, nkétɪ Bulu nkɔ̀le. ²⁰ Yéɛ fuyin Bulu mbla ámu o. Múgyí, mátɔ́ mbua, mámo ɔ̀ha, máwi ató, máka asún dínká fú bású, bu fú sí mua fú yín.”

²¹ Ɔ̀hande amu lébláa mu ɔ̀bɛ̀ɛ, “Tsú mí nyebitɔ́ ɔ̀pá nde mú féésú gyí.”

²² Yesu lónu mu asun blíhé anfi á, ɔ̀lebláa mu ɔ̀bɛ̀ɛ, “Toku kule ilasí ání fɔ̀bwe. Yefɛ́ fú iwisu ató féé, afuye kóba amu ha ahiánfɔ́, ménɪ fénya siadiɛ ɔ̀súsú. Fɔ̀bwé mú tá á, ba afubobuo mi.” ²³ Bréá oyin ámu lónu asún ánfɪ á, ilɔ̀tɔ́ mu klɪn, tsúfɛ́ ɔ̀híɛ́ ɔ̀bu ató.

²⁴ Yesu lówun ání ilahan mu. Mú su ɔ̀leblí ɔ̀bɛ̀ɛ, “Ibu ɔ̀nlɪn asa iwɪ onyapú obówie Bulu iwíegyí ámutɔ́. ²⁵ Lélé mú á, ilɔ̀pɔ̀n ha kpósó ání ɔ̀bótɪn ɔ̀bun-atɔ́ ɔ̀bótɔ́, dɪn ání iwɪ onyapú obówie Bulu iwíegyí ámutɔ́.”

²⁶ Ahá ání bonu asún ánfɪ befítɛ́ beɛ, “Mómú ma mɛɛ Bulu ɔ̀bɔ̀hɔ nkpa?”

²⁷ Táme Yesu lébláa amó ɔ́bée, “Tóá nyankpusa méetalí bwé mǎdún Bulu bwe.”

²⁸ Inu Petro lébláa Yesu ɔ́bée, “Mí Wíe, kí, anlasí an wóyí tswi bobuo fu.”

²⁹ Yesu lébláa amó ɔ́bée, “Ɖnɔkwali nde mli bláa. Ɖhaa má invá obési mu wóyí, mu ka, mu apíó, mu akwíró ntée mu abí tswi Bulu iwíegyí ámu so, ³⁰ Bulu méelawá mú otsiákpá há mu tsé dú tsé lafa séi, láha mu nkpa ání itamatá bré ámúú íbá ámuto.”

Yesu Lowu Iwi Asún Blí Otse Saasi
(*Mateo 20:17-19; Marko 10:32-34*)

³¹ Yesu létí akasípó dúanyɔ́ ámu ya itsétó, ɔlebláa amó ɔ́bée, “Ayó Yerusalem. Inó asún ámúú Bulu ɔ́nósó atóiró amu bɔwanlín tsú mí, Nyankpusa-Mu-Bi ánfí iwí ámu fée béba mútó ní. ³² Béle mí há ahá ání bumegyí Yudafo. Bóbwe mí ahinlá, síá mí, tú atsonó wólí mí. ³³ Béputí mí ató, mó mí. Mú eke sáási a, nókusú tsú afúlitó.”

³⁴ Akasípó amu bumonu íni asi, tsúfé Bulu lópurjáin amó. Bumebi tóá ɔdeblí é.

Ansibi Obwiepú Ɖku llo Tsa

(*Mateo 20:29-34; Marko 10:46-52*)

³⁵ Yesu léta Yeriko wúluto wie tá á, ansibi obwiepú ɔku tsie ɔkpa ɔ́nó, ɔde ató kulí. ³⁶ Ansibi obwiepú ámu lónu ání ɔdom budetsúvn. Múú ɔlefité ɔ́bée, “Amansu igyi?”

³⁷ Ahá bebláa mu be, “Yesu Nasaretyin amu détsúvn.”

³⁸ Inu ansibi obwiepú ámu lókplon blí ɔ́bée, “Ani wíe Dawid mu na Yesu, wun mi nwe!”

³⁹ Ahá ámúú bɔgya Yesu nkpa ámu bɔkplón wa ansibi obwiepú ámu be, ɔwáa ɔsa kpa ɔ́nó bun. Ɖlelakplón dun ali ɔ́bée, “Ani wíe Dawid mu na, wun mi nwe!”

⁴⁰ Yesu lési lí, ɔleha ɔ́bée bukpa mu ba mu. Bréá bekpa mu ba a, Yesu léfité mu ɔ́bée, ⁴¹ “Nto fudeklé fée mbwée ha fu?”

Ɖlele mú ɔ́nó ɔ́bée, “Owíe, ha mí anwun ató!”

⁴² Yesu lébláa mu ɔbée, “Fú hógyi latsá fú ulɔ. Wun ató.”

⁴³ Inunv mu ansíbi lobwíí, ɔlekplá buo Yesu, ɔde Bulu kanfó. Ɔɔm amv fée bowun íni, amú é bekanfó Bulu.

19

Yesu Mva Sakeo

¹ Yesu déka tsun Yeriko wúluto. ² Lampóo ahópu ɔhande ɔkúá ɔbu kóba bu wúlu amuto, butetí mu Sakeo. ³ Oyin ánfí dékléá ɔbópu ansíbi wun Yesu, táme ɔma iswí, ahá é bɔɔvbi. ⁴ Mú sv ɔlesrí yóɔv pɔntɔ-oyí kvá Yesu ɔbótsun mú asi, méní obówun mu. ⁵ Bréá Yesu lówie oyí ámu asi á, olotsu ansí fúá, wun Sakeo, ɔlebláa mu ɔbée, “Sakeo, wa ɔsa kplí ba. Nde, fú wóyí nówú ní.”

⁶ Sakeo lówa ɔsa kplí, pú ansigyí kpá mu ya wóyító. ⁷ Ahá ánfí bowun mú fée bowuntí beɛ, “Oyin ánfí layóswú lakpan ɔbwepú wóyító.”

⁸ Sakeo lókusú líí wóyító inu, bláa aní Wíe Yesu ɔbée, “Mí Wíe, kí, néye mí atótó anyɔ, pú ifun kíé ahíánfó. Ní nasísi ɔku é á, nélahá mu mú aku ana.”

⁹ Yesu lébláa mu ɔbée, “Nde Bulu lahɔ wóyí ánfí nkpa, tsúfée Abraham mu na ɔni ánfí é gyí. ¹⁰ Ahá ánfí bafwí odunkákpá mí, Nyankpusa-Mu-Bi ánfí neba, anhɔ amú nkpa.”

Asúmpú Kóba Ha

(Mateo 25:14-30)

¹¹ Ahá ámu buɔde asún amúú Yesu déblí ámu nu. Alí bré ámuto á, Yesu latá Yerusalem wie tá. Mú sv ɔleha amú yébi pútswíí amú, tsúfée buɔdesusúu beɛ Bulu iwíegyí béfí asi inunv. ¹² Ɔleha yébi amv ɔbée, “Iwí onyapú ɔku lóbwe agywun ɔbée, mótu ɔkpa yó amú owíe dehen wá, ɔyai mu owíe, oyinki begyi iwíe mu ɔmátó. ¹³ Asa ɔbóyo á, ɔletu mu asúmpú idú, oleye pɔɔnv kulekule há amú fée. Ɔlebláa amú ɔbée buɔpúyo agyú má yófun ekeá méba. ¹⁴ Táme mu wúluto

ahá bolu mu, wá abí buo mu βεε, bumedékléá ὀbwéε amú owíe.

¹⁵ “Táme mú óó á, owíe dehen amu léyaí mu iwíe amu, ὀlesankí ba wóyí. Olenya wíé pé ὀleha beti mu asúmpú amu, ὀki tṵá banyá dínká kṵba amusu. ¹⁶ Ogyankpapu léba bebláa mu ὀbéε, ‘Mí wíé, nanyá pṵṵonu dú tsía fú klé amutṵ.’ ¹⁷ Múú ὀlebláa osúmpú amu ὀbéε, ‘Fabwé atṵ. Osúmpú wankláán fúgyi. Ínuá fawá ὀṵṵkwalí itṵ tṵkúrííbi ánfí iwí su á, nṵpu awúlu idú wá fú íbitṵ, féki músú.’ ¹⁸ Onyṵṵsi léba bebláa mu ὀbéε, ‘Mí wíé, nanyá pṵṵonu anu tsía fú klé amutṵ.’ ¹⁹ Owíe amu lébláa mu ὀbéε, ‘Fú é féki awúlu anusu.’

²⁰ “ṵbambá é léba bebláa mu ὀbéε, ‘Mí wíé, fú sika ámu ni. Neda mú wá dúkubi ὀṵṵ yáí. ²¹ Nyin fu. Nde fú ifú nya, tsúfé fú asún bu ὀnlṵ. Futotsú atṵ ὀtínéá fumṵpu tṵtṵ yáí, fúṵṵkpṵtí atṵ é ὀtínéá fumodu tṵtṵ.’ ²² Mu wie amu lébláa mu ὀbéε, ‘Osúmpú laláhe. Fú ὀṵṵtṵ asún nṵpuṵgyi fu asún. Yéε fuyin ání mí asún ihíé bu ὀnlṵ, ntotsú atṵ ὀtínéá mmṵpu tṵtṵ tswi, kpṵtí atṵ ὀtínéá mmodu tṵtṵ a? ²³ Mú ntogyi sú fumṵpu mí kṵba amu yṵtswi sika ὀyaíkpa. Féki ní neyínkí ba a, nṵyṵṵṵ mṵa músú abí?’

²⁴ “Ínu owíe amu lébláa ahá ání bubu inu ὀbéε, ‘Mlṵswi osúmpú anfi kṵba amu ha ὀmṵamúú olenya idú ámu.’ ²⁵ Táme ahá ámu bebláa mu βεε, ‘Nanáin, ὀbu pṵṵonu dú dodo o!’ ²⁶ Owíe amu lébláa amú ὀbéε, ‘Nde mlí bláa mbéε, ὀhá ání odekléá ὀbṵṵnu mí atosunáhé amu asi á, Bulu ὀbṵṵpu iku tsía mútṵ há mu. Táme ὀhá ání omedékléá ὀbṵṵnu mí atosunáhé amu asi á, Bulu ὀbṵṵswíí mu kpalóbí ámbú alabí ámu kúráá. ²⁷ Séi á, mlíkpa ahá ámúú ὀṵkṵsú líí mísú βεε mmágyi iwíe amu ba, amlṵṵṵṵṵṵṵ amú mí ansítṵ nfi!’ ”

*Bṵṵṵ Yesu Fé Owíe Yerusalem
(Mateo 21:1-11; Marko 11:1-11; Yohane 12:12-19)*

²⁸ Yesu léha amú yébi anfi tá á, ɔlɔtsun gyankpá pú ɔyó Yerusalem. ²⁹ Ɖleta Betfage múa Betania awúluá idun Nfɔ-nyíbu* ámusu wie tá á, ɔlɔwa mu akasípú abanyó gyankpá, ³⁰ bláa amú ɔbéé, “Mliyo wúlu anfi ida mli ansító ánfisu. Ní mlowié wúlu ɔnó á, mlówun afrímú kanáhe ɔku da ɔfétó, ɔhaa mókútsiá musu ki. Mlisanki mu ba mi. ³¹ Ní ɔku ɔfíté mli ɔbéé, ‘Ntogyi sù mlidé mu sankí?’ á, mliɔla mu mlíaa, ‘Ani Wíe dé mu hián.’ ”

³² Akasípú abanyó ámu ɔyówun afrímú kánáhe ámu fé alá Yesu lébláa amú. ³³ Bréá buɔe mu sankí á, mu awíe befíté amú ɔéé, “Ntogyi sù mlidé mu sankí?”

³⁴ Bele mú ɔnó ɔéé, “Ani Wíe dé mu hián.” ³⁵ Besi bekpa afrímú kánáhe amu ba Yesu, beyaí amú atati dínká musu, tsú Yesu bian musu. ³⁶ Bréá Yesu tsie musu ɔyó á, ahá ámu bekpa amú atati yáí tswi ɔkpatɔ, ɔlenatí músú tsun.

³⁷ Bréá Yesu lówa Nfɔ-nyíbu ámu kplí ɔyó Yerusalem wúluta bi a, mu abúopu amu féé ɔɔtswi opé kánfú Bulu kóklúkúú, ofúla amúú ɔlɔɔwe, bowun amu féé su. ³⁸ Ɖéé, “Bulu oyúla owíe anfi ɔbá mu dátó ánfí! Iwilwii bu ɔsúsú. Numnyam ibwée Bulu klé ɔsúsúúsú unv.”

³⁹ Farisifó aku bubu ɔɔm amutɔ. Inu bebláa Yesu ɔéé, “Osunápó, ka fú abúopu anfi itin!”

⁴⁰ Yesu lébláa amú ɔbéé, “Nɔe mli bláa mbéé, ní ahá ánfí behíé kpá ɔnó bun kóráá á, abwi ánfí bókpɔn kanfú Bulu.”

Yesu Lósú Yerusalem Su

⁴¹ Bréá Yesu léta Yerusalem wie tá, olowun wúlu amu sísí á, olosu ha mú. ⁴² Ɖbéé, “Yerusalemfó, teki ilehián ání mlébi tóá itɔpú iwílwii ba nde, táme mliumétálí bí mú. ⁴³ Bré ku íbá, mli alupú békafía mli abuntíí, pwé okpó wá mli, sá mli tin ɔkpagyíɔkpasu. ⁴⁴ Béhi wúlu anfi pú mútó atsiápó. Buméesi ibwi kule dínká mú bású, tsúfé mliumébi bréá Bulu léba mli nkpa ɔhókpa!”

* ^{19:29} Nfɔ-nyíbu igyi obubwí kuá ibu mantáa Yerusalem, butetí mú Olifbu.

Ibíá Agyípú Gyáa Le Bulu Ɖtswékpa Wunsinésú
(*Mateo 21:12-17; Marko 11:15-19; Yohane 2:13-22*)

⁴⁵ Bréá Yesu lówie Yerusalem a, ɔlɔɔ Bulu Ɖtswékpa wunsinésú. Olenya wíé unv aɔ, ɔlɔwa ibíá agyípú gyáa bi.

⁴⁶ Ɖlebláa amú ɔbéé, “Bɔwanlín wá Bulu asún ámutɔ beɛ, ‘Béti mí Ɖtswékpa beɛ, mpáí ɔbɔkpá.’ Táme mlilapú unv mlí awikplu ŋaínkpá.”

⁴⁷ Oletsíá súná ató Bulu Ɖtswékpa unv ekekegyíeke. Bulu igyí ahapú dehen, Mose mbla asunápú pú Yudafo ahande amv bodunká ɔkpa ání bótsun músú mó mv. ⁴⁸ Táme bumenya, tsúfé ahá ámu féé bubuo mv asvn blíhé.

20

Yesu Túmi lwi Asvn Fitéhé
(*Mateo 21:23-27; Marko 11:27-33*)

¹ Eke ɔkv Yesu bu Bulu Ɖtswékpa wunsinésú unv ɔde Bulu asún wankláán ámv ɔkan da, ɔde ató suná. Inu Bulu igyí ahapú dehen, Mose mbla asunápú pú Yudafo ahande beba bɔtu mv. ² Befité mv beɛ, “Ma léha fú ɔkpa fúde ntobí ánfí bwe? Ma léha fú túmi?”

³ Yesu léle mú ɔnɔ ɔbéé, “Mí é nfité mli asvn kua kule. ⁴ Bulu wá Asú Ɖbɔpú Yohane lénya túmi póbó ahá asú lóó, ntée nyankpɔsa? Mlibla mi.”

⁵ Amú wulewule bɔɔɔ asún ánfíto beɛ, “Ní ablí aniaa itsú Bulu wá á, ɔbéfité aní ɔbéé, mú ntogyi sú anumóhɔ mv gyi? ⁶ Ní ablí aniaa nyankpɔsa wá é á, ɔɔɔm anfi béda aní abwi mó, tsúfé bohogyi ání Bulu ɔnɔsú ɔɔɔpú Yohane gyí.” ⁷ Mú sv beɛ mú ɔnɔ beɛ, “Ohwée! Anuméyín ɔtínéá olenya mu túmi tsú.”

⁸ Yesu lébláa amú ɔbéé, “Múmú mí é mméebɔláa mli túmi oduá ndepubwé ntobí ánfí.”

Apafɔ Laláhe Aku
(*Mateo 21:33-46; Marko 12:1-12*)

⁹ Inu Yesu létrá ha amú yébi òbée, “Òdòtòpù òkú lódò wáin ndò, òlòpù ndò ámu wá apafò ibitò, tú òkpa yó òmá kùtò yétsiá unu nfí-nfí. ¹⁰ Bréá wáin-abí ámu kpòtíbi lòfun a, òlòwa mu osúmpù apafò ámu wá òbée, òyòhò mu ogyíkpa ba mu. Táme apafò ámu beda obí ámu, gya mu sísí ibikpan. ¹¹ Òdòtòpù amu lélawá mu osúmpù nyòòsi amú wá. Apafò ámu beda mu, sùpa mu, gya mu é sísí ibikpan. ¹² Òlètrá lawá òba sáásí. Apafò ámu bepilán mu, gya mu lé ndò ámutò. ¹³ Múy ndò mu wie amu léblí òbée, ‘Nkálí kóràá nóbwe? Nòwa mí onutó mí bí òdwepù amú wá. Fíalí bóbù mu mú.’ ¹⁴ Táme bréá apafò ámu bowun mu bi ámu sísí á, bebláa aba be, ‘Ónì obégyi mu sí ató ní. Mliha amò mu, ménì ndò ámu ibémílí aní klé.’ ¹⁵ Inu bekítá mu, bítíá mu dáli ndò ámutò yómò mu.

“Ntò mlilahogyi mliáa ndò mu wie amu òbóbwe apafò ánfí? ¹⁶ Òbéba bòmò amú, pù ndò ámu wá apafò bámbá ibitò.”

Bréá ahá ámu bonu asún ánfí á, beblí be, “Ínì mú itsún anisù!”

¹⁷ Yesu lékí amú ansító díín, òlèfité amú òbée, “Bulu asún ánfí así mé?”

‘Ibwi ámúò obu ayípu bekiná ámu
lébemlí okonkísóbwi ní.’

¹⁸ Òhagyíòha ání òlèdida ibwi ámusu obébiabía blúblúblúblú. Ní ibwi ámu isúnkí dá òkusv é á, ibókwe mu fíkófikófikó fé nfúó.”

Lampóoka

(Mateo 22:15-22; Marko 12:13-17)

¹⁹ Ilòwankí Mose mbala asunápù pù Bulu igyí ahapù amu ání amú iwí yébi alahá. Inu bekleá békítá mu, támè benya ahá ámu ifú. ²⁰ Mú sv bodunká òkpa ání bótson músú kítá Yesu. Inu bele ahá be bupína bwe iwí fé aha wankláán, abvte mu kí be bónu asvanku tsú mu ònó, ménì béléú músú kítá mu ya òmású ogyípù. Mubúv túmì gyi mu asún.

²¹ Yesu atépu amu befité mu beε, “Osunápú, anyiin ání ònòkwálpw fugyi, fútosúná mú é. Futamakí òhaa ansító. Mboún fútosúná Bulu òkpa ámu ònòkwálpw. ²² Afíte fól! Aní mbla lèha òkpa ání akáa lampóo ha Roma owíe òhèhè Kaesare, ntéε animáka?”

²³ Táme Yesu lówun amú agywun. Mú sv òlèbláa amú òbée, ²⁴ “Mlpu kóba amu kv ba mí anki.” Bòpwa mu. Mú òlèfité amú òbée, “Ma nwun pú mu idá dín músó?”

Bele mú ònó beε, “Kaesare.”

²⁵ Mú òlèbláa amú òbée, “Mómú mlpu tóá igyi Kaesare klé ha Kaesare, amlpu múá igyi Bulu klé é ha Bulu.”

²⁶ Mú sv bumetalí líí Yesu asun blíhé anfísv kítá mu ahá ámu ansító. Ònó é lobwie amú, bumetalí trá bwíí ònó.

*Kusú Tsú Afúlitò Iwí Asun Fitéhé
(Mateo 22:23-33; Marko 12:18-27)*

²⁷ Sadukifo òpasua buteblí beε, kusú tsú afúlitò ma iwí. Amútó aku beba Yesu wá, ²⁸ befité mu beε, “Osunápú, Mose lówanlín tswi aní òbée, ‘Ní òkv mwa mu ka bumòkwíí asa olowu sí mu ka ámu a, mu pio otsú mu ka ámu tsia, féki òkwu ha owupú ámu.’ ²⁹ Oyin òkule abí abasiénó aku betsiá. Amútó ogyankpapw létsiá òká, táme òmòkwíí asa olowu. ³⁰ Mu gyama lótsu òsrapuka amu tsia, táme mu é òmòkwíí. ³¹ Òsaasi é lótsu òtsi ámu tsia. Mu é òmòkwíí. Alu yótu osienósi amu. Amútó òkuku mókwíí asa olowu. ³² Òma-òma a, òsrapu amu é lóbowu. ³³ Afúli òkvsóké a, amútó òmòmu òbòbwe mu kulu? Tsúfé amú abasiénó ámu féé betsiá mu.”

³⁴ Mú Yesu léle mú ònó òbée, “Òyí ánfíto ahá tétsiá aká múa akúlu. ³⁵ Táme iméeba alí bré ámú òbá ámúto. Ahá ámú òbòfòn ání bókusú tsú afúlitò, tsia nkpa òyí ámú òbèba amúto ámu mú buméetsiá akúlu, buméetsiá aká. ³⁶ Buméetrá wu, tsúfé bóbwe fé Bulu-abòpwa. Bulu ahá bugyi, tsúfé bakúsú tsú afúlitò. ³⁷ Aní náin Mose kóráá lówanlín ató tsú afúlikusú iwí. Tsúfé òlówanlín òbée, eke

ámúú olowun oyíbi ku de ogyá tsií, táme imedéhóó amu a, ọletí Bulu ọbée, ‘Abraham mua Isak pú Yakob Bulu.’
³⁸ Megyí awupú Bulu ógyi, akiankpapu Bulu ógyi, tsúfẹ mu ansító mú á, amú fẹ́é bubu nkpa.”

³⁹ Inu Mose mbla asunápú amu aku beblí be, “Osunápú, fabí lé mú ọńó!” ⁴⁰ Mú su amútó ọkukukuku métrá wa klun fité mu asvansu.

Ma Gyí Kristo Amu?

(Mateo 22:41-46; Marko 12:35-37)

⁴¹ Inu Yesu léfité mbla asunápú amu ọbée, “Nkálí ulobwe asa ahá be, Owíe Dawid mu na gyí Kristo amu? ⁴² Tsúfẹ owíe Dawid onutó léblí Israelfo ulu ámuta ọbée, ‘Ani Wíe Bulu lébláa mí Wíe ọbée,

Tsia mí gyọpısu,

⁴³ yófun bréá nópu fú alupú bwé fú ayabi oyíkpa.’

⁴⁴ Owíe Dawid létí Kristo amu ọbée, mu wie. Mú nkálí su ọtráa ogyi mu na?”

Mose Mbla Asunápú Tsiátó

(Mateo 23:1-36; Marko 12:38-40)

⁴⁵ Inu ọlebláa mu akasípú ahá ámu ansító ọbée, ⁴⁶ “Mliki Mose mbla asunápú anfi wankláán. Butekle ligá wa náti kí. Butekle be ahá bubún ha amú itsiá dınsu. Otsiákpá yilé butekle tsiá Yudafó ofiakpa pú nke ogyíkpa. ⁴⁷ Butoswíi asurapu amú wóyí, butepina bọ mpái tıntıntın ahátọ póbun amú lalahesu. Bulu ọbébití amú isu kínkíínkín!”

21

Ọsurapu Ọku Tswıtswı

(Marko 12:41-44)

¹ Bréá Yesu tsie mantáa tswıtswı dáka ámu Bulu ọtswékpa unu á, olowun alá ahá ání amú ibıtọ bu odwin budepı kóba akpọnkpọntı bowa dáka ámuta. ² Inu ọsurapu ohıáni ọku é lópu mu kóba ana bowa mútọ. ³ Múú Yesu léblí

ɔbée, “Ɖnɔkwali nde mli bláa, tswitswiá ɔsurapu anfi, ɔma tɔtɔ anfi lawá á, idun ɔhagyíɔha klé. ⁴ Tsúfě atráhe amu fěé á, amú kóba tsɔtsɔtsɔ balé kpalobí tsú bɔwa. Táme ɔsurapu anfi mú íniá ɔma tɔtɔ su tɔá ɔbu fěé alapú bɔwa á.”

Bulu Ɖtswékpa Amu Bwie
(Mateo 24:1-2; Marko 13:1-2)

⁵ Yesu akasípú aku budetóí tsú aliá bɔpu abwi ání ibu bíá yi Bulu ɔtswékpa amu, pú atokiehé wankláán lá mútó. Táme Yesu lébláa amú ɔbée, ⁶ “Bré ku íbá, bóbwie mú fěé bun. Ibwi kule kóráá méesian dunká mú bású.”

Iwɔsun Múa Iklán
(Mateo 24:3-14; Marko 13:3-13)

⁷ Mú mú akasípú amu befité mu bee, “Osunápú, bré mɔmɔtɔ íni fěé béba? Osúna mɔmu abópúbíá bré ámu ilafun?”

⁸ Inu Yesu lébláa amú ɔbée, “Mlikí wankláán, méni ɔhaa méemlé mli. Tsúfě ahá tsɔtsɔtsɔ bópu mí dá ba bee, amúgyí Kristo amu ni. Mú bré lafun ta, táme mlumábuo amú. ⁹ Ní mlonúá ísá múa kpokiti ladá á, opúni mátsií mli. Tsúfě ilehián ání íni aná bégyankpá bá, táme ɔyí ɔnómaké uméeba unɔnu.”

¹⁰ Inu ɔlebláa amú ɔbée, “Ɖmá bókɔ aba. Awíe bókusú líí abasu. ¹¹ Ɖsulúv íbékpinkí ntíné-ntíné. Akún múa ilo tsánkíhé é béba ntíné-ntíné. Ntobíá ihíe bu ifú pú osúna akpɔnkpɔnti béba tsú ɔsúsú. ¹² Táme asa mú fěé béba a, békítá mli, béhie dínká mliɔ, pú mli ya Yudafɔ ofiakpa yégyi mli asún, wá mli obu. Mí su békpa mli ya awíe pú ɔmású agyípú ansító. ¹³ Íni ɔbéha mli ɔkpa mlétalí gyi mí iwɔ adánsɛ súná amú ní. ¹⁴ Táme mlumáhan mli iwɔ susúu aliá mléle iwɔ ɔnó. ¹⁵ Tsúfě néha mli nyánsa múa ɔnɔwanki, mli anyabá ámɔtɔ ɔkuku méetalí gyi mli nwéen. ¹⁶ Mli akwíró, mli apíó, mli wóyító ahá pú mli anyawíe kóráá béle mli há, bómɔ mlitɔ aku. ¹⁷ Mí su ahá fěé bólu

mlí. ¹⁸ Táme mlí nwunsv-imi kule kúráá móṓfwí. ¹⁹ Ní mletálí líí kínkín á, mlénya nkpa ání itamatá.

Yerusalem Bwie Iwí Asón Blí
(*Mateo 24:15-21; Marko 13:14-19*)

²⁰ “Ní mlowun ání isá akṓpú bakáfía Yerusalem wúlu a, mlibiá wúlu amv ibá obwiekpá. ²¹ Múmó ahá ání bubv Yudea ṓmátó busrí yṓ abusu. Ahá ání bubv Yerusalem wúlutṓ budáli. Amúá buma wúlu amvṓ é bumáyinkí ba. ²² Tsúfḗ alí nke ámv ibóbwe Israelfṓ ṓvbití nke fé alíá Bulu ṓnósú atṓpú amv bṓwanlín tswí. ²³ Amenyapú pú abí ayín ání buṓia abí bṓbwe alí bré ámvṓ, bugyṓwí ní. Tsúfḗ asvñ wunhe amv ṓnó bówa ṓnlun. Ikplán kṓṓkṓṓntí béba ṓsulúsv, ṓvbití kṓṓkṓṓntí é ibéba mósú atsiápúsv. ²⁴ Amótó akv básín ṓdayí ṓnó. Békítá amú akv é ndoun ya ṓmá-ṓmátó. Yerusalem wúlu bétsiá ṓmá bámbásúfṓ así, alu yṓfun bréá amú ṓmá ámv asítsiábí lamó ṓnó.

Nyankṓusa-Mv-Bi Ámv Ibábi
(*Mateo 24:29-31; Marko 13:24-27*)

²⁵ “Bówun osúna owí, ṓtsra pú ntsrakpabisv. ṓpv béda ifúsú. ṓsulúsv atsiápú bénya ifú, buméebi tṓá bubwée. ²⁶ Nwulótáa múa mótó ató féé békpinkí. Mú sv ahá bénya ifú, tún ḡé tṓá idebá sv. ²⁷ Alí bré ámvṓ á, ṓhagyíṓha obówun ání mí, Nyankṓusa-Mv-Bi áñfi napú túmi múa numnyam kṓṓkṓṓntí mbv nwulótáatṓ tsú ṓsúsú nebá. ²⁸ Ní ntobí áñfi ide mósú yṓ á, mlíkusu lu, amlitsu ansí fva kí, tsúfḗ mlí nkpahóbi lafun.”

ṓyí ṓnómṓ Iwí Osúna
(*Mateo 24:32-35; Marko 13:28-31*)

²⁹ Yesu léha amú yébi ṓbéé, “Mlípṓkí pṓntṓ múa nyí atráhe. ³⁰ Ní ide ate pṓpwe le á, mlitowun mú, bí ání awikpan bré lafun ta. ³¹ Alí kén, ní mlowun ání ntobí áñfi

fée ide mótó bá a, mlibi ání Bulu iwíegyí ámu tlawíé wóyí tá.

³² “Ɖnɔkwali nde mli bláa. Ndemba-abí ánfí fée bumóowu tá, asa íni fée béba mótó. ³³ Ɖsú múa asi fée bótson, táme mí asun blíhé móɔtsun ekekekeke.

Lwisuda

³⁴ “Mlíki wankláán, méní opotsuawa, ntábu pú ɔyító ató ɔmagyáa méegyí mli agywunsu, méní mí, Nyankpusa-Mu-Bi ánfí ɔbáke amu méebekítá mli fé yibi. ³⁵ Tsúfě ibéba ɔyító ahá féesú. ³⁶ Íni su mligyo, amlibɔ mpái, méní mlénya ɔwonlín tálí tsun ofúla amu féeétó, belí mí, Nyankpusa-Mu-Bi ánfí ansító.”

³⁷ Nke ámutó á, Yesu létsiá yósuná ató Bulu ɔtswékpa inu ɔpa. Onyé á, alanátí yó Nfɔ-nyíbu ámusu. ³⁸ Ahá tsɔtsɔtsɔ butakúsú ba Ɖtswékpa inu bake, bonu mu asun blíhé.

22

Bekiklí Yesu Nwunsu

(Mateo 26:1-5; Marko 14:1-2; Yohane 11:45-53)

¹ Israelfɔ Bodobodo MátúhéNke, igyi amúsú Katsun Nke ámu gyí ibá bɔfun. ² Bulu igyí ahapú dehen pú Mose mbla asunápú amu bodunká ɔkpa ání bótson músú kítá Yesu njáintó, mó mu, tsúfě bude ahá ámu ifú nya.

Yuda Iskariot Lótsulá Ání Ɖbéle Yesu Há

(Mateo 26:14-16; Marko 14:10-11)

³ Inu Ɖbunsám lówie Yuda Iskariot, ogyi Yesu akasípú dúanyɔ ámutó ɔkuletó. ⁴ Mú su ɔɔyɔ Bulu igyí ahapú dehen pú Bulu ɔtswékpa agyópu dehen wá, bekítá agywun alíá ɔbéle Yesu há amó. ⁵ Ansí légyi amó. Mú su botsulá ání béka mu ikó. ⁶ Yuda lótsulá. Mú su olodunká ɔkpa ání ɔbótson músú híéé lé Yesu há amó, bréá ahá tsɔtsɔtsɔ ámu buma inu.

Katsun Atogyihe Gyí

(Mateo 26:17-19; Marko 14:12-21; Yohane 13:21-30)

⁷ Bodobodo MátúhéNke ámutɔ ekeá butɔmó Israelfɔsu Katsun Nke akúfa lɔfun. ⁸ Yesu lówa Petro mua Yohane ɔbéɛ, buyóɔbwe Israelfɔsu Katsun atogyihe amu yai ha amú.

⁹ Petro mua Yohane befité mu beɛ, “Ani Wíé, nkúnu ayóɔbwe mú yai?”

¹⁰ Múú ɔlebláa amú ɔbéɛ, “Ní mlowié wúlu ɔnó á, mléfia oyin ɔkúá ɔsu ntsu-ɔlɔ. Mlibuo mu yɔ wóyítɔ. ¹¹ Mlowié á, mlifite wóyí mu wie amu mlíaa, ‘Osunápú ɔbéɛ, afíte fú, nkúnu afɔɔ ɔswúkpá bu, ání mía mí akasípú abéba begyi Katsun atogyihe amu?’ ¹² Obósuná mli abansúru yílé kúá balá mótó yái. Mlibwe ató ámu yai unv.”

¹³ Petro mua Yohane bɔpu ɔkpa. Boyówun tógyítɔ alí amúú Yesu lébláa amú ámu pépéépé, bɔbwe Katsun atogyihe amu yái unv.

Yesu Ntópwe Atogyihe Tráhe

(Mateo 26:26-30; Marko 14:22-26; 1 Korintofɔ 11:23-25)

¹⁴ Ató ámu gyíbi lɔfun, Yesu mua mu sumbí ayɔpú beba betsiá ɔpúnú ámu asi. ¹⁵ Yesu lébláa amú ɔbéɛ, “Nhié ndeklé mbéɛ, mía mlinyɔ abégyi Katsun Nketɔ atogyihe anfi asa mí anwun iwɔsun. ¹⁶ Tsúfɛ ndɛ mli bláa mbéɛ, mméetrá gyi mú ekekekeke yófun ekeá itó amúbú atogyihe anfi ulí há ámu laba mótó Bulu iwíegýí amutɔ.”

¹⁷ Inu olotsu ntá-ewe, dá Bulu ipán, ɔlebláa amú ɔbéɛ, “Mliho amlunu ha aba. ¹⁸ Tsúfɛ ndɛ mli bláa mbéɛ, mméetrá nu wáun-abí ntá ánfi ekekekeke yófun bréá Bulu iwíegýí ámu íbéba.”

¹⁹ Inu ɔlele bodobodo ipín, ɔleda Bulu ipán, bíábía mótó púhá amú, blí ɔbéɛ, “Mí ɔyulúá mli su nasí há ní. Mlitsia bwe ínɩ pokaun mísú.” ²⁰ Alí kén, bréá begyi ató ámu tá á, olotsu ntá-ewe ámu há amú, blí ɔbéɛ, “Ntá-ewe ánfi gyí

Bulu ntam pəpwe ání nétseí mí obugya wólí púsí músú há mli ní.

²¹ “Íniá ndeblí á, mía zhá ámúú obéle mí há ámu ibi da əlepe əkuleto. ²² Mí, Nyankpusa-Mu-Bi ánfí nówu fé alíá Bulu léhie yáí, táme zhá ámúú obéle mí há ámu əgyówi.”

²³ Inu befi asi bude aba fité be, “Ngya anito ma obóbwe íni?”

Ma Obóbwe Zhande?

²⁴ Nwéengyí léba sumbí ayəpú ámutə, amútə əmúá obóbwe zhande sv. ²⁵ Yesu lébláa amú obé, “Əmátəfə awie bubu túmi amú ahásu. Ahá ámu butetí amú ahande be, ‘Buale agyípu.’ ²⁶ Táme mlito mú á, umába alí. Zhá ání odekléá obóbwe mlito zhande obwée mu iwí ətráhe. Zhá ání odeklé obé, móbwe mli nkpa ogyápu é obwée mu iwí fé osúmpú. ²⁷ Ma dön mu ba? Zhá ání otsie əpónúasi lóó, ntée zhá ání odesúm əpónú ámu asi? Megyí zhá ámúú otsie mú asi ámu dun? Táme mbu mlito fé osúmpú.

²⁸ “Mliləwa klun buo mi mí isókí féétó ni. ²⁹ Alí ámúú mí Sí layáí mí owie amu a, alí mí é nde mli yáí ní, ³⁰ méni mlétsiá mí əpónúasi, gyi ató, nú ntá mí iwíe ogyíkpa inu. Mlétsiá awie mbíasú, gyi Israel abusuan dúanyə ámu asón.”

Petro Obóswí Obé Mumeýín Yesu

(Mateo 26:31-35; Marko 14:27-31; Yohane 13:36-38)

³¹ Yesu lébláa Simon Petro obé, “Simon, Simon! Kí, Zhunsám dé əkpa kulí obé, obófuní mli fé ayó. ³² Táme nakókóli Bulu há fú mbé, fumádida hógyito. Ní feyínki ba mí wá á, wa fú aba ámu é əwənlín.”

³³ Petro lébláa mu obé, “Mí Wíé natsúlá, ní obu igyi kúráá mía funyo abédi. Ní lowu ígyi é á, mía funyo abówu.”

³⁴ Yesu lébláa mu obé, “Petro, nde fú bláa mbé, nde, asa bate obéle ənó á, fóswí pú ibi wá ogyá tse sa fəe fumeýín mí.”

Iwíklí Aní Ibéba Ekekú

³⁵ Inu Yesu léfité akasípú amu óbée, “Bréá n̄owa mli sumbí, m̄lumédé sika akente, m̄lumédé akpankogyo ntée ntokota nȳɔɔsi a, t̄oku lehián mli?”

Bele mú ɔnó bee, “Ekekεεκε! T̄oto mehián aní.”

³⁶ Múú ɔlebláa amú óbée, “Táme séi mú á, fúá fúbu sika kente, ntée akpankogyo a, tsu kita. Ní m̄lito ɔku má ɔdayí iya anyo á, ɔfé mu tati puho ku! ³⁷ Tsúfée ilehián aní mí iwi asún ámúú ibu Bulu asun wanlínhétó ámu ibéba mútó. B̄owanlín bee, ‘Bekla mu wá lakpan abwepútó.’ Tsúfée asún ámúú b̄owanlín tsú mí iwi ámu ibá lafun ta.”

³⁸ Akasípú amu bebláa mu bee, “Ani Wíe, ki, ndayí anyo ní.”

Múú Yesu lébláa amú óbée, “Itso.”

Mpáibo Nf̄o-nyíbusu

(Mateo 26:36-46; Marko 14:32-42)

³⁹ Yesu lédali wúluto yó Nf̄o-nyíbu ámusu, fé aliá otetsiá yó unu yái. Mu akasípú é bobuo mu. ⁴⁰ Bréá bowie unu á, ɔlebláa amú óbée, “M̄likokoli Bulu, méni m̄lumóowie isókito.”

⁴¹ Múú ɔledali amútó yó nkpá kpalobí fé nfi m̄úa nfi, yéda akpawunu bó mpái óbée, ⁴² “Mí Sí, ní fót̄sulá á, ha ntá-ewe ánfi* itsun musu. Táme megyí t̄óá ndeklé, m̄úa f̄udeklé ibá mútó.” ⁴³ Inu Bulu-ɔb̄ɔpu lótsu ɔsúsú bá bele iwi ɔwan súná mu, wá mu ɔwunlín. ⁴⁴ Asún ihíé de mu háan. Mú su ɔlɔb̄o mpái kínkíínkín. Ileha mu apípi lemlí fé obugya, idet̄un da ɔsolúto ta-ta-ta.

⁴⁵ Bréá ɔlɔkusú tsú mpái ámu ɔb̄ɔkpá, yínkí ba akasípú amu wá á, olowun aní buɔɔɔɔɔ. Awireh̄o de amú. Mú su iwi lawú amú. ⁴⁶ Múú ɔlefíté amú óbée, “Ntogyi s̄u m̄lidéɔɔɔ? M̄likusu aml̄ikokoli Bulu, méni m̄lumóowie isókito.”

* 22:42 Ntá-ewe ánfi igyi iw̄ɔsun aní Yesu obówun.

Yesu Kitá

(Mateo 26:47-56; Marko 14:43-50; Yohane 18:1-11)

⁴⁷ Yesu onó mesi, odom bowotíí amósú. Akasípú dúanyo ámuta okuleá butetí mu Yuda gyá amú nkpa. Inu olenatí túb Yesu obéé, amulata mu puta, ⁴⁸ táme Yesu léfité mu obéé, “Yuda, latá félatá mí, Nyankpusa-Mu-Bi ánfí pútá, pólé mí há?”

⁴⁹ Akasípú amúbú bubu Yesu wá ámu bowun tóá íbá. Mú su befité Yesu beé, “Akóo amú? Aníbu ndayí.” ⁵⁰ Inu amótó okule lótswi mu odayí kpá Bulu igyí ohapú dehen osúmpú oku gyoṛi-isu lé.

⁵¹ Yesu lébláa okasípú amu obéé, “Mábwe! Isíi mli oka!” Inu oṛpu ibi da osúmpú amu isu ámu, ileyinkí tsá.

⁵² Múbú Yesu léfité Bulu igyí ahapú dehen, Bulu otswékpa agyóṛu ahande pú Yudafo ahande amúbú beba mu okitákpá amu obéé, “Ogyo otswapú ngyi, só mlulatsú nkpotí pú ndayí mlebá mí okitákpá? ⁵³ Ntsie mli wá Bulu otswékpa wunsínésú ekekegyíeke, mlimóṛu ibi da mi ekekekeke. Táme mli bré ní, oklún túmi dé iwíé gyí.”

Petro Lóswí Obéé Mmeyín Yesu

(Mateo 26:57-58, 69-75; Marko 14:53-54, 66-72; Yohane 18:12-18, 25-27)

⁵⁴ Inu ahá ámu bekítá Yesu, kpá mu ya Bulu igyí ohapú dehen wóyító. Petro lépetí obuo amú oma tsútsúútsú.

⁵⁵ Táme bréá bosun agyabi wunsínésú inu, butsie mú asi á, Petro léyétsiá amú wá. ⁵⁶ Otsibi okvá ogyi osúmpú inu lówun ání Petro tsie ogyá ámu asi, oṛeki mu díín, blí obéé, “Oyin ánfí é buo Yesu!”

⁵⁷ Táme Petro lóṛu onólí blí obéé, “Otsi, mmeyín mu otunetune!”

⁵⁸ Ilobwe kpalobí á, oha oku é lówun Petro, oṛlebláa Petro obéé, “Fú é fóbú amótó.”

Táme Petro lébláa mu obéé, “Owíé, megyí mí ní!”

⁵⁹ Fé dānhwírí kule ōma a, ōha bambá é léba botsulá mósú ḡbéé, “Lélé, oyin ánfí é létsiá mu wá, tsúfē Galileayin ogyi.”

⁶⁰ Táme Petro léle mú ḡnó ḡbéé, “Agya! Kí, mmeyín asún ánfí iwí kuku.”

Petro ḡnó mesi, bate lóbōn. ⁶¹ Aní Wíe Yesu lédamlí kí Petro. Inu Petro lékaín asún á múú aní Wíe lébláa mu ḡbéé, “Fós wí tse sa fēe fūmeyín mí asa bate ḡbéle ḡnó onyenu.” ámuṣu. ⁶² Inu ḡledali yó kpankpá híé yósu.

Yesu Ahinlá Bwe

(Mateo 26:67-68; Marko 14:65)

⁶³ Yesusu akípu befi así buḡe mu ahinlá bwe, buḡe mu da. ⁶⁴ Bōpu ató klí mu ansíbi, fíté mu bee, “Bulu ḡnósú ḡtáípu, maladá fú? Bla aní.” ⁶⁵ Bekpa mu asiabí, bláa mu nyányála.

Yudafō Asún Agyípu Ansító Lí

(Mateo 26:59-66; Marko 14:55-64; Yohane 18:19-24)

⁶⁶ Yudafō ahandē, Bulu igyí ahapú dēhen pú Mose mbla asunápú amu befia ḡyi kehe nyanki-nyanki, bebitía Yesu belú amú ansító. ⁶⁷ Bebláa Yesu bee, “Ní fúgyí Kristo, (ḡhá á múú Bulu ladá mu ofúli amu) a, bla aní.”

Yesu lébláa amú ḡbéé, “Ní nebláa mli kúráá, mlimóohogyi. ⁶⁸ Ní nefité mli asvanku é á, mliméele mú ḡnó. ⁶⁹ Táme tsú séi púya a, mí, Nyankpusa-Mu-Bi ánfí nétsiá Bulu Otúmípu amu gyōpisu.”

⁷⁰ Amú fēé befité Yesu bee, “Mú su fúgyí Bulu mu Bi ámu ni?”

Yesu lébláa amú ḡbéé, “Ee, ḡnōkwali amu mlilabli á.”

⁷¹ Inu befité aba bee, “Ntogyi sú abétrá dunká adansífo bábábá? Mú anilanú tsú mu onutó ḡnó á.”

23

Yesu Kpa Ya Pilato

(Mateo 27:1-2, 11-14; Marko 15:1-5; Yohane 18:28-38)

¹ Inu ahá á múbú befia unu á mú bókusú kpá Yesu ya omású ogyípú Pilato. ² Beka asún dínká musu be, “Anlawun ání oyin ání dé omá ánífito ahá yintá. Ode amú bláa obé, bumátra ka lampóo há Roma owie dehen. Odeblí é obé, mugyí Kristo, (ohá ání Bulu ladá mu ofúli amu), idesuná ání owie ogyi.”

³ Pilato léfité Yesu obé, “Fúgyí Yudafo owie amu ni?”

Yesu léle mú onó obé, “Ee, mú fablí á.”

⁴ Pilato lébláa Bulu igyí ahapú dehen pú odom amu obé, “Mmókúwun tsitsa kukvá oyin ání labwé.”

⁵ Táme amú mú bude mótó kótóo be, “Odepu mu atosunáhé tí itré múa ikó wá Yudea omá ánífito. Olesi mú asú tsú Galilea, alapú bowie nfi.”

Yesu Líí Herode Ansító

⁶ Bréá Pilato lónu asún ání á, olesíté obé, “Galileayin oyin ání gyi?” ⁷ Bréá olesi ání Yesu otsú Galilea, otínéá owie Herode dé iwie gyi a, olesha bekpá mu ya Herode. Ali bré ámuta á, Herode bu Yerusalem wúluta unu. ⁸ Bréá owie Herode lówun Yesu a, ansí lehie gyi mu. Tsúfé olodunká ání obówun mu dododo, mu iwí asún ání alanú su. Odeklé ání Yesu obwée osúna ku suna mu. ⁹ Mú su olesíté Yesu asún tsotsotso, táme Yesu méle kuku onó. ¹⁰ Bulu igyí ahapú dehen amu pú Mose mbla asunápú amu bulí unu, budekplón ka asún dínká musu. ¹¹ Owie Herode mua mu isá akapú ámu é bəsupáa mu, bwé mu ahinlá. Bəpu sríki ligá ku wá mu, beyinkía mu ya Pilato. ¹² Owie Herode mua Pilato bemlí anyawie tsú eke ámu. Teki amú nsiné uma ale yái.

Yesu Lowu Ipón Ha

(Mateo 27:15-26; Marko 15:6-15; Yohane 18:39-19:16)

¹³ Pilato létu Bulu igyí ahapú dehen, Yudafo ahande pú omá ámu féé befia. ¹⁴ Múú olesbláa amú obé, “Mlilékpá oyin ání ba mu mlíaa, ode omá ámu agywun yintá. Nafité

mu onótó asón mli ansító, nawun ání asón ámúb mliléka dínká musu ámu uma mótó. ¹⁵ Owíe Herode é lawun mú alí. Mú sù alayínkíá mu sísí aní ní. Oyin ánfí mókúbwé tətəá bómə mu. ¹⁶ Iní su néha bépítí mu ató, mí ansi mu onati.”

¹⁷⁻¹⁸ Inu ɔdɔm amu fée bəklón blí beɛ, “Le mu unu, afusi Baraba ha aní!”* ¹⁹ (Baraba anfi da obu, tsúfé ɔɔkusu lí wúlu amusu, ɔɔmə ɔha é mótó.)

²⁰ Pilato lékléá obési Yesu. Mú su ɔletrá toí kplá ɔdɔm amu. ²¹ Táme bəklón kúklókúú bláa mu beɛ, “Da mu manta oyikpalíhesu! Da mu manta oyikpalíhesu!”

²² Pilato lébláa amú otse saasi ɔbée, “Tsitsa məmu alabwé? Mmókúwun tóá alabwé, sù néha bómə mu. Néha abupiti mu ató, onati.”

²³ Táme bubu músú budekplón kúklókúú beɛ, ɔháa abuda mu manta oyikpalíhesu. Inu bəɔun mu onólí. ²⁴ Mú su Pilato lóbwe dínká tó ámúb budekplón ámusu. ²⁵ Olesi oyin ámúb ɔɔkusu líí ɔmá ámusu, mó ɔha mótó sù ɔda obu ámu, olesi Yesu há mu isá akəpú ɔbée bubwée mu alíá há ámu budekplé.

Yesu Da Mántá Oyikpalíhesu

(Mateo 27:32-44; Marko 15:21-32; Yohane 19:17-27)

²⁶ Bréá bekpa Yesu bəyó á, befia Kireneyin ɔkúá butetí mu Simon. Otsú abúasi. Isá akəpú ámu beka mu híé beɛ ɔsóra oyikpalíhe amu buo Yesu.

²⁷ ɔdɔm bobuo Yesu. Atsiá bubu amótó bupu amú anyópu, buhíé budesú ha Yesu. ²⁸ Yesu lédamlí, ɔlebláa amú ɔbée, “Yerusalemfə atsi, mlumásu mi. Mlisu mli iwi pú mli abí. ²⁹ Tsúfé nke ku ibá mléblí mliáa, ‘Bulu layúlá atsiá bumókúkwíí ki, obí mókúdí amú opúnitə ki, obí mókúnyópú amú é ki.’ ³⁰ Alí bré ámutə á, háá bébláa

* ^{23:17-18} Mótó yée 17 bu nwuló dada amu akotə: Katsun Nke kugyíkwə á, lehián ání Pilato obési obu ɔdipú ɔkule ání Yudafo ámu budekplé há amú.

abu bεε, ‘Mlibwie bun anisv. Nkúku, mliṗula aní.’ ³¹ Tsúfé ní bude oyi bóbwe ogyá wa alí á, nkáli bóbwe oyi wulíhe?”†

³² Isá akápú ámu bekpa lalahe abwεpú abanyó é mántá Yesusu, bəyómə amú. ³³ Bréá bowie ətinekuá bvtetí unv “Nwun Okokobi” a, beda Yesu mántá oyikpalíhesv. Beda amú abanyó ámu é mántá nyikpalíhesv. Əkule bu Yesu gyəpɪsv, əkule é bu mu binasv. ³⁴ Inu Yesu léblí əbéε, “Mí Sí, sikie amú, tsúfé bumeýín tóá budebwe.”‡

Isá akápú ámu bətswɪ abi ye Yesu atadietə. ³⁵ Ahá tsətsətsə amú bɔbuo amú yó unv ámu besi bulí unv bude mu kí. Yudafo ahande amv bóbwe mu ahinlá bεε, “Əlɔhə ahá nkpa. Ní lélé mvgýí Kristo, (əhá amú Bulu ladá mu ofúli), mu Bulu lalé ní á, əhóə mu iwɪ nkpa!”

³⁶⁻³⁷ Isá akápú ámu é bəpɪ ntá ədái tin mu ənó, bwé mu ahinlá bεε, “Ní fúgyí Yudafo owíε amv nɪ á, le fú iwɪ!”

³⁸ Bəwanlín ató mántá oyikpalíhe amv awunso bεε, “YUDAFƏ OWÍE AMV Nɪ.”

³⁹ Lalahe abwεpú amú beda mántá oyikpalíhesv ámutə əkule léblí Yesu iwɪ abususv əbéε, “Megýí fúgyí Kristo amv nɪ? Le fú iwɪ, afule anɪ mεε!”

⁴⁰ Táme onyɔəsv amv lówa ɪyɪn wá mu əbéε, “Fvmedé Bulu ifú nya! Fúa mɔnyə féé dé ɪsubití kule hóə. ⁴¹ Anɪ mú á, anɪ ɪsubití ida əkpa, anɪ lakpan ání anilóbwe sv. Táme oyin ánfɪ mú mókóbwé laláhe kuku.” ⁴² Mú əlebláa Yesu əbéε, “Yesu, ní febá fú iwíε ogyíkpa a, kaɪn mísú!”

⁴³ Yesu lébláa mu əbéε, “Ənəkwalɪ nde fú bláa. Nde, mía funyə abétsiá Paradiso.”

Yesu Lowu

(Mateo 27:45-56; Marko 15:33-41; Yohane 19:28-30)

† 23:31 Ní mí ánfɪ mí asón da əkpa ánfɪ kúráá budebwe alí á, nkáli Bulu əbóbwe ahá ání bégýi pón mu ansító? ‡ 23:34 Mú tó yéε 34 uma nwulú dada amv akotə.

⁴⁴⁻⁴⁵ Alí bré ánfí íbóbwe fé ɔpa dódúanyɔ. Owí leta ɔsolúv amusu f́éé alí yófun ntúpwe ɔsato. Owí metrá lin e. Inu á, tati ámúv bɔpuká Bulu ɔtswékpa obu ámutɔ ulabalí anyɔ. ⁴⁶ Yesu lókplɔn kúklókúv blí ɔbéé, “Mí Sí, napó mí ɔhé wá fú íbítɔ.” Olenya blí alí tá pé, ɔlele ɔhé.

⁴⁷ Bréá ísá akɔpú ɔhande amu lówun tóá ulaba a, ɔlekanfú Bulu ɔbéé, “Lélé, ɔha yilé oyin ánfí gyí.”

⁴⁸ Ahá ámúv bulúv inu ámu f́éé bowun tóá ulaba, bɔpu awirehɔ náti bɔyó wóyí. ⁴⁹ Táme amúá buyin Yesu pú atsi ámúv bobuo mu tsú Galilea ɔmátó ámu besi bulí tsútsúútsúv buɔe itóá ide músú yɔ kí.

Yesu Pulá

(Mateo 27:57-61; Marko 15:42-47; Yohane 19:38-42)

⁵⁰⁻⁵¹ Oyín ɔku létsiá, butetí mu Yosef. Otsú Yuda wúlu kvá butetí mú Arimateato. ɔha yilé ogyi, obú é bu musu. Ibo mútóá ɔbu ɔmá ámu asún agyípútɔ, táme omotsulá dínká amú agywun pú amú bwehé ánfísv. Otsie ogyo Bulu iwíegyí ámu. ⁵² Oyín ánfí lóyo Pilato wá, yókulí mu ɔkpa ɔbéé, osíi Yesu fúli amu ha mu. Pilato léha mu ɔkpa. ⁵³ Inu Yosef léyeyei Yesu fúli, ɔlɔpu ɔhráda kíklí mu iwí, pú mu yówa ɔbó kvá mu onutó ɔleha beda butátó há mu iwí, bumákópúlá ɔhaa mútó kí. ⁵⁴ Eke ámu igyi Fieda. Eke ámu igyi ogyá ɔɔvɔdáké. Owí inyá tá pé, ɔkpúnú ɔɔvɔdáké ámu lafi asi.

⁵⁵ Atsi ámúv bubuo mu tsú Galilea amu bobuo Yosef yéki Yesu opulákpá pú aliá ɔlɔpu fúli amu tswí ɔbó ámutɔ.

⁵⁶ Beyinkí yó wóyí yókwé ohuam, ɔhíén pú ofobí fánfán ání bópu yékpá Yesu. Botsutsúá abubwe ta á, owí latá, beda ɔkpúnú ɔkpúnú ɔɔvɔdáké ámu fé aliá Mose Mbla leblí.

24

Yesu Kvsó Tsú Afúlitɔ

(Mateo 28:1-10; Marko 16:1-8; Yohane 20:1-10)

¹ Kwasiēda, igyi ndawótswító eke gyankpapu bake a, atsi ámu bókusú tsú afá ámúú bókwe yáí ámu yó Yesu ntsán ámu asi. ² Bowun ání bamína íbwi ámúú bəputin əbó ámu ənó ámu lé inu. ³ Mú su bebitíwíé əbó ámutə, táme bumowun Yesu fúli ámu. ⁴ Besi bulú, bude nwuntə bu. Beki a, ayin abanyó aku líi amú wá inu á. Amú atadie de ogyá kpa. ⁵ Ifú lekítá atsi ámu, beda akpawunu pú ansító bun əsulótə. Táme ayin ámu befité amú bee, “Ntogyi sú mlidé əkiankpapu dunká afúlitə?” ⁶ Əma nfi, alakúsú! Mlikaun asún ámúú əlebláa mli bréá mliə mnyə mliəv Galilea əmátə ámuvsu. ⁷ Əbée, ‘Ilehián ání béle mí, Nyankpusa-Mu-Bi ánti há lakpan abwepú. Béda mí mántá oyikpalíhesu. Mú eke sáásí a, nókusú tsú afúlitə.’ ” ⁸ Inu atsi ámu bekaín Yesu asún ántisv. ⁹ Beyinkí tsú ntsán ámu asi bebláa sumbí ayəpú dúəkun ámu pú aha atráhe amúú bubu inu ámu fée tśá bayówun.

¹⁰ Atsiá bəyə ntsán ámu asi gyí, Magdalayintse Maria, Yohana pú Yakobo mu yin Maria. Amúba atsi akvá bubu amútə lékla asún ánti suná sumbí ayəpú ámu. ¹¹ Asún ámu ləbwe sumbí ayəpú ámu fé mimlála. Mú su buməhə mósú gyi. ¹² Táme Petro mú lókusú, tsíi əsrí yó ntsán ámu asi. Olobun kpéléki əbó ámutə. Tati ámúú bəpupúlá Yesu nkule olowun ání ida ifóntə. Oleyinkí yó wóyítə, əde nwuntə bu tsú asún ánti ilaba anfi iwí.*

Emaus Wúlutə Yə
(Marko 16:12-13)

¹³ Eke ámu kén á, abúopu amu abanyó benatí bəyó wúlu kvá butətí mú Emaustə. Tsú Yerusalem ya inu bóbwe fé máuli asienó. ¹⁴ Amú nkule buna bude nkəmbə gyí tsu asún ámúú ilaba amu iwí. ¹⁵ Bréá bude mótə yə á, Yesu onutó é lóbətu amú, mva amúnəyə buna. ¹⁶ Bulu létin amú ansí.

* 24:12 Mótə yée 12 uma nwuló dada amu akutə.

Mú su bumebi mu. ¹⁷ Yesu léfité amó òbée, “Amansu iwí nkòmbò mlíná mlídégyí alí?”

Besi lí tikpa, awirehò lekítá amó. ¹⁸ Amótó òkuleá bútetí mu Kleopa léfité òbée, “Fú nkule gyí òfòó Yerusalem wúlutò, fómeyín asún ání ilaba unv nke ánfítò?”

¹⁹ Yesu léfité mu òbée, “Amansu igyi?”

Bebláa mu bæ, “Yesu, Nasaretyin amu iwí asún igyi. Bulu ònósú òtòipú ogyi. Òlòbwe ofúla akpònkpònti, bí Bulu asún túmisu, Bulu muva anyánkpòsa fée ansító. ²⁰ Aní Bulu igyi ahapú dehen pú wúlu ahande bapú mu há ahá, bahá mu lowu ipón, dá mu mántá oyikpalíhesu. ²¹ Teki mugyí òhá ání aniléki òkpa aníaa, òbéha aní Israelfò abégyi iwí ní. Nde eke sáásí òpá asún ánfí lébá. ²²⁻²³ Múá idun kóráá á, anitò atsi aku bayó mu ntsán ámu así bakiení, táme bumowun mu fúli amu. Bæ, bayówun Bulu-abòpu aku babláa amó bæ, òbu nkpa. Tóá beyinkí bebláa aní lawá aní wánwan. ²⁴ Íni su anitò aku é basrí yó ntsán ámu así, bayówun mú fè alíá atsi ámu beba beblí. Amó é bumowun fúli amu.”

²⁵ Yesu lébláa amó òbée, “Mlilémmíá o! Mlí agywun tamayó agyómá òsasú. Nkálí igyi sù mlímóhò asún ámúó Bulu ònósú atòipú amu beblí tswí amu féesú gyi? ²⁶ Mlíméyín mlíaa, ilehián ání Kristo, (òhá ání Bulu ladá mu ofúli amu) obówun iwéwsin, asa obénya mu numnyam?” ²⁷ Inu Yesu léle mu iwí asún ání bówanlín wá Bulu asun wanlínhé amutò, tsú Mosesu bòtu Bulu ònósú atòipú amu féesú así súná amó.

²⁸ Bréá bowie wúlu amutò bəyó á, Yesu lóbwe fè òdetsúun òyó òtine bambá. ²⁹ Táme abúopu amu bebláa mu bæ, “Aní sí, owí lapò, di aní wá nde.” Mú su Yesu lébaí yó amó wá. ³⁰ Bréá bude ató gyí a, Yesu léle bodobodo ipín, dá Bulu ipán. Múó olebiabía mútò púhá amó. ³¹ Inu unv amó ansísú letítí amó, bebi mu, táme òlòfwí sí amó. ³² Inu

befité aba bee, “Ansí mehie gyí aní bré ámúbú ania munyɔ aniná, ɔde aní asún bláa, ɔde Bulu asun wanlínhé amu asi le súná aní ámu?”

³³ Bókusú inu yínkí ba Yerusalem. Beba a, sumbí ayɔpú dúɔkun ámu pú aha tráhe bafia, ³⁴ búdeblí bee, “Lélé, aní Wíe lakúsó. Alalé iwí ɔwan súná Simon!”

³⁵ Mú su ahá abanyó ámu é beblí tǎá bayówun ɔkpatɔ. Tǎá bɔpubí mu gyí bodobodo amúbú oleye ha amú ámu.

Yesu Iwíɔwanle Súná Mu Akasípú

(Mateo 28:16-20; Marko 16:14-18; Yohane 20:19-23; Gyu-magyihe 1:6-8)

³⁶ Ahá abanyó ámu bubu músú budetɔí alí á, Yesu onutó léba belí amú nsiné. ɔleblí ɔbéé, “Iwí ilwíí mli.”†

³⁷ Opúni letsíí amú, bɔwan. Ilobwe amú fé fúli budewúun. ³⁸ Inu Yesu léfité amú ɔbéé, “Ntogyi súbú mlidé ifú nya, mlidé nwéen gyí mli kluntɔ alí? ³⁹ Mlíki mí ibi, amlíki mí ayabiasí. Megyí mí onutó ní? Mlíkita mí amlíki. Fúli má ɔyulúbú mǎa awú fé alí mbu.”

⁴⁰ Bréá ɔleblí asún ánfi tá á, ɔlɔpu mu ibi pú mu ayabi súná amú. ⁴¹ Ansí lehie gyi amú, asún ámu é lówa amú wánwan. Mú su bumohogyi ání lélé mu ni. Inu ɔlefité amú ɔbéé, “Mlíbu atogyihe ku nfi?” ⁴² Beha mu iye tǎhé itin ku, ⁴³ ɔlɔhɔ mǎ, wí mǎ amú ansító inu.

⁴⁴ Inu ɔlebláa amú ɔbéé, “Íni gyí asún ání nebláa mli bréá mbu mli wá ní. Nebláa mli mbéé, ilehián ání mí iwí asún kugyíkúá bɔwanlín wá Mose Mbla, Bulu ɔnósú atóipú nwulú pú Israelfɔ ilu ɔwulótó féé béba mǎtǎ.”

⁴⁵ Inu olobwíí amú agywun, méní bónu Bulu asun wanlínhé amu asi. ⁴⁶ ɔlebláa amú ɔbéé, “Bɔwanlín tswi bee, Kristo, (ɔhá ámúbú Bulu ladá mu ofúli amu) amu obówun iwíasun, wú. Bulu ɔbókusúba mu mú eke sáásí tsú

† 24:36 ɔleblí ɔbéé, “Iwí ilwíí mli.” uma nwuló dada amu akotɔ.

afúlitò. ⁴⁷ Mú òma a, ahá bédá Bulu asón wankláán ámu òkan mí idátò há òmá féè bεε budámli klvntò, fέki Bulu obési amú lakpan kíé amú. Béfi mú así tsú Yerusalem. ⁴⁸ Mligyí mí adansífo há asón ánfí ní. ⁴⁹ Nόpu Ɖηε Wankíhé amúó mí Sí léhie yáí há mli ámu sísí mli. Mú sv mltsia wúlu anfitò alu yófun ekeá Ɖηε Wankíhé amu obótsu òsúsú bá beha mli túmi.”

Yesu Ɖsúsú Yò

(Marko 16:19-20; Gyumagyihe 1:9-11)

⁵⁰ Bréá Yesu léblí asón ánfí tá á, òlekpa amú dáli, bəyò Betania wúlutò. Inu olotsu ibi fúá, yúlá amú. ⁵¹ Bréá òde amú yulá á, mua amúnyò nsiné lówa ífó wa bi, Bulu lótsu mu ya òsúsú. ⁵² Inu bεda akpawunu sým mu, bəpu ansigyí kpənkpənti yínkí yétsiá Yerusalem. ⁵³ Betsiá yó Bulu òtswékpa unv brégyíbré, yékanfó Bulu.

Bulu ntam pɔpwe; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 13 Mar 2019 from source files dated 13 Mar 2019

01b09958-fa53-51d1-aae0-88c7e9302503